

# تخاريف ساخرة

رواية

رامى فخرى

## دار الكنزي للنشر والتوزيع



رئيس مجلس الإدارة

محمد صلاح شديد

المدير العام

إيناس الدسوقي

مدير الإنتاج

أحمد عبد الوهاب

الطبعة الأولى

الكتاب : تخاريف ساخرة

تأليف : رامى فخرى

تصنيف الكتاب : رواية

مصمم الغلاف : محمد مجاهد

إخراج : أحمد عبد الرحمن

المقاس ١٣ × ١٩

رقم الإيداع : ١٩٢٤٩ / ٢٠١٨

الترقيم الدولي : 8 - 03 - 6660 - 977 - 978

All Rights Reserved

Alkanzy for Publishing and Distribution

+01062104822

Alkanzy.co@gmail.com

info@alkanzy.net

محفوظة  
جميع الحقوق

## إهداء

إلى كل من سيحملون هذا العمل بين أيديهم... أتمم بالفعل من  
يستحقون أن يكون ذلك الإهداء لهم...

فدونكم - ولولا تشجيعكم - ما كان حلمي - بأن أحمل عملاً يحمل  
اسمي على غلافه - يتحقق فشكرا من صميم القلب لكم...

إليكم أهدي ذلك العمل

إلى أستاذي ومعلمي ومن تعلمت منه كيف يمكن أن يقدم الأدب  
الجاد في إطار ساخر...

الكاتب الراحل «أحمد خالد توفيق» رحمه الله

إلى أبي وأمي... إن خرج عمل لي إلى النور دون أن يزينه إهداء خاص  
لكم؛ فلا قيمة لهذا العمل أبدا...

إليكما أهدي كل حرف يخطه قلمي... وكل عمل يضاف إلى رصيد  
أعمالي... وإن كان لي أن أهدي إليكما عمري كله.. ما ترددت أبدا.

رامي فخري



## تقديم

أستاذ أحمد ذكي

وفي الضحك دواء.. وفي الابتسامة روح الأمل.. أليس تبسمك في وجه  
أخيك صدقة؟

فما بالك بصانع البهجة، وراسم البسمة والمنقب عن ضحكة  
صافية من قلب قلبك؟ عمومًا، أنت تجد الكاتب الساخر يعكس  
الواقع بشكل قد يبكيك ضحكًا، أو يضحكك من الألم! وأشهر الكتاب  
العالميين جعلوا الأدب الساخر شيءًا راقياً فانتًا، يحمل في ظاهره  
الضحكة والابتسامة والمرح على حين يمس قلب الألم بشكل ساخر  
يبعث على الضحك وغسل الهموم.. مثلاً (برنارد شو) الكاتب الأيرلندي  
الأشهر، الذي وزع المرح أينما حل، وأمير الساخرين (جلال عامر)،  
وقطعاً د (أحمد خالد توفيق) ود (نبيل فاروق) اللذان أمتعانا بأعمال  
ساخرة حملت في مضمونها فكرًا راقياً رائعًا..

فكرة أن ينضم الكاتب لهؤلاء وأن يصير (برنارد شو) مثلاً - مجرد  
زميل مهنة- لهي فكرة رائعة لو أردت رأيي.

كاتب اللون الساخر له نظرة ثابتة تحليلية للمجتمع بحيث يستطيع استخراج ما فيه من ثغرات غير منطقية.. أفعال مضحكة نمارسها كل يوم، ولا ندرك مدي سخافتها إلا عند الانتباه إليها فحسب.. مثل ذلك الرجل وابنه اللذان صعدا للسطح ليصلحا شيءا في منتصف الليل، الابن واقف بالكشاف لأبيه والأب يحاول جاهداً فك صامولة ولم يستطع، فعرض الابن تبادل الأدوار، فحمل الأب الكشاف وأمسك الابن الأداة و.....انفكت الصامولة؛ فصاح الأب في ظفر:

- (شفت ازاي تمسك الكشاف يا حمار)!

مع العلم إنه كان يتكلم بجدية... الأديب الساخر يلتقط مثل هذه المواقف ويصيغ لنا حالة رائعة من المرح، ويُخرج مكنونات النفس عبر الضحك.. مثلاً (يوسف معاطي) الذي أمتعنا بالكثير من القصص والأقلام لم تفارق البسمة شفثيه على الإطلاق؛ لأنه يقدم ما هو مقتنع به.. أليس كذلك؟

المهم .... دعني أخبرك معلومة: إن الأدب الساخر من أصعب أنواع الأدب بالفعل، لأنه يثير داخلك مشاعراً تترجم لأصوات وحركات وقهقهة في بعض الأحيان، ويتطلب ذكاءً كبيراً من الكاتب كي يمس وتر الضحك في قلبك؛ مشيراً نعمات الفرح والسرور، وهو ما قد تجده هنا بعد صفحات قليلة..

الكاتب (رامي فخري) بعد (يوميات زوج مشلول) وتجاربه المروعة في أدب الرعب، يقرر أن يجمع الكتاب الموجودين الآن؛ ليصنع بهم ما سوف تطالعه بعد قليل.. ربّما رسم على قَمِكَ بسمة أو استخراج

منك ضحكة صافية، أو حتى بث فيك بعض السرور، وهو- في رأيي - نجاح كافي جداً.. عن نفسي استمتعت بالرواية أيّما استمتاع، خاصةً مع المواقف الطريفة، ونفاد صبر الأبطال وإيقاع الأحداث المتسارع، الذي يجمع بين الكوميديا والفاثازيا.. نوعاً ما يذكرني بسلسلة (scary movie) الذي جمع أفلام الرعب الأمريكية في فيلم واحد، وجعل منها مادة طريفة... حسناً، لن أطيل عليك....

فقط انتقل لبداية الرواية ودعها تستغرقك، مع نصيحة الانعزال والهدوء حتى تستمتع كامل الاستمتاع؛ لأن الأدب الساخر يحتاج منك معاشة.. أنت لا تقرأ كتاب مُزَحّ يا صديقي، لا بد أن تعيش الموقف حتى تصل لقلب الضحكة الصافية ..

\*\*\*

## تقديم ٢

بقلم الكاتب د. (محمود صلاح)

ذلك الاتصال كان هو البداية.

سوف تتجمع الليلة عند الصديق (أشرف فتحي)

هناك كان لقائنا مع الصديق الكاتب (رامي فخري)؛ ودار الحوار

التالي:

(رامي):

- أخبارك ايه يا دكتور؟

أنا:

- حبيبي يا (رامي) أنا تمام الحمد لله، طمني آخر أخبار رواياتك ايه؟

نظر إليّ (رامي) رافعاً حاجبه الأيمن، وبتردد ممزوج بالترقب أجاب:

- والله يا دكتور ((محمود)) يمكن هو ده سبب طلبنا ليك النهاردة..

بتلقائية نظرت له متساءلاً منتظراً أن يسألني عن أمر غامض أو  
ظاهرة غامضة وقلت:

- خير يا (رامي)؟

أجابني (رامي):

- أنا عاوزك معايا في الرواية اللي بكتبها....

نظرت له بتعجب متساءلاً:

- أنت تقصد عاوزني أقول رأيي فيها؟!

أجابني (رامي) بابتسامة:

- لا يا دكتور أنت بطل في الرواية.

ابتسمت وأنا أشعر بحالة من التردد...

فتجارب إدخال أشخاص حقيقية في إطار ساخر هي مخاطرة.....

ولكن (رامي) قاطع أفكاري، وكأنه أدرك ما أفكر فيه قائلاً:

- متقلقش يا دكتور.. هبعتهالك النهاردة أقرأها وقولي رأيك ايه...

وبعدها خد قرارك ...

صفحة جديدة

عنا أرسل لي الرواية.. أدركت في حينها أن ذلك العمل الراقي يسعدني

أن أكون مشاركاً فيه

تفاريغ  
سافرة

فذلك الرجل القصير المكبر يعرف جيداً ما يكتبه ...

من هنا وافقت بعد أن انطلقت ضحكات من قلبي وأنا أقرأها...

فاستعدوا لتلك الرحلة الساخرة التي يصوغها (رامي فخري) في إطار

من الرعب ...

حقاً إنها فكرة عبقرية وسعيد بمشاركتي فيها ....

تحياتي.....

د. (محمود) صلاح

## مقدمة

عالم الكتابة...

ذلك العالم الغني القادر على أن يبهر بك في عوالم لم تطأها  
قدمك من قبل، وتراها وتعرفها وكأنك من أبنائها.

عالم الرواية التي إن اكتملت؛ صحبتك في رحلة وأنت جالس في  
نفس مكانك بلا حراك،

ولكن السؤال هنا ماذا إن لم تكتمل؟

رجاءً أعيرني انتباهك...

أفرغ لي عقلك؛ ليتسع للخيال القادم..

ماذا إن بدأ كاتب ما، رواية ما، ثم قرر في المنتصف أن  
يتوقف؟؟

إن كانت إجابتك أن لا شيء سوف يحدث؟

فدعني أسألك... هل أنت متأكد من قولك هذا؟..

إذن دعني أطرح عليك الأمر بشكل آخر.

كل رواية لها أبطال يصنعهم الكاتب، ويعطى لكل منهم صفات وملامح حتى ينجح في رسم تلك الشخصيات فيما يخدم عمله..

ثم يبدأ في تحريك تلك الشخوص كما يناسب عمله؛ فتتكلم وتضحك وتسير وتقتل وتجرم وتصنع كل ما يصنعه الإنسان العادي داخل العالم الحقيقي..

أى أنهم يصبحون ذا كيان ملموس بداخل الرواية.

فإذا توقفت؟... إلى أين تذهب تلك الشخصيات بعد أن أصبحت واقع ملموس في الرواية؟!

هل تختفي؟ تموت؟ أم تظل حبيسة مكان غامض حتى يتغير الأمر؟

في كل روايات الأرض، في كل عوالم الأدب وفروعه:

فاتازيا...خيال علمي...رعب...اجتماعي...ساخر، ستجد دائماً أعمالاً لم تكتمل.

(ماذا لو اجتمع كل هؤلاء الأبطال في عمل واحد)؟

شخص من الفضاء... مصاص دماء... شيطان متمرد.... فتاة  
حاملة...مجموعة من بني الجن.... وآخرين... واجتمع معهم كاتب  
ساخر قرر أن يجمعهم في عمل واحد!!

ذلك هو العمل الذي بين يديك..

ربما تجده عمل لا يحوي مغزً... أو مجرد نكات مكررة... أو حتى  
هراء فارغ..

ولكنه فى النهاية مبرد.....  
تفاريغ سافرة

تعاريف  
سافرة

## فراعنة على الرصيف

- القائد (منين بتاع) يطلب الإذن بالدخول.

صاح بها الحارس مخبراً الملك (تركتاب الأول) بوصول القائد فأشار إليه الملك قائلاً:

- فليدخل على الفور.

اقترب القائد (منين بتاع) من عرش الملك قائلاً:

- أمر مولاي الملك.

هبط الملك من عرشه وهو يقول:

- لماذا تأخرت يا (منين) أرسلت في طلبك منذ أكثر من ثلاث ساعات فرعونية؟؟؟

أشار القائد براحة يده في وجه الملك قائلاً:

- ثانية واحدة كده... مفيش حاجة اسمها ساعة فرعونية أصلاً، وبعدين مكنش فيه حد اسمه (منين بتاع) في الفراعنة.. القصة دي مش مطبوطة.

نظر إليه الملك قائلاً:

- يا سلام يا أخويا وهو يعنى الفراعنة كانوا بيتكلموا عربي؟؟  
ماتظبط يا (منين)، الكاتب عايز كده، متتعبناش خيلنا نعمل القصة  
وتتكل على الله..

هتف (منين بتاع):

- والله عندك حق خيلنا نرجع للقصة... جاهز؟

أشار إليه الملك بالموافقة؛ فصمت القائد دقيقة ثم قال:

- عذراً مولاي الملك حضرت ما أن وصلني أمرك بالحضور..

نظر إليه الملك بقلق وهو يقول:

- لقد تطور الأمر يا قائد الجيش؛ وأصبح جيش الهكسوس على  
مشارف المدينة.. المملكة في خطر.

أجابه القائد:

- لا تقلق يا مولاي.. سيدخل الهكسوس... ويهزموننا شر هزيمة...  
وسيحتلوا جزءاً من البلاد.. حتى يأتي ملك يدعى (أحمس) فيحرر البلاد و...

قاطعته الملك قائلاً:

- أنت أهبل يا بني؟.. احنا منعرفش الكلام ده لسه... مينفعش

نقله.

استنكر (منين بتاع) قائلاً:

- يا سلام؟ مش ده اللي ها يحصل أصلاً؟

أجابه الملك:

- ماهو احنا قبل (أحمس) بكتير؛ ومنعرفش حاجة لسه.

حك القائد رأسه مفكراً، وهو يقول:

- تصدق عندك حق يا ريس... خلاص عندي أنا دي نرجع للقصة.

أشار إليه الملك أن يكمل فتابع:

- لا تقلق مولاي الملك نحن مستعدون لهم، وسنهزمهم شر

هزيمة، ولن نسمح لهم باحتلال أرض مصر... ولن نتظر (أحمس)

لينتصر عليهم وسو...

قاطعته الملك:

- أقسم بالله إنك أهبل.. مفيش (أحمس) يا بنى... اسكت أنت

وأنا هاكمل، ده المؤلف هايـ (@#\*1\$&)

صمت (منين بتاع) وأكمل الملك:

- ستذهب من فورك إلى شمال البلاد... إلى معسكرنا الشمالي؛ وتخبر

قائد المعسكر بتجهيز قواته.... وتجنيد كل من يستطيع من رجال

استعداداً للمعركة.

## قال القائد:

- لا إله الا الله وليه الشحطة ما تتصل بيه ونقوله الكلمتين دول  
وخلص..

هم الملك بالرد عليه لكن سمع صوت يقاطعه قائلاً:

- تتصل بمين يا متخلف؟؟؟

انتبه الملك وقائده، فصاح الملك:

- يالهووووى الكاتب.... وربنا يا ريس عمال أقوله هو اللي مش فاهم.

قال الصوت بحدة واضحة:

- أنا غلطان إني قررت أكتب عن الفراعنة.... أقسم بالله ماتشتغلوا  
معايا.

هتف الملك بسرعة:

- لا والنبي ياريس...ادينا فرصة تانية محدش بيشغلنا بقلنا كثير،  
كله شغال جن وعفاريت.

وقبل أن يجيبه الصوت قال (مينين بتاع):

- حقك علينا يا ريس والله أنت عارف إننا مش شغالين بقلنا كثير  
حتى آخر حاجة اشتغلنا مع الدكتورة بتاعة كوكب آمون بعثتنا الفضاء  
ومرمطنا مرمطة جامدة أوي...طب أنت يرضيك يا كبير!؟

صمت الصوت مفكرًا.. فأكمل الملك:

- والله أنت كاتب طيب باين عليك، وهاتسبنا تكمل القصة بس  
وحياة والدك يا شيخ بلاش (منين بتاع) دي وغيرها، أصل لما بنده  
عليه بالاسم ده وأقوله (منين) بحس إني واقف في فرن فينو ومنين  
وقرص وكده.

قالها فانطلق يضحك و(منين بتاع) يضحك قائلاً:

- طب والله حلوة دي ههههههه.

صاح بهم الصوت:

- برا قصتي...وحد يندهلى شوية جن وعفارييت من جوا هما الي  
هايشتغلوا.....

بررررر.

\*\*\*

جلس الكاتب الشهير (إسلام عبدا الله) أمام جهازه اللوحي وهو  
يحك شعر ذقنه غير الموجود في وجهه مفكراً في أحداث روايته الأخيرة.  
يفكر عن تلك المخاطرة التي قرر أن يخوضها بكتابة رواية عن  
التاريخ الفرعوني،

وكيف أن كثير من أصدقائه قد حذروه من هذا المجال؛ لأنه يحتاج  
لمختصين بتاريخ الفراعنة ولكنه رفض بشدة.

هو كاتب يملك زمام قلمه ويعرف كيف يروضه كيفما شاء.. أنهك  
عقله بشدة حتى وجد أنه يخاطب نفسه ساخراً:





## القاتل الندل

أيقنت (هند) أنها النهاية؛ فهي في غرفة بلا نوافذ ملتصقة بالجدار  
برعب، وهي تسمع ضربات القاتل بتلك البلطة التي يحملها محاولاً  
تخطيم الباب.

تذكرت في تلك اللحظة كيف بدأ الأمر في ذلك المنزل المخيف...ومرت  
أمامها أحداث اليوم ووجوه أصدقائها الذين قُتلوا على يد ذلك القاتل.  
أفاقَت من ذكرياتها على صوت انهيار الباب تحت وطئت الضربات  
المتلاحقة..

هاهو القاتل يقترب منها .... لعنت الظلام الذي يمنعها من رؤية  
وجهه.

وفي يأس أمسكت بمصباح كان موضوع على مكتب بجوارها وقذفته  
على القاتل الذي صرخ:

- أأأأأأ أقسم بالله إنك غبية.... دي جات في عيني....إيه الغباوة  
دي؟

توقفت (هند) عن الارتعاد واقتربت من القاتل الذي أوقع البلطة  
ووضع يده على عينه وهو يكمل:

- ولما تصفي عيني دلوقتي هايبقى حلو يعني؟ ملعون أبو دي قصة  
يا ستى... أنا مبجش اطلع في قصص مع بنات عشان التخلف دا.

وضعت يدها على كتفه وهي تقول:

- معلش بالله عليك ماتزعل...والله ما قصدي.... بس هو الكاتب  
الي قالى أحديها.

ثم تابعت في حنق:

- وبعدين ما أنت من أول الرواية عمال تقتل في أصحابي ومحدث  
اتكلم.

نظر إليها القاتل مندهشًا وهو يقول:

- يا سلام أنا اللي بقيت غلطان يعني؟! كل الناس عارفين إن البيت  
(@%#&%) ومات فيه ناس قد كده، وأتتوا سيبتوا البلد كلها وجيتوا  
تسهروا هنا...مين بقي الي غلطان.

ثم تابع:

من أول الرواية والكاتب عمال يحذركم وأتتوا ولا أتتوا هنا... هو أنا  
روح جبتكم من بيونكم؟ ولا أتمم الي جيتوا لوحكم؟

نظرت (هند) إلى الأرض في إحراج وهي تقول:

- عندك حق...طب وريني عينك كده؟...اتعورت؟

ازاح يدها، وقال بصوت أقرب للبكاء:

- بس بقي يا (هند) سيبيني في حالي؛ عشان أنا أصلاً مخنوق وممش  
طايق نفسي من المشهد ده.

قالت بقلق واضح:

- طب وطى صوتك الكاتب يسمعك ويقطع عيشنا.

قال محتدًا:

- يقطع بقي ولا ميقطعش دي مبقتش عيشة... هو هو نفس  
المشهد... ست روايات شغال معاه ونفس المشهد... أجى أقتلك  
يطلع واحد من أصحابك لسه عايش ويضربني بالرصاص وأموت...  
مفيش في مرة أعملك حتى تعويرة...، أقعد ساعة أكسر في الباب وفي  
الآخر أموت كده... لأ وكمان يجى الرواية اللي بعدها يصحيني تاني قال  
إيه مموتش!

هو القارئ عيب... ايه الهبل ده؟؟

تلفتت حولها، وهي تقول:

طب أهدي ونبي وروق هنترد والله.

اجابها بحق مستنكرًا:

- نترد؟؟ وهو لو يعرف يشتغل من غيرنا كان خلانا ست أجزاء  
معاه... اسكتي يا (هند) والنبي وشوفيلي معاكى منديل لعيني.

أخذت تبحث عن غايته حينها سمعا صوتًا يقول:



في منزله أخذ الكاتب (وليد أحمد) يدور حول نفسه في حيرة، ويحدث نفسه بصوت مسموع لفت انتباه كل من بالمنزل..

حتى دخلت عليه زوجته وشريكة كفاحه، وهي تسأله في قلق:

- (وليد) فيه إيه.. مالك؟

نظر إليها وقد احمرت عيناه من شدة احتياجه للنوم، وهو يقول:

- الرواية الجديدة هاتجنى مش عارف أعمل فيها إيه؟

تساءلت:

- رواية إيه اللي تعمل فيك كده؟

أجابها وهو يجلس أمام جهازه محاولاً تجميع شتات فكره.

- (القائل الندل) اللي بدأت فيها مش عايزه تكمل.

قالت له برفق:

- طيب يا (وليد) خلاص اركنها وشوف فكرة غيرها.

نظر إليها بتعجب شديد، وهو يقول:

- أركنها؟ أنتى أكيد بتهزري... أنتى عارفة بقلى أد إيه بكتب فيها؟؟

عارفة فكرتها أخذت منى وقت أد ايه؟

ابتسمت ابتسامة ساخرة، وهي تقول:



## نهاية إبليس الأخيرة جداً

(مشهد ثابت)

إبليس متجسد لأحد أبناء آدم في غرفته

ويقفان بلا حراك منذ أسبوعين

إبليس:

- وبعدين في أمر الرواية اللي مش عايضة تخلص دي؟ احنا بقلنا

أسبوعين واقفين نفس الوقفة... ده وقف حال والله.

الأنسي:

- اهدي يا إبليس هاتفرج إن شاء الله استهدي بالله كده.

إبليس:

- أنت عبيط يا بني؟؟ هو إبليس يتقاله استهدي بالله؟؟... وبعدين

هاتفرج إيه؟؟..دا وصل لحد المشهد ووقف..

الإنسي:

- ما تحسسنيش إنك أول مرة تشتغل في رواية، ما أنت عارف إن  
الكتاب يجي عليهم وقت ودماغهم تقف.

إيليس:

- عارف بس كده طولت أوي... أنت عارف في الوقت دا كنت أغويت  
كام واحد؟... وبعدين كلام في شرك أنت مش غريب، أنا ناوي أبطل  
أشتغل مع كتاب مصريين..

الإنسي:

- ليه كفى الله الشر؟ ده أنت حتى واخذ حقك نالت وملتت، وشغال  
في نص روايات السنة.

إيليس:

والله يا أخويا مخبيش عليك مش عجبني الشغل... يطلع عيني طول  
الرواية وسوسة وتخطيط وفي آخر صفحاتين الخير ينتصر... ليه يعني!..  
مفيش في مرة أكسب أنا.. حتى نخزي العين يعني؟؟

إلا لازم آخر صفحاتين يطلع البطل جوز خالته ساحر كبير أو ابن  
عم خاله شيخ جامد وينفذه... نفسيتي يا اخوانا.

الإنسي:

- ايوة ياعم إيليس ما أنت عارف إن الكتاب عندهم خلفية دينية  
برضو مينفعش يكسبوك.

إيليس:

- ليه؟ هو أنا الزمالك هاخسر على طول كده؟ طب عندك الرواية  
اللي احنا مربوطين فيها بقى لنا أسبوعين دي.. بدمتك وضميرك يا  
شيخ أنا قصرت معاك من أول الرواية في الوسوسة؟

الإنسي:

- الشهاده لله لأ.. أنت عامل اللي عليك وزيادة.

إيليس:

- أهو أديك بتقول بلسانك مشهدين ثلاثة كمان ويطلعلك قريب  
جني، ولا تلاقى خاتم سليمان، ولا أى حاجة وتهزمنى وتضيع شغلي  
كله.. طب ده يرضي ربنا طيب؟؟

الإنسي:

- أهدي بقي يا عمر.

إيليس:

- وسيبك من كده يا ريتها تيجى على كده وبس.

الإنسي:

- هو في حاجة تانية.

إبليس:

- شكلي.. شكلي إيه أنا كل ما كاتب يجيب سيرتي يقولك قرون سودة  
وذيل أحمر.. ذيل إيه؟ هو أنا كلب؟

وبعدين لما القرون سودة؛ ما يخلو الذيل أسود لازم يلونوا أمى  
معاهم هو أنا كراسة رسم؟؟

عيب كده يا جماعة أنا إبليس وليا وضعي برضو.

الإنسى:

- طب روق يا إبليس بس احنا نخلص الرواية دي وتتفاهم.

سمعا صوت أزرار (الكيورد) تضرب فصاح إبليس بفرح:

- يا فرج الله صاحبنا بيكتب اهو فرجت.

شعر إبليس بقوة تجره للخلف بعنف؛ ليخرج من الغرفة ويغلق  
بابها دونه.

والإنسى يصرخ:

- الحق يا إبليس ده بيمسح اللي انكتب.

صرخ إبليس:

- مفيش فائدة

\*\*\*

أنهي الدكتور ((محمود) صلاح) بثه المباشر على الفيس بوك، الذي كان يدور حول الماورائيات وتأثيرها المباشر، وغير المباشر في الفضاء الكوني المتسع بين أحضان الكواكب المؤهلة وغير المؤهلة في مجرة درب التبانة والمجرات المحيطة بها.

وما أن أغلق البث حتى فتح ملف روايته الجديدة (نهاية إبليس الأخيرة جدًا)

محاولًا استكمالها، وقد توقفت منذ ما يقرب من أسبوعين كاملين بلا حرف واحد إضافي

استعد للكتابة، وأمامه مجموعة من الكتب غريبة المظهر والأسماء أيضًا.

مجموعة متنوعة من كتب السحر، وأخذ منها كتاب يحمل عنوان (المريح في فن السحر بعد صلاة التراويح).

وأخذ يقلب في صفحاته باهتمام واضح...

وبعد مرور ساعة كاملة تركه؛ ليأخذ كتابًا آخرًا بعنوان (الراقصة والسحار).

والذي أخذ يتصفحه في ساعة أخرى، وفي النهاية ألقاه بعنف، وهو يحدث نفسه قائلاً:

- طب أنا أقتله إزاي دلوقتي بقى؟.. ماهو برضو أنا زنقت نفسي زنقة صعبة أوي... هو حد يقول إنه هايقتل إبليس؟؟ ما هيا ما تتفعلش والله.

أخذ إحدى الكتب الموضوعة أمامه على سطح مكتبه بعنوان (اللى  
يخاف من العفرىة يطلع له إن شاء الله)، وأخذ يقَلِّب صفحاته بلا  
هدف، وعقله معلق بتلك الرواية التى ترفض أن تنتهى..

وبعد دقائق ترك الكتاب واتجه إلى جهازه؛ وكتب فى موضع البحث  
على شبكة الإنترنت:

(كيف تقتل إبليس دون مُعلم).

أعطى الأمر بالبحث وأخذ ينظر إلى النتائج التى ظهرت له بىأس،  
وعندما لم يجد ضالته كتب مرة أخرى فى موضع البحث (ليلة القبض  
على إبليس).

وانتظر النتائج وتكرر الأمر عدة مرات بصيغ بحث مختلفة، حتى  
أذان الفجر، وما أن سمع الأذان حتى حدث نفسه قائلاً:

- دي علامة يا مارد الرواية دي مش مكتوبلها تكمل سبحان الله.

قالها واتجه إلى الجهاز؛ ليحوى كل ما كتب.

\*\*\*

## # المخطط

# قهوة (أبطال تحت الطلب)

في عالم مجهول...اجتمعت مجموعة من الشخصيات على ذلك  
المقهى..

تشكيلة غريبة من الكائنات

فهناك ذلك البشري الذي يجلس مع شيطان يلعبان الشطرنج في  
ملل واضح..

وهناك تلك الفتاة التي تجلس مع وحش بثلاث رؤوس يتبادلان  
الهمسات..

وفي الركن المظلم مصاص الدماء، ذو أنياب بارزة، يناول مستدثب  
يجلس بجواره إحدي سجائره ويشعلها له.

وهناك أيضا تلك القطة السوداء ذات العيون النارية، التي تحتسي  
كأس كبيرة من الحليب، ويطير بجوارها كائن صغير ذو ذيل مدبب؛  
قطعاً هو من بني الجن.

وعلى مقعدين على باب المقهى جلس شخصان في زي فرعوني دون حديث؛ ينظرون لبعضهم البعض.

وبجوارهم وقف شخص يحمل بلطة، ويخفي وجهه بقناع غريب، وهو يتحدث في الهاتف بحدة غريبة.

تشكيلة عجيبه تجمعت هنا.

ينتظرون... ماذا ينتظرون؟!

في تلك اللحظة دخل إلى المقهى شخص نحيل، يرتدي نظارة وينظر إلى الجالسين، وكأنه يبحث عن شيء ما فيهم..

ثم علا صوته قائلاً:

- يا جماعة.. مساء الخير.

انتبه الجميع، والتفتوا إليه وهو يكمل قائلاً:

- أنا كاتب مصري واسمي (إسلام كريم) وبداور على فكرة اكتبها..

مين فيكم يحب يشتغل معايا..

ألقى الجميع ما في أيديهم، وهرول إليه مصاص الدماء والمستدئب،

وبادر مصاص الدماء قائلاً:

- طلبك عندي يا فنان...أنا وأخويا المذؤوب عملنا عشرتلاف

قصة وكلهم نجحوا...وخلطة سهلة مش مرهقة... صراع أبداي بين

المصاصين والمستدئبين... دم... معارك...أحلى شغل.

نظر إليه (إسلام) وقال:

- بس تحسها فكرة غريبة شوية مش لايقة علينا، وبعدين أنا بكتب

بوليسي أكثر:

انتفض الشيطان من مكانه، الذي كان يتربب تلك الكلمة، وقال له:

- حلوو... يبقى أنت عايز حاجة شرقي .. سييك من البوليسي بقى...

أنا يا نجم... صراع إبليس وأدم... وجن وعفاريت وليلة كبيرة أوي

سعادتك..

ابتسم له قائلاً:

- يا إبليس أنت شغال في نص روايات البلد بقولك حاجة جديدة..

اقتربت منهم الفتاة على استحياء وهي تقول:

- أنا ممكن اشتغل معاك... رومانسي ماشي... جن عاشق شغال...

اتخطف من مخلوقات غريبة ماشي.. أنا متعددة المواهب..

فكر (إسلام) قليلاً ثم قرر ضمها إلى قصته فتمتم إبليس:

- أه.. ما هيا عشان بنت بقى.. ولعلمك عمر الأدب بتاعكم ما

هايطلع قدام طول ما هيا ماشية بالحب..

استمر في تفحص الموجودين حتى استقر على بطلين؛ فأخذهم

وانصرف وسط نظرات حقد من الآخرين.

وما أن رحلوا حتى صاح بهم إبليس:

- واحنا لأمتى هانفضل كده؟؟ من ساعة ما الكتاب بتوعنا مكملوش  
القصص بتاعتنا واحنا متعلقين كده لازم نتصرف.

قال مصاص الدماء:

- اقعد يا عم إبليس أنت بقلبك أسبوع وهاتصدعنا؟ أنا بقلي  
خمس سنين قاعد القاعدة دي... حتى القهوجى بطل ينزلى مشاريب.

قال إبليس:

- احنا لازم نتصرف، وأنا عندي الحل.

انتبه الجميع وهمَّ إبليس أن يكمل، حين توقفت سيارة فارهة أمام  
المقهى؛ وترجّل منها رجل على مشارف الخمسين، ييداو على ملامحه  
أنه من دولة غريبة، يرتدي بذلة أنيقة وفي يده ساعة غريبة الشكل  
طفولية، يظهر فيها (ميكى ماوس).

دخل الرجل إلى المقهى وتوجه إلى صاحبها؛ ليحدثه بإنجليزية سليمة:

وصاحب المقهى يجيبه بمثلها، ثم استدعى عامل المقهى؛ فأخبره  
أن يحضر شيء ما من ثلاجة المقهى فأحضرها العامل؛ ليأخذها  
الرجل؛ ويعطى لصاحب المقهى حفنة من الأموال، ويعود إلى سيارته  
وينطلق بها.

وما أن تحركت السيارة حتى قال أحد الفراغنة:

- أدي الناس اللي ربنا كاتب ليهم النجاح، بطل زينا بس عشان  
شغال مع واحد غربى ناجح بقى زي الفل..

تساءل صديقه عن ذلك الشخص فأجابه:

- ده يا سيدي (لاري لانغدون) بطل أعمال الراجل الي اسمه (دان براون) بس إيه بقى... كاتب أصيل، واخده معاه في كل رواياته مفيش إلا رواية واحدة الي مشتغلهاش معاه..

ومظبطه بقى شهرة وعريية وفلوس، نسبة من المبيعات، واهو زى ما أنت شايف... بقى باشا.

قاطعهم إبليس:

- مش وقت البكا على اللبن المدلوق دلوقتي عايزين نركز..

صمت الجميع فأكمل إبليس:

- أنا هاوسوس لكاتب يعمل قصة يلما كنا فيها؛ ويخلصها حتى لو قصة هابطة ونبقى خلاص خرجنا..

قال الوحش ذو الثلاث رؤوس:

- وقصة إيه دي الي هاتلم مصاص دماء مع إبليس مع جني مع مستندب مع وحش فضائي مع فراغنة، مع قاتل متسلسل يا إبليس..

قال إبليس:

- بسيطة... قصة ساخرة... مشاهد متفرقة... نخلي كاتب يعملها على أنه بيهرج.... وأي حبكة وتبقى جبرت..

تكلم أحد الفراغنة قائلاً:

- أيوة بس الناس هاتقبل الكلام كده يا إبليس؟

ضحك إبليس ساخرًا وهو يقول:

- ناس؟ واحنا مالنا ياعم بالناس؟؟ تفشل الرواية ولا تتجح، مش قضية بالنسبة لينا، أهم حاجة إنها تخلص بأي حبكة لحد كلمة النهاية.. نخرج من هنا وخلص..

قال القاتل وهو يضع بلطته أرضًا:

- أيوا بس الكاتب اللي هايكتب الكلام ده هاتهاجم جامد يا إبليس ومحدث هايرحمه.

أجابه إبليس بثقة:

- طب واحنا مالنا هو كان جوز خالتنا؟ وبعدين خلي بالك الكلام ده مش صحيح... ده ممكن الهيافة دي تكسر الدنيا الناس عايزة تضحك يا اخوانا..

استحسن الجميع الفكرة، وإبليس يتابع:

- وكمان نخليه يختار اسم فاكس كده... هو يقول للناس ده كلام فاضي عشان لو نشرها وحد هاجمه يقولهم أنا قايل إنها أي كلام..

سأله أحدهم عن الاسم المقترح؛ فأجابه إبليس:

- هاخليه يسميها (تخريف ساخرة)

\*\*\*

## # البداية

- لأكده مش هاينفع احنا بقينا في شهر يوليو يا أستاذ، يعني أنا خلال شهرين لازم استلم منك العمل كامل عشان نبدأ عليه شغل قبل المعرض..

صاح المهندس (محمد صلاح) في وجه كاتبه بتلك الكلمات، وعلى وجهه علامات الضيق الشديد.. وأمامه وقف الكاتب يبحث عن كلمات اعتذار مقنعة لتأخير العمل، فقال بصوت منخفض:

- يا بشمهندس لسه بداري، المعرض في شهر يناير، يعني لسه ست شهور تقريباً، وإن شاء الله أسلمك العمل قبل كده بكثير.

قام المهندس (محمد) من على مكتبه، وقد احتقن وجهه غضباً، وقال وقد علا صوته:

- لسه بداري إيه يا (رامي)، أنت بتهزر؟؟ لسه فيه غلاف وتصحيح وتنسيق، ورقم إيداع وتسجيل.. طبعاً.. ما أنتو بتسلموا العمل وتجروا، ومش عارفين حجم المعاناة اللي بنعانيها لحد ما تمسك العمل في إيدك مطبوع...

وبعدين الي بتقوله ده يقوله واحد مخلص نص العمل على الأقل  
إنما أنت لسه مبدأأتش فيه حتى، ده تهريج يا (رامي).

في تلك اللحظة دخلت الأستاذة (إيناس) مدير الدار على صوت  
(محمد) وهي تتساءل في توتر:

- فيه إيه؟ صوتك جايب لأخر الشارع يا (محمد).. إيه الي حصل؟  
أشار (محمد) إلى الكاتب، وهو يقول بعصية:

- الأستاذ (رامي) يا (إيناس).. الأستاذ لسه مبدأأش في الرواية واحنا  
في شهر يوليو... تقدري تقوليلى هايبدأ إمتى ويخلص إمتى... ويجي  
قبل المعرض بشهر يزقنا بقى، وندور على غلاف وتصحيح وتسيق،  
وفي الأخر يعتبروا علينا إن العمل بيطلع فيه أخطاء..

نظرت (إيناس) إلى (رامي) نظرة عتاب، وهي تقول محاولةً تهدئةً  
(محمد):

أهدي بس يا (محمد) ما أنت عارف (رامي) وقت ما بيقرر يكتب  
بينجز، وإن شاء الله قبل الميعاد هايكون جاهز.

نظر إليها (محمد) ولم يعقب على كلماتها، وأشاح بوجهه في ضيق  
فتحدث (رامي):

- بص يا (محمد) أصلاً الفكرة جاهزة؛ وبدأت فيها، وإن شاء الله  
التنفيذ مش هياخد وقت، متقلقش.. ادعيل بس بالتساهيل.

التقطت (إيناس) طرف الحديث من (رامي) وهي تقول:

- خلاص يا (محمد) ما هو بدأ أهو.. أهدي بس وكله هاي يقى  
تمام.

صمت (محمد) قليلاً ثم نظر إلى (رامي) قائلاً:

- (رامي) بالله عليك مش عايز اتزنق زنقة المعرض اللي فات، لازم  
تسلمنى العمل بداري شوية.

قالها فوافقه (رامي) واستأذن في الانصراف.

\*\*\*

## #تأريفة

فتح (وليد أحمء) عينيه يارهأق شءيء؁ كان ملقى فى أرضية غرفة بلا أأاث؁ يكسوها الظلام بشكل عجيب؁ ظلام لم ير مثله فى حياته كلها؁ رغم كل تجاربه فى مجال الرعب.

أاول الأحرك ولكن جسءه رفض أن يستجيب له شاعراً بالإرهأق؁ يعصر جسءه عصرًا

وئينما هو كذلك شعر بأركة تأقى من مكان قريب.. أخطوات بطيئة مع صوت شيء أثقىل يُجر على أرض صلبة.

أملك الرعب من كأب الرعب وهو يأاول أأراق الظلام بعينيه؁ ليرى مصدر ذلك الصوت.

الصوت الذى أأء يقترب أأى شعر به أمامه مباشرة؁ أأء يصرخ أأساءللاً بلا مجيب - فى نفس الوقت الذى أرتفع فيه صوت أنفاس أثقىلة وأأس بشيء معدنى يلامس قدمه؛ فأأفض للألف بقوة؁ وحينها سمع صوتًا يقول:

- أهلا بك كأب الراوائع.

حاول أن ييداو صلبًا إلا أن صوته خرج مرتجفًا وهو يتساءل برعب:

- ماذا يحدث؟ أين أنا ومن أنت يا هذا؟

أجابه الصوت:

- ألم تتعرف على صوتي؟ يا لك من جاحد يا صديقي إذن لنضيء

الأنوار؛ لنرى إن كنت ستتعرف على وجهي أم لا.

قالها الصوت وارتفعت أصوات الخطوات المصحوب بصوت شيء يسحب على الأرض، وفي نفس اللحظة أضيئت الغرفة بضوء قوي أغشى عين (وليد) فوضع يديه على عينه للحظات حتى تعتاد عينه على الضوء، ثم فتحها ليجد صاحب الصوت أمامه مباشرة، شخص ضخم الجثة يرتدي قناع مخيف على وجهه ويستند إلى بلطة كبيرة من ذلك النوع الذي يُقطع به الأشجار

ما أن رآه (وليد) حتى هتف:

- ما هذا؟ أى خدعة سخيفة هذه؟.

ضحك المقنع بقوة وهو يقول:

- لا يا كاتبى العزيز ليس فى الأمر أى خدعة، أنا بطل أعمالك أنا من

استمر يرفع اسمك فى عالم الأدب على مدار خمسة أعمال كاملة، ثم فى

النهاية وبضغطة زر بسيطة قررت أن تنهى حياته لمجرد إنك لم تجد

ما تكتب، ها أنت هنا الآن وها أنا أمامك.

سمع (وليد) الكلمات محاولاً الفهم وعقله يرفض بشدة ما يحدث ويقنعه أن ما يحدث لن يكون إلا خدعة سخيفة قام بها بعض أصدقائه فصرخ قائلاً:

- أقسم أنه مهما كان اسم من خطط لتلك الخدعة فسيكون جزاءه عندي أشنع جزاء يمكن أن يفكر فيه.

ضحك المقنع ساخراً وهو يقول:

- حسناً لازلت مصمماً على ما تقول، إذن فلتمت وتلك الفكرة في رأسك.. ولكن قبل أن تموت فكر قليلاً هل تتحدث في العادة بلغة عربية فصحة صحيحة كتلك التي تتحدث بها الآن.

انتبه (وليد) في تلك اللحظة إلى تلك النقطة... كيف يتحدث كأبطال أعماله.. أين عاميته الجميلة التي يحبها؟ هناك سر في الأمر.

همَّ بالحديث حين قاطعه المقنع قائلاً:

- انتهى وقت التفكير يا عزيزي وحقن وقت الانتقام.

قالها وهو يرفع البلطة التي يستند عليها عاليًا بكتنا يديه، (وليد) يغطي وجهه بيديه ويصرخ وقد أيقن أن الموت آت لا محالة.



أخذ (وليد) يصرخ بلا انقطاع لدقيقة كاملة منتظرًا انتهاء حياته بتلك الضربة القاتلة،

ولما طال عليه الانتظار فتح عينه ليجد القاتل المقنع قد تجمد على وقفته تلك، وبلطته لأعلى؛

تعجب مما يحدث ولكنه تجاوز دهشته وقام مسرعًا، ولشدة دهشته استجاب جسده في لحظة بعد أن كان يرفض الاستجابة له من دقائق، وكأنما شدة الخوف قد دفعت كميات رهيبه من الإدرينالين إلى جسده.

قام مقتربًا من الباب محاولًا الخروج ولكنه اكتشف أن الباب مغلق.

فأخذ يبحث عن مخرج آخر من الغرفة حين سمع أصوات طرقات قوية على باب الغرفة، وكأنما هناك من يحاول تحطيمه من الخارج.

تملكه الرعب في لحظات وأخذ يبحث عن مكان يختبئ فيه؛ فلم يجد سوى طاولة كبيرة؛ فهبط تحتها وكنم أنفاسه، والطرقات تزيد حتى انهار الباب تمامًا وسمع صوتًا يقول:

- (وليد) أنت فين يا ابني؟؟

هل سمع ذلك الصوت من قبل؟ هكذا تساءل (وليد) في نفسه فذلك الصوت ليس غريبًا على أذنه.

أخذ الصوت يقول:

- يخرّب بيتك أنت روح فين مفيش وقت، يا (وليبيبيد).

هنا تعرف (وليد) على صاحب الصوت؛ فخرج سريعاً من تحت الطاولة، وهو يقول بغضب:

- أقسم بالله كنت عارف إنه مقلب ومخوفتش على فكرة، أنا بس جارتكم في الحوار عشان متزعلوش بس أقسم بالله ما هاسيبك يا (محمود).

هنا تكلم الدكتور (محمود صلاح) بصوت خفيض:

- ممكن تهدي وتيجي معايا على بره وبعدين تتفاهم.

أجابه (وليد):

- ابيه.. أنت لسه هاتكمل الحوار، ما خلاص قولتلك عارف إنه حوار بقى.

قال الدكتور (محمود) بنفاذ صبر:

- يا عم الواعي تعالى بره نتكلم قبل ما الراجل المتجمد ده يتفك وتشهيهص كلنا هنا.

نظر (وليد) برعب إلى القاتل المقنع الذي لا يزال ثابتاً على وقفته وقال:

- ايه ده هو ممكن يتفك يا دكتور؟، طب ما أنا عمال أقولك تعالى نتكلم بره أحسن.

أخذه الدكتور (محمود) وخرجا ليجدا شخصاً آخر في انتظارهما، ما إن رآه حتى ابتسم لـ(وليد) ابتسامة يداو عليها الإرهاق، وهو يقول:

- طبعا حوار غريب زى ده إزاي ميكونش فيه (وليد أحمد)؟!

قالها الكاتب الروائي (إسلام عبدا الله) فاقترب منه (وليد) وهو

يقول:

- اسمع يا إسلام يا عبدا الله كفاية حوارات بقى وقولوا مخبين

الكاميرا فين... وخلصوا بالكم لو دي هاتبقى رواية، اسمى يبقى على  
الغلاف، وليا نسبة من التوزيع أنا بقولكم أهو من الأول.

اقترب منهم الدكتور (محمود) وهو يقول:

- يا (وليد) افهم، ده ولا حوار ولا رواية ولا فيه كاميرات.

قاطعته (وليد) قائلاً:

- ايه ده معلش، هو احنا بتتكلم كده إزاي؟

تساءل (إسلام عبدا الله):

- يعنى بتتكلم ازاي؟ ما احنا كبار يا بني ومتعلمين الكلام عادي.

قال (وليد):

- لا أنا جوا كنت بتكلم فصحي ليه دلوقتي بتتكلم عامية؟

جلس الدكتور (محمود) على مقعد قريب وأشار إليهم قائلاً:

- ممكن تقعدوا عشان أفهمكم.

جلس (إسلام عبدا الله) و(وليد أحمد) ينظران إلى الدكتور (محمود)

باهتمام واضح وهو يقول:

- شوفوا .. الموقف ببساطة إن احنا أبطال في رواية حد بيكتبها.

ضحك الكاتبان وبادره (وليد) بقوله:

- حلو يبقى اسمي على الغلاف ونسبة ١٥% من التوزيع.

صاح الدكتور(محمود):

- ممكن تفهموا بقى... احنا دلوقتي مش في عالمناء، احنا جوا رواية

بيكتبها كاتب يا (وليد). وواضح إن في حاجة مش مفهومة دخلتنا الرواية دي.

قال (إسلام) وعلى وجهه ارتسمت علامات عدم الفهم:

أنا مش فاهم حاجة.

قال الدكتور (محمود):

- أفهمكم ... دلوقتي يا (وليد) وأنت جوا مع القاتل قولت إنك كنت

بتتكلم فصحى، ولما خرجت هنا بتتكلم عامية.. عارف ليه؟

أجابه (وليد):

- لا.

تابع الدكتور (محمود):

- لإنك جوا كنت ملتزم باللي بيكتبه الكاتب .. الكاتب بيسجل الحوار

في روايته بالفصحى؛ عشان كده أنت كنت بتتكلم فصحى .. لما الكاتب

قفل المشهد قبل ما القاتل يقتلك المشهد اتجمد .. ودلوقتي لأن

الكاتب مش بيكتب حاجة، واحنا بتتكلم فبتتكلم بالعامية.. فهمتوا؟

تساءل (وليد):

- طيب لو زي ما أنت بتقول ليه احنا متجمدناش مع توقف الكتابة  
زي القاتل اللي جوا ده.

أجابه الدكتور(محمود):

- دي معلومة لسه ما وصلتلهاش بس أعتقد لأن مخك لسه بيتكيف  
مع الوضع، وفيه جزء من عقولنا يقاوم الموضوع ده.

صمت الجميع للحظات ثم هتف (إسلام عبدا الله) حائرًا:

- طيب احنا هنعمل ايه دلوقتي؟؟

قال الدكتور (محمود):

- من اللي أنا شوفته احنا مجبرين إننا نمشي، ونفذ كل كلمه بيكتبها  
الكاتب، وفي الوقت اللي مش بيكتب فيه بنكون أحرار، عايزين نحاول  
نحافظ على حياتنا بقدر الإمكان، ونشوف ايه اللي هيحصل، وكمان  
عايزين نفهم فكرة الرواية دي؛ لأن من الواضح إننا مستهدفين بالفكرة  
نفسها. تكلم (وليد) وهو يتذكر شيء ما:

- صح يا دكتور احنا مستهدفين بوجه الخصوص؛ لأن القاتل اللي  
جوا ده بطل روايتي، وواضح من النص اللي كنا بنقوله إنه بيتنقم  
مني؛ لأني وقفت الرواية.. كلامه كان واضح جدًا في النقطة دي.

أشار إليه (إسلام) قائلاً:

- برافو يا (وليد) أعتقد فكرة الرواية واضحة، أبطال روايات بتحاول  
تنتقم من الكُتّاب اللي مش بيكملوا أعمالهم... بس تصدقوا فكرة  
حلوة... لا جديدة كمان تستحق تتعمل.

قالها وأخرج مفكرة صغيرة من جيبه؛ وأخذ يسجل فيها شيء ما؛  
فصاح به (وليد):

- مش وقت أفكار روايات يا عم (إسلام) احنا مش عارفين هانخرج  
أصلاً ولا لأ.

قال له (إسلام):

- يا عم نسجلها.. خرجنا نكتبها... مخرجناش يبقى عمرنا كده.

قالها ونظر إلى د. (محمود) متساءلاً:

- هنعمل ايه دلوقتي يا (محمود).

قال د. (محمود) بصوت خفيض كمن يحدث نفسه:

- هانشوف ايه اللي هيحصل، احنا مستنين لما بيدأ يكتب.

قال (وليد):

- وفيه مشكلة كبيرة أوي انتو مش واخدين بالكم منها. شجعه  
صمتهم على الكلام فقال بتردد:

- رواية زي دي مفيش كاتب هايكتب مشهد إن الأبطال بياكلوا، وأنا الصراحة جعان جدًّا.

التفت إليه د.(محمود) بحنق وأوشك أن يصيح به، لولا أن سمعوا صوت ضربات أصابع على لوحة مفاتيح...  
وفي نفس اللحظة اختفى (إسلام عبدالله) من أمامهم.

\*\*\*

بحق الآلهة آمون المعظم.. نبدأ مراسم التحنيط المقدسة.

رنت تلك الكلمات في أذن الكاتب الشهير (إسلام عبدالله) وهو يفتح عينيه؛ ليجد نفسه في غرفة كبيرة تتناثر بها التماثيل الفرعونية، وحوائناتها تمتلئ بتلك الرموز الهيروغليفية القديمة.. حاول النهوض ولكنه فشل في أن يحرك أيًّا من أطرافه.

ليكتشف أنه مقيد بقيود قوية إلى طاولة حجرية كبيرة، وحوله يقف رجلان بالزي الفرعوني، يفعلان شيء ما غير مفهوم؛ فصاح فيهما قائلاً:

أتتما.. ماذا يحدث؟ ولماذا أنا هنا؟

التفت إليه أحدهما بهدوء وهو يقول:

- أهدأ

قالها والتفت يكمل ما يفعله فصرخ فيهما (إسلام):

- التفتا إليّ هنا وأخبراني بما يحدث.

التفت إليه الرجلان، واقتربا من الطاولة الحجرية، وأحدهما يردد  
كلمات غير مفهومة تبدأو كهمهمات والآخر يقول:

- أنت هنا لتنال جزاء ما فعلت.

صرخ وهو يحاول أن ينزع قيوده:

- جزاء ماذا؟ ومن أنتما؟

أجابه الفرعوني بهدوء:

- كالعادة، دائما ما ينسى القاتل ملامح من قتل... نحن أبطال  
عملك (فراعنة على الرصيف)، هل تعتقد أن الأمر ينتهي بمجرد أن  
نكتب كلمتين أسفل ملف الكتابة «إن العمل توقف»؟

وماذا عنا؟ ماذا عن هؤلاء الأشخاص بداخل العمل؟

نظر إليه (إسلام) بداهشة وهو يقول:

يا هذا أنتم لا وجود لكم... أنتم أشخاص على ورق... أشخاص  
وهميه تخدم العمل فقط... لا حياة لكم.

ابتسم الفرعوني وهو يقول له:

- الآن يا كاتب يا شهير سنثبت لك أن لنا وجود فعلي وسترى.

قالها وهو يشير إلى زميله الذي اقترب من (إسلام) وفي يده مجموعة  
كبيرة من القماش، وأخذها يحيطها جسده بذلك القماش في إحكام غريب؛  
وهو يصرخ ويصرخ.

حتى وصلا إلى وجهه ورأسه فكتّم صوته تمامًا، وأصبح يشبه تلك الموميات التي تعرض في المتاحف.

\*\*\*

- يعني إيه يهرب منك يعني ابيبيه؟

صرخ إبليس في وجه القاتل المقنع بتلك الكلمات بغضب هادر والقاتل يقف أمامه

وهو يتابع:

- يعني احنا عاملين كل القصة دي عشان نخرج من هنا وننتقم من الكتاب.... يبقى تحت إيدك وتسيبه.

قال القاتل بصوت مرتفع:

- ما تهدي يا إبليس هو يعني بمزاجي مش كله من الكاتب الأهبل الي أنت مختاره ده، حبكت يقطع المشهد بعد ما رفعت البلطة وهانزل بيها أشق (وليد) نصين.

صرخ إبليس:

- يا بني ادم المشهد قفل كامل أنت بقى وخلص.

نظر إليه المقنع حانقًا وقال:

- لا والنبي؟ ما حاولت أعمل كده معرفتش حسيت إني متجمد، أنا فضلت أكثر من عشر دقائق يا إبليس رافع إيدي لفيق بالبلطة ومتذنب

بيها، فاكدر مدرسين زمان لما كانوا بيقولوا للعيال ارفعوا أيديكم لفوق  
وانتو شاييلين الشنط، أهو كنت زيهم.. بس أنت هاتعرف منين! أنت  
شيطان ولا دخلت مدارس ولا شوفتها اصلاً.

نظر إليه ابليس مستنكرًا وهو يقول:

- أنت مجنون والله، أنت فاكرنى جاهل، أنا معايا بكالوريس تفريق  
أزواج، وعارف طبعا العقاب ده والي متعرفوش أصلا ان العقاب ده  
من اختراعى... هو فى بنى آدم عاقل بيّفهم يعاقب طفل بالطريقة  
الشيطانية دي.

أجابه المقنع:

- طب والله عندك حق... المهم دلوقتي فيه حاجة غريبة، موضوع  
التجمد ده جديد.

فكر إبليس قليلاً ثم قال:

- واضح إن فيه حاجة غلط، وأكيد هانفهمها، أنا عايزك تجري على  
مشهد التحنيط دلوقتي وتشوف الفراغنة عملوا إيه مع (إسلام عبدا  
الله)، عشان واضح كده من طريقة قطع الكاتب للمشهد إن المشهد  
اللي جاي بتاعى أنا والدكتور بتاع الماورائيات، والراجل ده فيه بينى  
وبينه تار كبير أوي لازم نخلصه النهاردة...

قال المقنع:

- هاشوفهم حالاً وبالمرّة أشوفهم اتجمدوا هما كمان ولا لأ.

صاح إبلیس به:

- بقولك ایه.. متعملهاش قاعدة وقعر مجلس هناك، تلخص قوام  
قوام.. عشان مشهدك بعدي على طول.

أجابہ المقنع:

- حاضر بس متزعقلیش كده أنا مش جني شغال عندك.  
قالها وانطلق إلى غرفة التحنيط.

\*\*\*

قامت SALLY MOHAMED MAGDY بمشاركة منشور اليوم السابع



SALLY MOHAMED MAGDY



# صفحة اليوم السابع/اختفاء ثلاثة كتاب في ظروف غامضة

اختفاء ثلاثة كتاب في ظروف غامضة....

بالأمس جاء بلاغ للشرطة عن اختفاء ثلاث كتّاب شباب في  
ظروف غامضة

حيث قامت زوجاتهم بتقديم بلاغ باختفاءهم وعدم  
العثور عليهم منذ يومين..

وكان الكتّاب الشباب معروفين بالوسط الأدبي، ومشهورون  
بكتابتهم في أدب الرعب والفاثازيا والجريمة، الكتاب هم:  
الأستاذ (وليد أحمد).. كاتب الرعب الذي ذاع صيته مؤخرًا من  
خلال تجاربه المرعبة التي ينشرها على صفحته الإلكترونيه  
والشهير برواية (الناري)

الأستاذ (إسلام عبدا الله).. الملقب بملك الغموض وصاحب  
روايات الغموض الشهيرة جهينة.

والدكتور (محمود صلاح) الكاتب الشهير وخبير الماورائيات،  
وصاحب رواية الملعون.

وتوالى السلطات القضية اهتمامًا كبيرًا.



1180  
Like



580  
Comment



40  
Share

فاطمة الزهراء بداوي. استر يارب أنا كنت متأكدة إن هايحصل حاجة  
بعد موضوع قصصهم الأخيرة اللي كانوا بيقلولوا إنها واقعية.

٢٥ قيقة أعجبنى رد



سالى حازم. يا ربي طب حد يدور عليهم كويس، يمكن هما في مشوار مع بعض.

٢٧ قيقة أعجبنى رد



أحمد الزيني. احنا مش هانسكت لازم نعمل حاجة مش هانفضل قاعدين كده.

٢٥ قيقة أعجبنى رد



إسلام وهيب . تفتكروا الموضوع ليه علاقة بقصة الفيل الأحمر  
اللي كتب عنها وليد يا جماعة؟؟؟

٤٠ قيقة أعجبنى رد



أحمد تاج . لازم نهدي عشان نشوف هاتتصرف ازاي؟؟

٤١ قيقة أعجبنى رد



عمرو بن سامي .يعنى هما اختفوا خالص؟؟؟  
طب آخر مره كانوا فين حد يقولنا حاجة؟؟

٥٠ قيقة أعجبنى رد



اندلسية شوقي أحمد .ربنا يصبر أهلهم يا رب ويردهم بخير.

٥٢ قيقة أعجبنى رد



محمود الجعیدی . أنا حذرته كثیر من موضوع الفیل الأحمر ده ،  
لا حول ولا قوة إلا بالله  
٥٥ قیفة أعجی رد



رامي ويجعلہ عامر . إن شاء الله خير ربنا يستر ويرجعوا بالسلامة كلهم  
٦٠ قیفة أعجی رد



مجدي محروس . ربنا یردهم لأهلهم بخير يا رب.  
٦٠ قیفة أعجی رد



محمد صلاح شديد . اتأكدوا من الخبر أصلا يا شباب؟؟  
أسألوا أهلهم ممكن تكون مجرد إشاعة.  
٦٢ قیفة أعجی رد



نسمة عاطف . والله هاتربونا وهاطلع في الآخر دعاية لرواية جديدة  
شغالين عليها الثلاثة.  
٦٥ قیفة أعجی رد



هبة سراج . يا رب استر أنا قايمه من النوم قلقانه والله ،  
فتحت لقيت المنشور ده في وشي يا رب سترك.  
٧٠ قیفة أعجی رد



حسام عيسي . أنا هاعمل لايف كمان ساعة عشان نتكلم في الموضوع ده.  
٨٠ قیفة أعجی رد



أخذ (إسلام) يحاول التملص من قيوده، التي غطت جسده  
بالكامل، باستماتة وهو يشعر بدانو أجله

ويتساءل في نفسه هل تكون تلك هي النهاية؟

وبينما هو كذلك سمع صوتاً يقول:

- فك يا (وليد) بسرعة، دا زمانه اتخنق.

ارتدت إليه روحه بعد أن سمع تلك الكلمات بصوت الدكتور  
(محمود صلاح) وشعر بهم، يحاولون فك الأربطة عن جسده وصوت  
(وليد) يقول:

- استنى يا دكتور وحياة والدك اتصور معاه سيلفي، أنت عارف  
الصورة دي هاتجيب تفاعل قد إيه.

أقسم (إسلام) في سره أن يقتله إذا قُدر له الخروج حيًا من ذلك  
الموقف، وهو يسمع صوت الدكتور محمود يحتد على (وليد):

- يابني أخلص سيلفي إيه الواد بيموت، مش مكفيك تفاعل الفيل  
الأحمر، أنت بقيت أشهر من صورة الفستان اللي ألوانه بتتغير.

وصلا إلى الأربطة التي على وجه (إسلام) وما أن ظهر وجهه حتى  
التقط أنفاسه بقوة بعد أن كاد يختنق وهو ينظر لـ(وليد) بغضب  
صارخًا:

- سيلفي يا آدم هاتأخذ سيلفي وأنا بموووووووت.

أجابه (وليد):

- ياعمر لا هاتموت ولا حاجة دي رواية محدش بيموت فيها بجد.

قال د.(محمود) بهدوء:

- للأسف فكرتك غلط يا (وليد):

توقف (وليد) عن فك الأربطة عن جسد (إسلام)، والتفت إلى الدكتور وقد أسود وجهه، وهو يقول:

- قصدك إيه؟ يعني احنا ممكن نموت هنا.

أجابه د.(محمود):

- اسمعنى يا (وليد) كويس...أنسى خالص فكرتك عن وجودنا المادي، احنا هنا ماشيين بقوانين الرواية... لو بطل من أبطالك مات في الرواية يرجع؟ طبعا للأ...يبقى ده بالضبط اللي هايمشى علينا.

تساءل (إسلام عبدا الله) وهو يهبط من فوق الطاولة الفرعونية:

- يعني إيه يا (محمود) أنت عايز تقول إن احنا مش حقيقيين؟

مجرد أبطال رواية؟ وإن أنا وليد أحمد ومحمود صلاح الحقيقيين عايشين حياتهم عادي؟؟

صمت دكتور (محمود) للحظات ثم أجاب:

- أنا لسه ما توصلتش لإجابة جازمة في القصة دي.. بس أعتقد لاء، هو احنا لأننا محتفظين بكل ذكرياتنا وحياتنا يبقى في الغالب هو احنا، ولسبب ما أصبحنا سجناء هنا تحت رحمة الكاتب... اللي علينا دلوقتي نفهم الرواية دي فكرتها إيه ده هايسعدنا في تجنب الأحداث.

صاح (وليد):

- تجنب إيه؟ لو زي ما أنت بتقول يبقى مفيش في إيدنا حاجة احنا تحت رحمة الكاتب لو قرر يقتلنا هانموت.

قال د.(محمود) بسرعة:

- لا يا (وليد) مفكرش هاي فكر يقتلنا.. لأن واضح من الأدوار إننا أبطال في العمل، ومعتقدش إن فيه كاتب هايقتل بطل على الأقل مش في المرحلة دي.

تساءل (إسلام):

- مرحلة إيه؟

أجابه:

- واضح من المشاهد إنه لسه في مرحلة فرد الأحداث متعمقش في الرواية؛ لإن لسه لحد دلوقتي الفكرة مش واضحة أوي، يبقى هو كذا في الثلث الأول من الرواية.. حتى لو في مخططه إنه يقتل بطل مننا هايكون في الثلث الأخير قبل حل العقده تمامًا وإلا هاي فقد تصاعد الأحداث بتاع الرواية.

- قال (وليد) بغضب:

- هو أنت هاتعمل ريفيو للعمل، احنا هانعمل إيه دلوقتي.. ثم إن إيه اللي مخليك متأكد إنه مش هايقتل حد فينا.. المشهد بتاعي وقف والقائل ناقص بس ينزل بالبلطة على أمر راسي وأدي المشهد الثاني فكينا إسلام من عشرين كيلو شاش كانوا كاتمين على نفسه.

تحرك د.(محمود) في الغرفة الفرعونية مفكرًا، وهو يقول:

- قطع المشهد اللي فات يا (وليد)... لو ييفكر يقتلك في المشهد  
كان المشهد اتقفل على إنك سايح في دمك، والبلطة في نص دماغك  
طالما قفل المشهد بالطريقة دي، وقبل ما يصيبك يبقى بيخطط  
لإنقاذك بطريقة ما مع بداية المشهد الجديد... وبالنسبة لـ (إسلام)،  
المشهد قطع إن الفراعنة سابوا الغرفة ومشياوا.. ثائيًا شال تفريغ  
الأحشاء من مراسم التحنيط يبقى هو عايز يحتفظ بـ (إسلام) وفصّي  
الغرفة عشان يتم إنقاذه برضو... إما بالنسبة لهنعمل إيه هاقولكم.

قاطععه صوت ضربات مفاتيح فصرخ (وليد أحمد):

- الحقوا... ده بيكتب تاني.

قال د.(محمود):

- ده مشهدي لو حساباتي صح، غالبًا هاختفى دلوقتي هاتلقوني في  
المكان اللي فيه إبليس.

شدّ (إسلام) على يد د.(محمود) وهو يسأله:

- اشمعنا إبليس.

هم الدكتور بإجابته، ولكنه اختفى في نفس اللحظة.

\*\*\*

ظلام حالك... هو ما فتح عليه د.(محمود) عينيه.

أخذ يتلفت حوله بحثًا عن بصيص نور واحد يستشف منه المكان  
الموجود فيه، ولكنه فشل

فثبت في مكانه بلا حراك... حاول أن يبدأ هادئًا، ولكن كان الخوف  
يعبث بداخله كفأر وجد نفسه فجأة وسط مكان ممتلئ بالجبن، وهو  
وحده فأخذ يرتع فيه...

انتظر أي رد فعل يحدث لوقت طويل حتى وجد نفسه يصرخ:

- والآن ماذا؟ ها أنا أقف في انتظار رد فعلكم، أم أنكم قد أتيتم بي  
إلى هنا لتستمعوا بمشاهدتي؟

انتظر قليلًا فلم يتلق أي جواب.

فبدأ في التحرك بخطوات بطيئة حذرة، وفجأة انتفض حين سمع  
صوتًا يقول:

- لازل كما أنت لن تتغير، تصنع الشجاعة في مواجهة أمور تفوقك  
وتفوق إدراكك البشري القاصر... هكذا أتم يا معشر أبناء آدم، لن  
تتغيروا أبدًا.

التفت د. (محمود) للخلف محاولًا رصد مكان الصوت وهو يقول:

- حسنًا، وبعد تلك المحادثة الفلسفية هل ستكتفي بها أم ستريني  
وجهك؟

وما أن أنهى عبارته حتى أضاءت الغرفة بضوء قوي.

ومن وسطها ودون مقدمات انطلقت سحابة دخانية من الأرض على هيئة إعصار صغير، وأخذ في التشكل حتى استقر كيان دخاني أمامه، والدخان يتحول إلى كيان مادي لكائن شديد السواد ضخم البنيان، ومن أعلى رأسه برز قرنان شديدي الحمار.

وما أن تمثل حتى انهار الدكتور محمود في الضحك بشدة، وهو ينظر إلى قرون الكائن

الذي تكلم بغضب شديد قائلاً:

- ماذا يضحك؟ الوقت وقت عنف وانتقام، سترى الآن ما لم تره في حياتك.

حاول د (محمود) أن ينطق، ولكن خاتمه العبارات، وهو يشير لقرون الكائن وانطلقت ضحكاته مرة أخرى..

نظر إليه الكائن قائلاً بحنق:

- هل تجد قروني مثيرة للسخرية أيها الأنسي.. حسناً... دعني أعرفك بنفسي... أنا إبليس بطل قصتك نهاية إبليس الأخيرة جداً... أنا ذلك الشيطان الذي محوته بضغطة زر، وها أنا قد اتيت اليوم لأنتقم منك شر انتقام.

تماسك د. (محمود) وهو يقول محاولاً كتم ضحكاته:

- طب أهدي بس يا عم إبليس وصلى على النبي واحنا نحاول نحلها.

انتفض إبليس عند سماع كلماته، وقال:

- كيف تتحدث إليّ بتلك اللغة السوقية تحدث الفصحي.

انتبه د. (محمود) لكلمات إبليس وهو يقول:

- عامية ولا فصحي أنت جاي تتقم ولا تعلمني الكلام.

انتفض إبليس وأخذ جسده يتضخم وهو يهتف به:

- نعم هو الانتقام وسترى ما لم تره في حياتك يا ابن آدم.

قالها وهو يشير إلى د. (محمود) فارتفع من على الأرض، وانشقت الأرض في موضع قدميه، وظهرت دائرة كبيرة من النيران أسفل الدكتور، وإبليس يتابع وقد رفع يده لأعلى:

- الآن وحين تهبط يدي لأسفل... ستكون أنت بداخل تلك النيران.

وتنتهي للأبد... وتنتهي معك عجرة البشر وظنهم، إنهم يدركون ويفهمون كل شيء.

أنهي حديثه ونظر (محمود) معلقاً بيده ويتابع حركتها...

وينتظر سقوطه في دائرة النار...

\*\*\*

مرت دقيقة وإبليس على حاله، ويده متوقفة وقد تجمد مكانه؛

فصرخ د. (محمود) بفرح

- أنسى يا أبو الأباليس، المشهد وقف، الكاتب انتقل لمشهد تاني.

حاول إبليس الحراك ولكنه فشل فصرخ:



- ما هو الكاتب بتاعكم اللي غي... فكرني بيض شم النسيم،  
وعمال يلون فيا... ثم تعالى هنا... أنت كنت بتتكلم عامية ليه  
والكاتب بيكتب فصحي.

اقترب منه الدكتور، وهو يقول:

- والله يا إبليس هيا حاجة بس عايز أتأكد منها.

قالها وعلى حين غرة مد يده ليضرب إبليس أسفل عنقه بكف يده:

فاتفض إبليس وهو يضع يده أسفل عنقه صارخاً:

- ايه ده احنا فينا من ضرب القفا يا محمود.. هانستهبل..

هنا هلل الدكتور قائلاً:

- الله أكبر كده وضحت الرؤية... معنى كده إننا في عمل ساخر..  
مفيش عمل جدي أبداً، هايكون رد فعل إبليس على موقف زى ده..  
وكمان ده المبرر الوحيد لأني بتكلم عامية في المشهد اللي أنت بتتكلم  
فيه فصحي.. الوحيديين اللي بيعملوا الكلام الفارغ ده كِتَاب الأدب  
الساخر.

تصنع إبليس عدم الاهتمام، وهو يقول:

- مش هاتفرق ساخر ولا غيره أهى رواية وهانتقم منكم وخلص.

ضحك الدكتور قائلاً:

- لاااااا هاتفرق كتير أووووى يا أبو الأباليس.



- سألنا يا عم في الكشك الي جنب البنزينة الي على الناصية بس  
الراجل توهنا...

ثم أكمل صارحاً:

- ايه الي بتقوله دا يا دكتور أنت محسني إننا تايهين في ميدان  
سفنكس، وكأننا مش ضايعين في أمر رواية مش فاهمين من أبوها حاجة.  
تقبل د. (محمود) انفعاله بهدوء ونظر إليه قائلاً:

- ماشي يا وليد لما اسبيك مع المقنع تموت المشهد الي جاي،  
نبقى نشوف موضوع ميدان لبنان ده.

حاول (إسلام) تهدئة الأمور لولا أن أكمل الدكتور:

- مفيش وقت للكلام ده دلوقتي فيه حاجات مهمة لازم تعرفوها  
ومش عارفين المجنون الي بيكتب ده هايبداً إمتي تاني.  
انتبه إليه الكاتبين وهو يتابع:

- دلوقتي أنا عرفت نوع الرواية الي احنا فيها، وده كان مهم عشان  
نعرف الدنيا هاتمشي إزاي.

قاطعته (وليد):

- أيوا سمعناك وأنت بتتكلم جوا، وبتقول إن ده حاجة كويسة.  
نظر إليه د. (محمود) قائلاً:

- مش كل حاجة تسمعها تصدقها يا حبيبي دول كلمتين بضحك بيهم  
على إبليس؛ عشان ميفكرش إننا خايفين... معنى إن القصة ساخرة فدا  
خلي ليها مميزات وعيوب، بس عيوبها أخطر.

تساءل (إسلام):

- إيه العيوب يا محمود:

أجابه:

- إنك متقدرش تتوقع اللي هايجصل.. الأدب الساخر في الرواية بيتبع  
قوانين الرواية أه، بس بيقدر يمتط في القوانين زي ماهوه عايز... يعني  
بيقدر يلعب بقوانين الرواية بالشكل اللي هو عايزه... عشان كده أنا  
بعتبرها من أصعب الروايات.

قاطععه (وليد) قائلًا:

- احنا مش عايزين درس في حب الأدب الساخر، عايزين نفهم ده

يأثر على وضعنا في إيه؟

أجابه:

- يآثر إنه ممكن يموتك في أى لحظة لو في مشهد حس إنه هايكون  
أكثر سخرية،

يعنى ممكن يقتل البطل عادي ويستبداله بآخر، محدش يتوقعه أصلا،  
وحد من الشخصيات الثانوية يصعده بطل... الحكمة بتاعته في إيده  
يتلاعب بيها زي ما هو عايز، الهدف الأساسي بتاعه إن القارئ يضحك بس..

انهار (وليد) وترك جسده يسقط أرضاً، و(إسلام) يسأل:

- طب وإيه الإيجابي يا محمود.

أجابه بهدوء:

- القدرات اللي بيديها لأبطاله غير محدودة وده هايساعدنا.. يعني عادي جداً إنه يخليك بتطير، أو ليك مخالب، أو بإيدك المجردة تهزم وحش ضخم، لو شاف إن ده هايجيب تأثير كوميدي على الناس، وطبعاً بيخرج من عدم منطقية الفعل بجملة على لسان البطل يعني مثلاً بعد ما تطير يا (إسلام) بطل يسألك وأنت بتطير إزاي؟؟.. تروح ببساطة قايل يعني أنت مصدق إن الرواية فيها شياطين مع فراعنة مع قاتل مجهول وكذا وكذا ووقفت معاك على طيران؟.... هنا القارئ يضحك ويينسى أصلاً التجاوز وعدم المنطقية اللي بتحصل.

عم الصمت على الجميع بعد كلماته.

كان (وليد) يجلس أرضاً ويده فوق رأسه، وأمامه (إسلام) يقف بلا حراك وبجوارهم يتحرك (محمود) ذهاباً وإياباً في توتر ملحوظ...

ولدقائق ساد الصمت عليهم حتى قطعه (وليد) قائلاً:

- والمفترض دلوقتي نعمل إيه.

توقف د(محمود) عن الحراك وهو ينظر إليهم قائلاً:

- هنجاري أحداث الرواية... الرواية دلوقتي بناءً على مشهدي اللي فات تقريباً في الثلث الأول... مع كل مشهد عقدة العمل هتبان...

وأتم كتاب وفاهمين إن بفك العقدة تنتهي الرواية، وأعتقد إن بنهاية الرواية لو محدش فينا مات هاترجع كل حاجة زي ما كانت... كل واحد هايدخل مشهد منكم هايجى يقولنا إيه اللي حصل بالضبط، ويارب يطلع الكاتب مبتدئ وأهبل وعامل حبكة عبيطة كده عشان العقدة تبقى سهلة.. وعايذكمتفتكروا إن الوقت اللي مش بيكتب فيه الكاتب؛ لو حصلت أى مواجهات مع أبطال العمل الآخرين؛ افتكروا إنكم في عمل ساخر يعنى ممكن تعملوا أى حاجة.... واضح؟

قالها ونظر إليهم منتظرًا إجاباتهم فجابه الصمت...

\*\*\*

أنا مش هانشر الكلام ده أبداا...

قالها المهندس (محمد صلاح) مدير دار النشر، وهو يلقي ببعض الأوراق على مكتبه، وأمامه جلس (رامي)...  
نظر إليه (رامي) متعجبًا من ردة فعله قائلاً:

- إيه يا (محمد).. فيه إيه دي مجرد مقدمة للرواية.. إيه مشكلتك؟؟

قال محمد وقد بدأ صوته يرتفع:

- مشكلتي إنك ذاكر أسماء حقيقية يا (رامي) وده قانونًا لا يجوز إلا بموافقة الأشخاص دي... لأ وكمان مختار ثلاث كتاب مختفين، والدنيا مقلوبة عليهم، ومطلعهم في عمل ساخر.. تقدر تقولي شكلنا قدام الناس ها يكون إيه.. ببساطة هايقولوا إننا بنستغل اختفاءهم والهيجان اللي معمول عليهم عشان الرواية تتجح.

قاطعته (رامي) قائلاً:

- أنت بتقول إيه يا (محمد)... أنا شغال على الفكرة من قبل ما يختفوا  
وبعدين قانون إيه؟.. كل اللي في الرواية دول أصدقاء، ومحدث منهم  
هايعترض.. وبعدين الرواية ساخرة أه بس مفيهاش إساءة لحد فيهم.

قاطعهم دخول (إيناس) إلى المكتب وهي تقول لـ(رامي):

- (محمد) معاه حق يا (رامي) أنا قرّيت الدرافت وفي أي وقت تاني  
كان هايبقى عادي، بس في ظروف زي دي مش هايנفع.. مراعاةً لظروف  
أهلهم حتى.. احنا لسه منعرفش جرالهم إيه؟.

قال (رامي) مستنكراً:

- إنتو بتقولوا ايه يا إخوانا؟؟؟؟إيه دخل ده بعمل روائي؟

أتتوا ليه محسسنى إن أنا اللي خاطفهم؟؟... وبعدين احنا لسه بنقول  
يا مسهل يعني إن شاء الله قبل ما تخلص هانكون اطمنا عليهم ورجعوا..

وجه (محمد صلاح) حديثه إلى (رامي) قائلاً:

- أساساً فكرة زي دي جاتلك إزاي وليه الإصرار إن أسماء الكتاب تبقى  
حقيقية... مش هانكر إن الفكرة مجنونة وجديدة بس ليه مش أى  
أسماء وهمية وخلص...

استمع إليه رامي وهو يتذكر كيف بدأت تلك الفكرة حينما كان  
يجلس أمام جهازه بعد أن تركهم المرة السابقة، وأخذ يفكر في فكرة  
جديدة يبدأ في تدوينها..

تذكر كيف جلس أمام الجهاز حتى الثالثة فجراً، دون أن يكتب حرف بعد جملة (بسم الله الرحمن الرحيم) التي تزين رأس الملف... تذكر حين غلبه النعاس، ولكنه ليس استغراقاً كاملاً؛ لأنه كان يعي كل ما حوله...

وتذكر ذلك الصوت الذي تردد في عقله واعدًا إياه بشهرة كبيرة إذا قام بعمل فكرة مجنونة وجديدة في إطار ساخر.. تذكر ذلك الصوت وهو يشرح له الأمر كمعلم يملي على تلاميذه نصاً جديداً.

تذكر إقناع الصوت له باختيار هؤلاء الكتاب تحديداً ليكونوا أبطالاً. وهو يهمس في أذنه قائلاً إن ذلك سيضفي على العمل واقعية؛ فيخرج عمل ساخر أقرب إلى الواقع، وفي نفس الوقت في إطار فنتازي... تذكر الصوت وهو يمجده في تلك الفكرة، قائلاً له هذا... وكيف اختمرت الفكرة في عقله...

عمل بداخله فرعين من فروع الأدب.. ساخر، وفانتازيا مع إضافة أسماء معروفة تضيف لمسة واقعية...

أفاق (رامي) من شروده على صوت (محمد صلاح) وهو يقول:

ايبيه روت فين يا (رامي)؟.. بقولك ليه الإصرار على الأسماء الحقيقية؟ ما تغير بأسماء وهمية مش موجودة، وده مش هايغير شيء من العمل نفسه... مجرد أسماء مش أكثر

بداون تفكير أجاهه (رامى):

- لا يا (محمد) العمل زي ماهوه وليك مطلق الحرية في قبوله أو رفضه، هاكون مقدر ده جدًا لأنه شغلك وأنت أعلم بيه منى..

شعرت (إيناس) أن الحديث أخذ منحى غير جيد فتدخلت قائلة:

- إيه يا (رامى) اللي بتقوله ده الشغل بينا مش بالطريقة دي، وأنت عارف... أنت عارف إن الدار بيتك من يوم ما بدأنا احنا بنتناقش عشان نتجنب المشاكل بس..

قال (رامى) بهدوء:

- أنا عارف ده كويس يا (إيناس) ويهمني الدار زي ما يهمنى شغلي، بس فى نفس الوقت أنا بعتز بكل كلمة بكتبها وعايز الرواية تخرج بالشكل اللي أنا متوقعه ليها.

خيم الصمت قليلًا على المكان حتى قطعه (محمد صلاح) قائلاً:

- عمومًا كمل الرواية يا (رامى) وأنا عندي فكرة كويسة.

التفت إليه (رامى) باهتمام فتابع:

- كمل الرواية بنفس الشخصيات... ولو ربنا أراد والناس دي رجعت بالسلامة هاناخذ موافقتهم ونزلها زي ما هيا... ولو لا قدر الله مرجعوش وغياهم زاد نغير الأسماء، وأعتقد ده مش هاياخد وقت منك مجرد مراجعة وتغيير أسماء بس.

همّ (رامى) بالاعتراض لولا أن قاطعته (إيناس) بقولها:

- مفيش كلام تانى يا (رامى) أظن دي فكرة كويسة جداااا، كمل  
شغلك وسلمني العمل وإن شاء الله هايكونوا رجعوا وليك عليا أخذ أنا  
موافقتهم بنفسى..

ابتسم (رامى) قائلاً:

- خلاص يا جماعة اللي تشوفوه، مفيش مشكلة..

ثم التفت لـ (إيناس) وقال:

- طيب مش هاتشربونا حاجة بقى ولا إيه.. أنا بقالي ساعة مشربتش  
حتى شوية ميه.

ضحك محمد قائلاً

- هاتيلو قهوة يا ستى بدال ما يروح يزرعنا منشور يشردنا بيه..

قالها وعلت ضحكاتهم..

.....

\*\*\*

أخذ (وليد أحمد) في الصراخ منتظراً هبوط يد القاتل المقنع بالبلطة  
على رأسه.

وفي نفس اللحظة اقتحم الغرفة شخص وهجم على المقنع ورفع  
عاليًا، وتركه يسقط أرضاً قبل أن يضرب (وليد) ببلطته..

انتفض (وليد) وهو يشاهد قتال المقنع مع الشخص الغريب، وهو يحاول نزع البلطة من يده باستماته.. عراك استمر لشوانٍ معدودة انتهى لصالح الشخص الغريب، الذي نظر إليه المقنع قائلاً:

- من أنت؟

أجابه الرجل بهدوء:

- أنا الكونت دراكولا.

نظر (وليد) إلى الرجل في ذهول وشاركه ذهوله المقنع، و(وليد) يقول للرجل:

- ولكنك حتى لا تشبه مصاصي الدماء.

نظر الرجل إلى ثيابه للحظة ثم قال:

- إيه ده معلش ثانية واحده كده..

قالها واتجه إلى الباب الذي دخل منه من لحظات، وعاد وفي يده حقيبة سوداء منتفخة؛

أخرج منها حرملة حمراء؛ وألقاها أرضاً، ووضع الحرملة على كتفه وربطها بإحكام... ثم أخرج مبرداً حاداً من الحقيبة، وأخذ يبرد أسنانه بداقة حتى أخذت شكل ناب طويل..

وأخرج بعدها مرآة وأخذ ينظر إلى شكله فيها، وهو يلتفت إلى أحمد والقاتل المقنع قائلاً:

- ها إيه رأيكم كده؟

نظر إليه الرجلان ولم يجيبا فأدخل المرأة إلى الحقيبة، ودفعها  
أسفل طاولة تتوسط الغرفة، ثم التفت إليهما مرة أخرى وهو يقول:

- أنا الكونت دراكولا.

صرخ فيه القاتل المقنع:

- وماذا تريد يا هذا؟ وكيف تقتحم علينا الغرفة هكذا وتمنعني من

قتله؟

أجابه دراكولا:

- جئت انتقم منك... حان وقتي.... واقتربت نهايتك.

صرخ المقنع:

- أي انتقام.. أنا لا أعرفك؟ لماذا تتقمم مني؟

نظر إليه دراكولا مفكراً:

- والله عندك حق.... أنا إيه اللي جبنى هنا؟.. واضح إني دخلت غلط.

في تلك اللحظة كان (وليد) يجبو على يديه وقدميه في هدوء مغادراً

الغرفة

مستغلاً انشغالهما في الحديث..

وفي نفس اللحظة كان دراكولا يقول وهو ينزع عنه حرملته ويعيدها

إلى الحقيبة:

- أنا أسف والله معرفش إيه اللي جبنى هنا، تقدرنا تكملوا اللي  
كنتم بتعملوه أنا هامشي..

قالها فتذكر المقنع (وليد) فالتفت بسرعة، ولكن هيهات فلقد  
تبخر (وليد) من المكان.

\*\*\*

أخذ (إسلام عبدا الله) يحاول التملص من قيوده، ويحارب من  
أجل التقاط أنفاسه تحت تلك الأقمشة اللعينة التي تغطيه بالكامل..  
سمع أصواتًا تدور من حوله، وتمنى في تلك اللحظة أن تنزاح تلك  
الأقمشة للحظات حتى يرى مصدر تلك الأصوات...

وفي ذلك الوقت كان سقف الحجرة ينشق بشكل دائري، وتهبط من  
ذلك الشق كرة كبيرة من المعدن.

كانت تهبط ببطء وكأنها تتحدي الجاذبية الأرضية، أو أن هناك  
من... يتحكم بها!

وما أن لامست الأرض حتى تمددت بشكل غريب، وانشقت ليخرج  
منها كائن قصير القامة ذو رأس دائري تمتد من أعلاه ثلاثة أشياء غريبة  
تشبه الأوردة، وفي نهاية كل منها عين بارزة..

تحرك الكائن باتجاه (إسلام) المستلقى على الطاولة الحجرية؛ ورفع  
يده نحوها فتفتت الأقمشة كلها مع صوت شهقة عالية من (إسلام)  
الذي كاد أن يختنق.

لحظات أخذ (إسلام) فيها يستنشق الهواء، ويحاول استعادة توازنه، ثم نظر يبحث عن منقذه،

وما أن رأى الكائن حتى ارتد للخلف بقوة وهو ينظر إليه برعب...

وتردد في المكان صوت الكائن يقول:

- ٠١٠١٠١٠٠١٠١٠١٠٠٠ -

تساءل (إسلام):

- ماذا تقول وماذا تريد مني؟؟؟

عاد الصوت يقول والكائن يشير الى السقف

- ٠١٠١٠١٠٠١٠١٠١٠٠٠ -

صرخ (إسلام):

- ألا أفهم شيء من تلك الأرقام التي تتلوها علي.

ضغط الكائن على مربع صغير في صدره فظهرت شاشة أمام عين

(إسلام)

وتراص عليها

- ٤٤٣٢٤%\$%#@!\$%\$#@\$#@#@#@#@##@## -

خبط (إسلام) راحة يده على رأسه وهو يقول بيأس:

- هل أخبرك أني لا أفهم أرقامك فتخرج لي بمجموعة رموز يا هذا؟

في تلك اللحظة اقتحم الغرفة الفراعنة فتراجع (إسلام) للخلف، وتوجه الرجلان إلى الكائن وهما يوجهان إليه حراهما ويصرخان فيه:

- من أنت وماذا تفعل هنا؟

أخذ الكائن يعبث في ذلك المربع على صدره فتصدر منه أصواتًا غير مفهومة، وهو ينظر إلى الرجلين فيجد علامات عدم الفهم، فيعيد الكرة حتى خرج منه صوتًا يقول:

- أنا (XYZW١٢٥٠) من كوكب زحلون مجرة أمر الشعور السوداء.

تراجع الرجلان وأحدهما يهتف:

- وماذا أتى بك إلى هنا؟

قال الصوت الصادر من الكائن حينما وجد أنهما قد فهما ما قال:

- تم تحديد لغة التواصل... اللغة ١٥٦٠ ب ك.

صدر صوت معدني يفيد تأكيد الأمر، والكائن يقول بصوت ذي تردد

معدني واضح:

- أنا هنا لإنقاذ ذلك الرجل من الموت.

صاح به الفرعوني:

- وما شأنك أنت بذلك؟.. من أرسلك.

قال الصوت:

- أرسلنى كاتب العمل فى مهمة محددة... وهى إنقاذ هذا الرجل  
وبهذا يكون دورى قد انتهى..

قالها وتراجع إلى الكرة وما أن اتسقر بها حتى عادت لوضعها  
الطبيعى قبل التمدد، وارتفعت حتى تجاوزت السقف وما أن تجاوزته  
حتى عاد كما كان..

نظر الفراعنة للسقف فى دهشة ثم صرخ أحدهما وهو يبحث بعينه  
فى الغرفة.

- لقد هرب (إسلام عبدا الله).

\*\*\*

- اللي أنتم بتحكوه ده معناه خطير جداً.

قالها د.(محمود) وأمامه يجلس (إسلام عبدا الله) و(وليد أحمد).

بعد أن سمع منهما ما حدث معهما فى مشاهد الرواية التى يكتبها  
الكاتب

فتساءل (وليد):

- خطير ليه بس يا دكتور؟ أنت زعلان إنه أنقذنا؟

أجابه بسرعة:

- لا يا عبقرى زمانك يا فلته... أنا بتكلم على طريقة الإنقاذ... وإنه  
يستعين بشخصيات مش موجودة فى العمل أصلا عشان ينقذكم...  
أنت يجبلك مصاص دماء أهبل ينقذك.

وبعدين كائن فضائي عشان ينقذ (إسلام)...

سأله (إسلام):

- وده معناه إيه يا محمود.

شرد د. (محمود) بنظره في اللامكان وهو يجيب:

- معناه إننا بنتعامل مع مجنون مش كاتب... معندهوش أي منطقية في  
اللي بيعمله... اللي بييجي في باله بينفذه وخلص... وده أخطر حد ممكن  
يكتب ساخر؛ لأنك مش هاتقدر تتوقع خطواته الجايه... زائد كمان  
الأعمال اللي زي دي حبكتها بتبقى مش مفهومة.. أنت مش عارف هو  
عايز إيه أصلاً... لا والأخطر من كده إن ممكن ميكونش فيه حبكة أصلاً.

قال (وليد) بسخرية:

- مفيش حبكة يعنى إيه...؟؟ وازاي يبقى عمل روائي من غير حبكة،  
مفيش دار نشر هاتقبل الكلام الفارغ ده.

نظر إليه حانقاً من أسلوبه الساخر وهو يقول:

- أولاً احنا منعرفش العمل ده للنشر، ولا مجرد واحد بيكتب شوية  
بوستات على الفيس وينشرها وخلص... ثانياً يا أستاذ (وليد) لافيه  
أعمال كتير جداً أقل من إنها تشر وبتنشر، والكارثة إنها بتنجح...  
وأخيراً بقى ركز علشان أنت فهمت كل كلامي غلط.

انتبه إليه (وليد) وهو يكمل:

- مش معنى كلامي الي أنت بتقوله ده... معنى كلامي إنه ممكن يفضل يكتب، ولما يحب يقفل الراوية يقفلها بحاجة مفاجأة محدش يتوقعها رغم بساطتها... تبقى حاجة بسيطة جدًا ولما تشوفها تقول هيا خلصت كده إزاي.

ضحك (وليد) قائلًا:

- أه في الآخر هايصحينا من النوم ونطلع بنحلم.

رد د. (محمود) بسرعة:

- ما تستبعدش ده على فكرة... بس من الجنان الي أتمم بتحكوه ده أعتقد النهاية هاتكون أكثر جنونًا.

تساءل (وليد):

- يعني احنا دلوقتي هانعمل ايه يا دكتور...؟؟؟ ثم أنا جعان حرام عليكم.

أجابه:

- قبل ما أقولكم هانعمل إيه لازم تاخدوا بالكم من حاجة مهمة... لما المجنون ده يبدأ يكتب تاني هانرجع لنفس النقطة الي وقف عندها... يعني إنقاذنا لبعض هيبكون مرحلي فقط، عشان ميحصلش حاجة في وقت التوقف.. أول ما يكتب هانرجع كل واحد لنفس المكان ونفس المشهد الي وقف عنده.

تكلم (وليد) بلهجة العالم بيواطن الأمور:

- ده أنا فهمته من أول ما دخلت المشهد لقيت نفسي في نفس  
الوضعية... المهم دلوقتي هانعمل إيه؟

هم ياجابته لولا أنه لاحظ أن (إسلام) صامت منذ وقت طويل،  
ولا يشارك في المناقشة فالتفت إليه وهو يقول:

- أمال أنت ساكت ليه يا (إسلام)!

أنهى جملة وهو ينظر إلى مكان جلوس (إسلام) ولكن باختلاف  
بسيط....

دون وجود (إسلام)

\*\*\*

- ده متوقع يا اخوانا مالكم فيه إيه؟؟؟

قالها إبليس موجهاً حديثه للفراغنة والقاتل المقنع وهم يقفون  
أمامه، وقد بداي على وجوههم الغضب.

صاح المقنع:

- هو إيه اللي متوقع يا إبليس؟؟؟ يعني إيه أبقى خلاص هاقتل  
الراجل ويدخل مصاص دماء أهبل ينقذه، وهو أصلاً مش معانا  
في الرواية، هيا الرواية دي ملهاش اهل يسألوا عليها ولا إيه... بابها  
مفتوح أي حد معدي يدخل يعمل مشهد ويمشي.

نظر إليه إبليس ولم يجيب؛ فالتقط منه أحد الفراغنة طرف  
الحديث وأكمل:

- طب أنت أمرك سهل ياعم المقنع على الأقل تمشي فانتزيا... أنا  
بقى أعمل إيه... جالي واحد من الفضاء بوظلى المشهد بتاعى وأنقذ  
(إسلام عبدا الله) بعد ما كنت خلاص خلصت عليه؟؟؟.

هنا قاطعهم إبليس قائلًا:

- خلصتوا كلام؟؟

قالها ونظر إليهم فلم يتحدث أحد فأكمل:

- أتم مش واخدين بالكرم إن دول نفس الناس الي كانوا محجوزين  
معانا عشان قصصهم ماكملتش، واتفقنا إننا نلهمم كلهم عشان كده  
اختارنا كاتب ساخر عشان يخرف براحته؟؟

لم يجيبه أحد فتابع صارخًا:

- مش أنا لما وسوست للكاتب بالفكرة بلغته بكل الأبطال الي  
عايزين نخرجهم، وفهمته إنهم لازم يدخلوا الرواية عشان يتحرروا هما  
كمان؟؟؟

كل واحد فيهم ظهر في مشهد بقى من أبطال العمل مع نهاية  
العمل تتحرر كلنا، ولا انتوا عايزين إيه؟؟؟

هتف المقنع:

- بس دي مشاهد مش منطقية.... كده بقت رواية مختلة؟؟

صرخ فيه إبليس:

- محدش قال إننا عايزن ناخذ البوكر ياعم المقنع.... احنا مالنا  
مختلة ولا زفت... احنا قايلين أي حبكة وأي نهاية عشان تتحرر من الأسر  
اللي احنا فيه... عايزين منطقية ليه؟؟؟

لو بندور على منطقية قولولى بقى أدور على كاتب كبير بقى  
ومشهور يعملنا رواية ننافس بيها في البوكر.... احنا مش لجنة تقييم  
رواية احنا أسرى بنحاول نهرب بإنهاء أي زفت عمل يكون في آخره كلمة  
النهاية.

قال أحد الفراغنة:

- طب أهدي يا إبليس ما احنا بنفهم برضوا مفيهاش حاجة... واحنا  
اتبهدلنا برضو

والكاتب بتاعك بيدخل الناس في أوقات عجيبة.

قال إبليس:

- وأنا كنت أعرف إنه مجنون؟؟؟؟

أنا دورت على كاتب ساخر وخلص... طلع مجنون ويوظف  
الشخصيات بداون منطقية.... أعمله إيه أنا؟؟ اسمعوني كويس  
أوي.... مش معنى إني شيطان إني هاتخلي عن الناس اللي كانت معانا..  
أنا شيطان أه.... بس حقاني أووووي.

نظر المقنع إلى إبليس نظرة غريبة تحمل شك كبير وهو يسأل:

- طب بعيداً عن القصة دي يا إبليس..... أنت قبل ما نبدأ الخطة  
دخلت مع واحد جني من اللي كانوا معنا أوضه مقفولة قعدتوا أكثر  
من ساعة، وبعدين خرجت لوحدك.. الجني ده راح فين.

ظهر على إبليس التوتر وهو يجيب:

- أنت مالك أنت.... دي أمور عائلية.

سأله المقنع:

- عائلية إزاي يعني هو الجني ده جوز خالتك ولا إيه؟؟؟

أجابه إبليس:

- هو أنت متعرفش إن الشياطين أصلاً جن يا أهبل ولا إيه؟؟؟ الجني  
ده طلح ابن خالة أمي... وقعدت معاه شوية بطمن على العيلة،  
وبعدين خرجتلكم وهوه قالي هاينام شوية.

نظر إليه المقنع وهو غير مقتنع وقال:

- أنا مش مقتنع باللي أنت بتقوله ده يا إبليس.. بس عمومًا لو فيه  
أي غدر منك مش هاتفلت من أيدي.

قالها وإبليس ينظر إليه مبتسمًا.

\*\*\*

استغل (إسلام) انشغال الفراغة مع الزائر الفضائي الذي قام بتحريره؛ وخرج من غرفة التحنيط ليجد نفسه بداخل ممر لا آخر له.. تراصت على حوائطه شعلات من النار في تناسق يدعو للأعجاب. وتتناثر على الجدران رسومات فرعونية يعرف القليل منها ويجهل الكثير.

تحرك مسرعاً محاولاً الخروج من ذلك الممر في خطوات واسعة قريبة من العدو، وبعد لحظات سمع خطوات من خلفه فتحولت خطواته إلى ركض سريع، والخطوات تركض من خلفه تحاول اللحاق به...

ويسمع من خلفه أصوات الفراغة تصرخ بكلمات غير مفهومة في تلك اللحظة لعن اليوم الذي قرر فيه أن يكتب عن الفراغة، وتمنى إن كان قد كتب عن أي شيء آخر يتحدث لغة يفهمها على الأقل حتى يستطيع فهم تلك الصرخات...

مر وقت وهو يعدو ولا يصل إلى نهاية ذلك الممر ولا حتى تلوح له نهايته ومن بعيد، وجد ذلك الجدار الذي اخذ ينزلق من سقف الممر ببطء قاطعاً عليه الممر...

زاد من سرعته محاولاً اللحاق به قبل أن يلامس الأرض؛ فتضيع معه فرصته في الهرب.. وهو يقسم بينه وبين نفسه إن خرج سالمًا سيبدأ في حماية غذائية يفقد بها أكوام الشحم المتكدسة...

سباق كان بينه وبين الوقت أو بمعنى أدق بينه وبين ذلك الجدار الذي يغلق عليه الممر.

وحين وصل إليه كانت المسافة بينه وبين الأرض يستحيل معها عبور حتى كائن في ربع حجمه، فأسند ظهره للحائط في يأس وقال بصوت مرتفع بأنفاسه المتلاحقة:

- إنها النهاية.

وفي تلك اللحظة لمح ذلك البروز في الجدار المجاور، الذي لا يتناسب مع شكل الجدار بالمرة.

اقترب منه محدثاً نفسه قائلاً:

- هل من الممكن؟؟

قالها وهو يدفع ذلك البروز بقوة فتراجع ببطء إلى الداخل.

تهللت ملامحه فرحاً وهو يدفعه بقوة أكبر وأصوات الخطوات تقترب منه، حتى تراجع بمقدار يسمح بعبور جسده؛ فانزلق للداخل وأخذ يدفع في الاتجاه المعاكس؛ ليعود الجدار كما كان...

وما هي إلا لحظات وسمع صرخات غاضبة تأتي من خلف الجدار لبثت قليلاً ثم ابتعدت..

التفت ليعرف أين هو الآن، ولكنه الظلام كالعادة.

خطى خطوة واحدة للداخل؛ فاشتعلت شعلة نيران على الجدار فوق رأسه مباشرةً، وما أن اشتعلت حتى توالى اشتعال الشعلات الأخرى في شكل دائري؛ لتنير الغرفة وكأنها تحت شمس النهار..

كانت الغرفة فارغة إلا من تابوت كبير يحتل منتصف الغرفة تمامًا

لا شيء آخر في كل المكان إلا ذلك التابوت وحوله مجموعة من التماثيل الصغيرة تحيط به من كل جانب... تماثيل صغيرة تمثل إنساناً برأس ضفدعة وبعضها أنثى برأس ثعبان.

اقترب أكثر من التابوت ليجد مرسوم عليه رموز فقرأها ببطء:

- تعبان... كتكوت... كتكوت تاني... تعبان صغير... بومة...  
كتكوت... للأسد... فيونكة... بومة... طاووس عامل نفسه ديك....

تراجع قليلاً للوراء بعد قراءته، وقال محدثاً نفسه:

- هل يمكن أن يكون معنى تلك الجملة أن ثعباناً كان يراقب كتكوت وكتكوت آخر ليطعم ثعبانه الصغير، في حين أن بومة طارت لتخبّر كتكوت ثالث بالأمر، وكان الكتكوت الثالث عند الأسد يصنع له فيونكة وهناك طاووس كان متنكر في شكل ديك يراقب كل هذا؟

فكر في الأمر قليلاً وهو ينظر إلى التابوت، لكنه وجد الأمر غير متناسق.. أي عقل سيقول إن الفراعنة ستكتب على مقابرهم... ثم قال متعجباً: صراع كتاكيت مع بوم وثعابين؟؟

في تلك اللحظة دوى صوت في الغرفة يقول:

- تلك الكلمات تعني أن صاحب هذا التابوت هو الشر المطلق، وإذا تحرر فالويل كل الويل لمن سيفعلها.. هذا الترجمة تأتيكم برعاية معامل أنيس عبيد.

تلقت (إسلام) حوله بحثًا عن مصدر الصوت فلم يجد أي أحد بجواره، وفي نفس اللحظة سمع صوت شيء ما ثقيل يجر، تبعه صوت احتكاك وأشياء تنحطم.

التفت بسرعة إلى التابوت فوجد غطاءه يتحرك والتماثيل الصغيرة من حوله تنحطم واحدًا تلو الآخر من تلقاء نفسها...

التصق بالجدار برعب، وغطاء التابوت يتحرك ببطء حتى سقط من فوقه أرضًا مصدرًا صوت ارتطام رهيب...

ويد مغطاة بالأقمشة كتلك التي قيد بها من قبل تمتد خلف التابوت.

شعر حينها أن قلبه سيتوقف عن النبض مع بداية خروج كائن ما من التابوت الحجري

وما أن خرج الكائن حتى نظر إليه (إسلام) بداهشة، ثم انطلق يضحك بهستريا.. وهو يرى كائن لا يتعدى طوله المتر الواحد ملفوف بقطعة قماش كبيرة، ويتحرك بثقل شديد... كان الكائن يقترب من (إسلام) وهو يقهقه ضاحكًا؛ فرفع الكائن يده نحوه فشعر (إسلام) بقوة هائلة تجبره على الانحناء.

حاول المقاومة بلا جدوى، واستمر جسده في الانحناء حتى لامست رأسه يد الكائن، فما أن تلامسا حتى شعر بخيط من النار يخترق رأسه بقوة لدقيقة مرت كساعة عليه، وهو يصرخ من الألم حتى ابتعد عنه الكائن؛ فوقع على الأرض وهو يلهث، والكائن يشير نحو الحائط

فينشق ويظهر من خلفه الفرعونان اللذان كانا يلاحقا (إسلام) فأشار  
إليهما الكائن قائلاً بصوت عميق مرعب كأنه يصدر من أعماق الجحيم:  
- اقتلاه.

\*\*\*

تجمد الفرعونان في مكانهما بعد سماع الأمر بالقتل بلا حراك،  
وتنفس (إسلام) الصعداء وهو يقول:

- أخيراً المشهد خلص يخريبتك كاتب أنا كنت هاموت بجد..

سمع صوت يقول:

- مشهد إيه وكاتب إيه؟؟

التفت (إسلام) ليجد الكائن الصغير فقال:

- يا عم اتبيل بقى أنت أول مشهد ليك في الرواية وهاتقرفنا، ثم

أنت مش متجمد معاهم ليه؟

التفت الكائن إلى الفرعونين وأشار بيده نحوهما فتحركا على الفور،

وأحدهما يصرخ:

- إيه ده احنا بنتحرك بعد المشهد.

صاح بهما الكائن:

- تعالى هنا يا بنى أنت وهوو فيه إيه؟ وإيه حكاية المشاهد دي؟

اقتربا منه وقصًا عليه ما يحدث بالتفصيل، وهو ينظر إليهما  
بتركيز.. حاول (إسلام) الخروج من الغرفة أثناء حديثهما فسمع صوت  
الكائن:

- اقعد يا بنى مش هاتعرف تخرج مفيش مكان للخروج، اقعد كده  
وأركز لما نفهم الحوار على إيه.

هتف (إسلام):

- المشهد خلص ومن حقى أخرج؟

لم يلتفت إليه الكائن والفراغنة تحي فأشار لأحدهم أن يقترب منه  
أكثر فاقرب سريعًا، فوضع الكائن يده على رأسه فصرخ الفرعون من  
الألم والكائن يقول:

- اثبت يا واد أنت لما أعرف إيه اللي بيدور في دماغك.

دقيقة مرت وهو يضع يده على رأس الفرعون ثم نزعها وهو يقول:

- بقى هو الحوار كده .. طيب عمومًا محلولة .. متقلقوش  
المهم إن موضوع التجمد ده ملوش علاقة بالرواية، دي تعويذة بس  
مش عارف أوصلها.

التفت إليه الكائنان بداهشة شاركهما فيها (إسلام) وهو يقول:

- يعنى تجمد الشخصيات مش عشان المشهد خلص.

نظر إليه الكائن قائلاً:

- أنت فرعونى؟؟

أجابه:

- لأ.

صرخ فيه:

- يبقى تقعد ساكت، لما الفرعونين يتكلموا الناس العادين يسكتوا.

سأله أحد الفراعنة:

- بس هو عنده حق إزاي تجمدنا ملهوش علاقة بتوقف المشاهد.

أجابه الكائن:

- عشان أنتو بهاييم...لما هو ليه علاقة بالرواية، وتوقف المشاهد

هما مش بيتجمدو ليه؟ دي تعويذة مرمية عليكم يا بهاييم يا بهاييم.

نظر الفراعنة إلى بعضهم البعض والكائن يتابع:

- أقتلوا بقى الواد ده وبعدين تفاهم.

قال أحد الفراعنة:

- للأسف مينفعش لأن لما الكاتب بيرجع يكتب بنرجع لنفس النقطة

الي وقف عندها في الكتابة.

نظر إليهم الكائن قائلاً بغضب:

- هو أنا ساحر في سيرك؟ تابوت وتعاويد وتمثيل، آلهة الشر محاوطاني

عشان شغال ساحر في سيرك مثلاً؟ أقتلوه والكاتب هايلقى المشهد

بتاعه خلص على قتله... وهايظن ساعتها إنه كتب كده بس ناسي.

التفت الفراعنة إلى (إسلام) وقد ارتسمت علامات الشر على  
وجوههم، وانقضا عليه بسرعة بحراهما ليطعناه طعتين نافذتين؛  
ليسقط والدماء تسيل من جسده.

\*\*\*

- أقسم بالله أنا ما كتبت ده أنت هاتجننى يا (أشرف)؟

صاح (رامى) بتلك الكلمات بعصية، وهو يجلس بجوار (أشرف)  
فى مقهى معروف فى وسط البلد، يتجمع فيه معظم الكتاب الشباب  
يمتلكه (أشرف) نفسه.

التفت رواد المكان إلى مكان الصياح فقال (أشرف) محاولاً تهدئته:

- ما تهدي يا بنى مالك.. يخرييت الرواية اللي هاتجننك أكثر ما  
أنت مجنون.

تحدث (رامى) بنفس العصية وقد خفض صوته:

- يا (أشرف) بقولك أنا قفلت المشهد على حاجة صحيت الصبح  
لقيت حاجة تانية خالص.

ضحك (أشرف) وهو يقول:

- يا بنى عادي والله أوقات بنكتب حاجات وبنسى إننا كتبناها،  
وخصوصاً الوقت اللي قبل النوم ده.

استغفر (رامى) بصوت مسموع وهو يخرج جهازه اللوحى من  
حقييته؛ ليفتح ملف الرواية أمام (أشرف) قائلاً:

- أقرأ يا عمر المشهد.

أخذ (أشرف) في قراءة العمل حتى انتهى منه فقال وهو ينظر إليه:

- ماله المشهد؟.. مكتوب حلو جدّا ومرعب كمان.

ابتسم (رامي) ابتسامة متhekمة وهو يقول:

- الله ينور علييييييك مرعب... هاكتب مشهد مرعب في رواية ساخرة

لييييييه...

هو أنا مجنون؟... وبعدين أنا مطلع (إسلام عبدا الله) بطل من أبطال العمل... هاقتله في نص الرواية! هو أنا بتاع طرشى يا (أشرف).

نظر (أشرف) إلى (رامي) وقد بداي عليه القلق وهو يقول:

- بقولك إيه يا (رامي) الرواية دي موتراك، ما تأجلها وتخلص حاجة

تانية للمعرض وبلاش دي..

أجابه (رامي):

- مينفعش يا (أشرف) دي أول رواية ساخرة هاعملها، ومن أول ما

بدأت نشر والناس مستتية منى عمل ساخر قوى... وأنا من ساعة سعيد وبسمة معملتش حاجة ساخر.

الناس بتحب الساخر بتاعي والفكرة دي جديدة وقوية، ولو سيبتها

هافقد تسلسلها في دماغي.

فكر(أشرف) قليلا ثم قال:





وبجواره (وليد أحمد) يختضن رأسه وهو يصرخ:

- قتلوك يا (إسلام)!! قتلوك يا صاحبي.. ويقف بجواره  
د.(محمود) وهو ينظر نحو الفراغة بغل واضح قائلاً:

- أتم عملتوا كده إزاااا؟؟؟ أتم كده بتلعبوا بره القواعد...

ابتسم الفراغة ولم يتحدثوا، ونظروا إلى فرعون التابوت الذي قال:

- مفيش قواعد... القواعد انتهت بمجرد ما دخلت أنا الرواية...  
ومتزعلوش على صاحبكم أوي كده... وصمت للجظة ثم تابع:

- لأنكم هاتحصلوه حالاً.

صرخ الدكتور متساءلاً:

- أنت مين؟؟؟

أجاب فرعون التابوت:

- أنا السهر (توت نخ عنخ كش مير) ساحر الأسرة التاسعة  
والسابعة والخامسة لحد ما يجيبوا ساحر للأسرة الخامسة... كاتبكم  
دخلني وهو فاكر إني هاعمل مشهد وامشي، بس أنا نويت أغير الرواية  
زي ما أنا شايف... أنا المتحكم دلوقتي.

هم الدكتور بالرد لولا أن قام (وليد) فجأة وهو يصرخ بغضب:

- مش هاسيبكم... دم (إسلام) مش هايضيع هدر.

قالها وهو ينقض على أحد الفراعنة ليخطف رمحہ ويوجهه إلى  
فرعون التابوت.

فيرفع الفرعون يده فيتجمد (وليد) بالرمح في الهواء والفرعون يقول  
بابتسامة:

- أنت عبيط يا ابني ولا إيه؟؟؟ عمال أقولك ساحر وناقص اطلع  
بيض من وداني، وأنت عايز تقتلني كده عادي؟؟؟

قال الدكتور في هدوء غريب:

- متفكرش أنك هاتجح في اللي بتقوله ده...

نظر إليه الكائن ساخرًا وهو يقول:

- واضح إنك مش فاهم حاجة ومتعرفش قوتي.

أجابه الدكتور:

- لا واضح إنك أنت اللي مش فاهم إنك مجرد دور ثانوي في الرواية،  
وإن بضغطة زر من إيد الكاتب وجودك ينتهي وبأكثر طريقة مهينة في  
حياتك؟

همَّ الفرعون بالصراخ، ولكن الدكتور أكمل وهو يشير لشيء ما  
على الأرض:

- أفهم ومتبقاش كائن غبي... بص على الأرض وأنت تفهم إنك  
مجرد نقطة ضعيفة في بحر أهوج.

التفت الجميع إلى المكان الذي يشير إليه؛ فوجدوا الدماء التي كانت تغرق الأرض منذ ثوان

تسحب ببطء عائدة إلى جسد (إسلام عبدا الله) وما أن عادت كلها حتى بدأت الجروح في الألتئام وحدها، في مشهد لو شاهده أحدهم في إحدى أفلام هوليوود؛ لأقسم أنه غير حقيقي... وفي نفس اللحظة فتح (إسلام) عينيه قائلاً:

- إيه الحلم الغريب ده.

نظر فرعون التابوت إلى ما يحدث بذهول، وفي نفس اللحظة سقط (وليد) أرضاً بعد أن كان الفرعون قد جمده من دقائق، وما أن سقط حتى هرول إلى (إسلام) يحتضنه بقوة، وهو يبكي والدكتور محمود يتحدث قائلاً:

- أكيد أنت اعتمدت على إن الكاتب هايفتكر إن هو اللي كتب المشهد... صح؟؟؟

بس اللي انتو متعرفوش؛ وده عشان أنت غبي ومش عارف يعني إيه كتابة... كان لازم تفنذ ده بنفس أسلوب الكاتب عشان يصدق إنه هو اللي كتبه.

صرخ فرعون التابوت بغضب:

- ملحوقة... دلوقتي نعملها زي ما أنت بتقول.

في تلك اللحظة دوى صوت أزرار واضح في المكان...

فابتسم الدكتور محمود قائلاً:

- للأسف مش هاتلحق خلاص المشهد ده نهايتك.

\*\*\*

تعلق نظر د.(محمود) بيد إبليس منتظرًا هبوطها ليقع في دائرة النار أسفل.

وإبليس ينظر إليه مستمتعًا بنظرات الفرع في عينه.

وبيطء شديد أخذ يهبط بيده، ومع هبوطها كان يتحرك جسد (محمود) لأسفل، نحو دائرة النار.

وبالفعل بدأ يشعر بحرارتها أسفل قدميه... أراد الصراخ، ولكنه تمالك نفسه.

حتى لايشعر ذلك الشيطان بانتصاره عليه، وحين وصل به اليأس مبلغه تذكر شيئاً برز له فجأة من أعماق ذاكرته..

تذكر ذلك الشيخ الذي قابله في إحدى جولات بحثه في أمور ما وراء الطبيعة.

تذكر كلماته التي أصر أن يحفظها عن ظهر قلب.

تردد صوته في أذنه:

- يوماً ما ستنقذك تلك الكلمات يا محمود.

ابتسم وهو يتذكر تلك الكلمات ويبدأ في ترديدها بثقة كبيرة، وقد  
أغمض عينيه قائلاً بصوت هادئ:

- كن كالماء..... كن كالماء..... كن كالماء.....

ومع ارتفاع صوته أخذ جسده في الارتفاع بعيداً عن الدائرة النارية،  
وإبليس يصرخ:

- ماذا تفعل يا هذا.

و(محمود) يفتح عينيه قائلاً:

- يا إبليس النار متحرّقش مؤمن.

قال إبليس في استنكار:

- ماذا تقول؟؟؟ هل كل جسدك مؤمن عدا قدميك التي احترقت  
تلك؟؟

نظر إلى قدميه التي بداي عليها احتراق بسيط من جراء اقترابها من  
النار.

وقال لإبليس بهدوء:

- معلش هو كذا المؤمن مصاب.

صرخ إبليس بغضب بكلمات غير مفهومة، وفي نفس اللحظة دوى  
صوت في الغرفة يقول:

- نداء إلى السيد إبليس... مطلوب للتواجد فورًا في قسم الجن  
لأمر هام... نرجو عدم التأخر.

قال إبليس:

- ييداو أن الحظ حليفك يا (محمود)... سأذهب الآن ولكن لنا لقاء  
آخر قريب.

قالها وتبخر من المكان في لحظة واختفت معه دائرة النار...

هبط الدكتور بهدوء واتجه إلى الباب للخروج فوجده قد أُغلق  
فبحث عن باب آخر حتى وجده في نهاية الحجرة.

دفعه بحرص ليجد في الغرفة ثلاث فراغة، أحدهم قصير جدًا  
ويغطي جسده تلك الأقمشة التي تستخدم في التحنيط.

ملتفين حول جسد ملقى أرضاً يحاول الابتعاد عنهم، دقق النظر  
قليلاً؛ ليجد ذلك الملقى أرضاً صديقه الكاتب.

(إسلام عبدا الله)

\*\*\*

## أسرار الكتب pdf<dinaahmed



أسرار الكتب pdf<dinaahmed



# أسرار الكتب pdf<dinaahmed / تعلن إدارة جروب أسرار الكتب

توقف النشر في الجروب تضامنا مع أهالي الكتاب المختلفين  
الأستاذ إسلام عبدا الله.  
الأستاذ وليد أحمد.  
والدكتور محمود صلاح.  
وذلك حتى يعودوا بإذن الله أو إلى حين الوصول إلى أي  
معلومات عنهم.  
جروب أسرار الكتب بيت الكتاب الأول.  
# أدمن



360

Like



580

Comment



Share



مریم سامی . قرار محترم یادینا

منذ ۴ دقائق أعجبنى رد



هنود . إن شاء الله يرجعوا بالسلامة

منذ ۴ دقائق أعجبنى رد



یاسمین . ربنا یردهم لأهلهم یارررب

منذ ۷ دقائق أعجبنى رد



أمل أحمد. قرار محترم دول اخواتنا ولازم یكون لینا دور برافو دینا

منذ ۹ دقائق أعجبنى رد



أحمد نجم . لازم کمان تتابع الموضوع مع أهالیهم  
مینفکش یحسوا إنهم لوحدهم .

منذ ۹ دقائق أعجبنى رد



سیدرا . الله یسلمهم بداعیلمهم کثیرر.

منذ ۱۰ دقائق أعجبنى رد



أحمد الرفاعي . أنا متابع الموضوع على صفحاتهم ؛ عشان لو حد من قریبهم  
نشر حاجة نعرف أول بأول .

منذ ۱۵ دقيقة أعجبنى رد



مشاکس معاکس . دي متاجرة بالموضوع بطلوا بقى طلب الشهرة فی أي موضوع  
یظهر على الساحة یعنی إنکاف النشر هو ال هایرجعهم حاجة تقرف والله .

منذ ۱۷ دقيقة أعجبنى رد



وفاء حامد . @مشاكس معاكس.. ياريت تحترم نفسك دول اخواتنا،  
واحنا زعلانين عليهم مش عجبك تقدر تسبب الجروب فورا.

منذ ١٧ دقيقة أعجبنى رد



حسام عيسى . إن شاء الله هاي رجعوا بخير ربنا يستر.

منذ ٢٠ دقيقة أعجبنى رد



محمد خلف . أقسم بالله لما نعرف من ال عمل كده لنشقه نصين الصبر بس.

منذ ٢٢ دقيقة أعجبنى رد



ناديه شمس . يارب يرجعوا بالسلامة... شكرًا على القرار المحترم ده.

منذ ٢٥ دقيقة أعجبنى رد



محمد أحمد باهي . أسأل الله الكريم رب العرش العظيم  
أن يردهم لأهلهم سالمين.

منذ ٢٥ دقيقة أعجبنى رد



أحمد يحيى . الموضوع في حاجة غريبة يا اخوانا والله مش طبيعي اختفاء غريب  
للثلاثة في نفس الوقت، والثلاثة كانوا مشتركين في قصة الفيل الأحمر  
من فترة قريبة... باختصار ربنا يستر.

منذ ٣٠ دقيقة أعجبنى رد



نور ياسر . إن شاء الله يرجعوا بالسلامة.

منذ ٣٢ دقيقة أعجبنى رد



أميرة سعيد . يارب يرجعوا بسرعة احنا قلقانين أوي عليهم.

منذ ٣٥ دقيقة أعجبنى رد

( ) عرض المزيد من التعليقات.

صعق د.(محمود) مما رأى.. فكر سريعًا ماذا يفعل، وفي لحظات  
كان قد أخذ قراره، وهو يتمم قائلاً:

- استغفر الله العظيم.. أعرف إني قد أقسمت على عدم فعل ما  
سأفعل الآن، ولكنها حياة صديق

قالها، وهو يضع يده في جيبه مخرجًا قلمًا ضخماً وجلس أرضاً  
يرسم دائرة بداخلها مثلثين متداخلين بسرعة كبيرة، وعينه تتقل بين  
ما يفعل وبين صديقه والفرعنة، وتابع ما يفعل وهو يحمد الله أن  
أحدهم لم يلتفت إليه حتى الآن....

وفي لحظات كانت الدائرة قد امتلأت رموزاً غريبة الشكل.

والدكتور يتمم بكلمات غير مفهومة حتى ظهر من وسط الدائرة  
دخان كثيف، وتشكل في هيئة كائن أسود ما إن شاهد الدكتور حتى  
قال بضيق:

- لا إله الا الله ياعم مش قولنا مفيش تعامل بينا تاني، بتنده ليه  
دلوقتي.

أشار إليه الدكتور بالصمت وهو يشير إلى الفرعنة محذراً إياه حتى  
لا يسمعونها.

فقال الكائن:

- يا عم يسمعو مين صلى ع النبي في قلبك، وركز كده محدش  
هايسمعي إلا أنت... هو فيه إيه؟؟

تكلم الدكتور بصوت منخفض:

- اسمعنى جيداً يا (بهطيميش) أدرك أننا قد اوقفنا التعامل بيننا منذ فترة طويلة، ولكن أريدك أن تتقذ صديقي وبعدها أذهب إلى حال سييلك.. ولا تنسى أن قسمك بالطاعة لازال سارياً.

قال (بهطيميش) بضيق:

- أم القسم اللي هاتذلنا بيه ده... وبعدين إيه العالم البطيئة دي؟؟ يعني أنت قعدت ترسم وتستدعي وبقبلنا ساعة بنتكلم، وهما لسه ماقتلوش صحك؟؟؟ ده استهبال.. أنا كان زماي قتلته وروحت واتغديت ونمت ساعتين كمان.

صرخ الدكتور صرخة مكتومة، وهو يقول:

- هل تمنى موت صديقي يا بهطيميش.

أجابه بسرعة:

- لا يا عم ولا بتمنى ولا غيره أنا مالي أنا ضيف جاي شوية وماشي.. بس قولي أتم سرتوا إيه من الفراغة دول عشان يعملوا فيكم كده؟؟

أجابه الدكتور:

- أنقذه ثم تحدث يا بهطيميش أرجوك.

التفت بهطيميش إلى الفراغة، وهو يقول:



انتفض الساحر توت ورفع يده نحو بهطيميش وهو يقول:

- الواحة الواحة... مشكاح مشكاح مشكاح.

شعر بهطيميش بلطمة هائلة ارتد معها إلى الخلف حتى ارتطم

بالجدار فقام مسرعاً وهو يقول:

- أيه الغباوة دي؟؟ احنا فينا من كده... أنا مش عايز اتغابي عليك

عشان شكلك عيل بطولك اللي مش باين من الأرض ده.

كرر الساحر توت ما فعل؛ ليرتد بهطيميش مرة أخرى ويرتطم

بنفس الجدار.

فبدأ على بهطيميش الغضب الشديد، وهو يكور يده في شكل قبضة

فتكونت من حولها شرارات كهربائية؛ فتحولت في الحال إلى ما يشبه كرة

النار؛ فألقاها بقوة نحو الساحر، وهو يصرخ بغضب:

-ياض يابن الـ...

انطلقت الصاعقة نحو الساحر توت الذي حاول أن يهرب منها

فاختفى من مكانه؛ ليظهر في مكان آخر، وما أن ظهر حتى وجد الصاعقة

أمامه، وبهطيميش يقول ضاحكاً:

- ههههه والله لو روحت الهند وراك.

في نفس اللحظة ارتطمت الصاعقة، بصدر الساحر توت ليقع أرضاً

بلا حراك.

وحينها حاول الفراعة الهروب من الغرفة حين صرخ الدكتور:

- بهطيميش لا تسمح لهم بالفرار.

سمع بهطيميش النداء ففرد كلتا يديه؛ لتكون صاعقتان، وينطلقا  
خلف الفراغة لتصيبهم ويسقطون أرضًا.

اتجه بهطيميش إلى الفراغة الثلاثة وهو يقول:

- وكده أبقى خلصت.

قالها وهو يشير إلى أجسادهم فترتفع عن الأرض، ويظهر من الفراغ  
جوال كبير الحجم؛

فيشير بهطيميش إلى أجساد الفراغة، فتتجه إلى الجوال وتسقط فيه،  
فأغلق عليهم بقوة، واختفى

فقال بهطيميش ضاحكًا:

- وأهو ده التنفيذ الحرفي لجملة هاجبهمك في شوال يا ريس.

نظر إليه الدكتور ممتنًا و(إسلام) ينتفض من مكانه غير مصدق إنه  
قد نجا من ذلك الكائن المرعب، ويقترب من بهطيميش قائلاً:

- أشكرك بشدة يا صديقي.

التفت إليه بهطيميش قائلاً باستخفاف:

- ما خلاص ياعم أنت هاتصحبني ولا إيه؟؟

احمر وجه (إسلام) وبهطيميش يتوجه لـ(محمود صلاح) قائلاً:

- أنطلق أنا بقى يا دكتور عشان عندي مصالح... فرصة سعيدة أوي  
ويا ريت متكررهاش أنا، مش فاضى للبنى آدمين وحركاتهم.  
قالها واختفى فوراً.

\*\*\*

ما أن توقف صوت ضربات الأزرار التى أصبحت علامة للكاتب، على  
أن الكاتب قد توقف

انطلق (وليد) إلى الغرفة ليجدها فارغة إلا من (إسلام) والدكتور  
(محمود) الذي وقف ينظر إلى القلم الكبير، الذي كان يرسم به منذ  
دقائق باستغراب فتساءل (وليد) بلهف:

- ايه اللي حصل يا اخوانا؟؟

قال (إسلام) بصوت منهار مما مر به منذ قليل:

- أوعى تحاول تقنعني إن دي رواية ساخرة... مستحيل ده رعب يفوق  
أي رعب.

أجابه الدكتور دون أن يرفع عينيه عن القلم:

- عشان مش قادرين تفرقوا بين أحداث الرواية، وبين اللي بيحصل  
لما الكاتب بيتوقف يا (إسلام).

تساءل (وليد):

- يعنى إيه الكلام ده؟؟

## أجاب الدكتور:

- اسمعوني كويس.. عشان ربنا يكتبلنا الخروج من هنا لازم نركز في كل تفصيلة بتحصل.. وعشان ده يحصل لازم تقدرنا تفرقوا بين مشاهد الرواية وبين اللي بيحصل بين المشاهد... مشاهد الرواية هاتميزوها بأنها كوميدية وغير منطقية بالمرّة، إنما اللي بيحصل بين المشاهد فده ملوش علاقة بساخر دي محاولة انتقام مننا. حاجة غريبة بتحصل إننا هنا، وأبطالنا يحاولوا ينتقموا مننا، يبقى ننسى قواعد الساخر هنا وتعامل معاه على إنه حقيقة... ظهور الفرعون الثالث في الأحداث كان هايغيرها تمامًا لولا إن الكاتب لاحظ إن الأحداث مش منطقية في لمحة خلتنى أعتقد إنه ذي وكاتب شاطر بس للأسف طلع غير كده.

سأله (إسلام):

- ليه بتقول كده؟

رفع الدكتور القلم الذي استخدمه في الرسم وهو يقول:

\_عشان ده...

نظر إليه الكاتبين بتعجب فأكمل:

- وجوده مش منطقي.. جه منين... ساقطة كبيرة في الحكمة.

ضحك (وليد) قائلاً:

- يعنى هو وجود مصاص دماء فجأة من غير دور، ولا كائن فضائى  
مبرر يا دكتور.

أجابه الدكتور:

- الوضع مختلف هنا يا(وليد)... فى مشهد مصاص الدماء والفضائى،  
اعتمد على إن الضحك ها يغلب تركيز القارئ فى دخولهم غير المبرر..  
إنما القلم طلع فى مشهد مفهوش كوميديا... يبقى كان لازم يمهد  
لظهوره بأى شكل.. يعنى يقول فى مشهد سابق إنى لقيته واحتفظت بيه  
مثلا.

قال (إسلام):

- تقصد زرع يعنى؟

أجابه:

- بالضبط...عمومًا مش موضوعنا... دلوقتى تقريبا احنا فى الثلث  
الأخير من الرواية.

سأله (وليد):

- وعرفت منين؟؟

أجابه الدكتور:

- لأنه بدأ يجمعنا فى مشاهد واحدة، وده معناه إنه خلاص بيدأ  
يلم خيوط الرواية فى إيده بتجميع الأبطال عشان بيدأ يفك العقدة.

قاطعـه (وليد) قائـلا باستغراب:

- فيه حاجة غريبة اوي ازاي مفكرتش فيها.

التفتا إليه فتابع:

- أنت جبت كل المعلومات دي منين يا دكتور؟؟؟ يعني من أول مشهد،  
وأنت بتقولنا اللي بيحصل والخطوات وكل حاجة... عرفت منين كل ده؟؟  
انتبه (إسلام) إلى تلك الملحوظة فأخذ طرف الحديث من (وليد)  
قائلاً:

- فعلا يا (محمود) أنا كنت هاسألك في الموضوع ده بس نسيت.

صمت الدكتور للحظات ثم قال:

- هو أنا بتاع طرشى يا جماعة... أنا دكتور في الماورائيات يعني ده  
مجالى أصلا.

قاطعـه (وليد):

- أيوه يا دكتور بس لازم عشان تحلل الموقف يكون عندك معطيات...  
إنما أنت من أول مرة اتقابلنا، وكان أول مشهد أدخل في الرواية،  
وأنت عارف احنا فين وياه اللي بيحصل بالضبط... مش غريبة؟؟!

قال الدكتور متعجباً:

- أول مشهد؟؟؟ هو ده كان أول مشهد ليكم فعلا؟؟؟ عشان كده بتسألوا  
ومستغربين... أنا قبل ما أوصل ليكم كنت مريت بأربع مشاهد فهمت  
منهم كل حاجة.

همر (إسلام) بالحدفث لولا أن قاطعه الدكتور قائلاً:

- وبعدين أنا شايف في كلامكم شك.. أنا معاكم من البداية، وأى حاجة بتصبيكم بتصبني مالكم فيه إيه؟؟؟

قال (إسلام):

- أصل يا (محمود) إنك تبدأ بأربع مشاهد قبلنا ده فيه إخلال بقواعد الرواية؛ لأننا بطولة مشتركة في العمل زي ما أنا لاحظت من تدرج المشاهد... ورغم ساقطة القلم اللي أنت كلمتنا عليها إلا أن واضح إن الكاتب مش جديد وإلا انت شايف إيه؟؟

أجاب الدكتور بهدوء وهو يجلس أرضاً:

- عارفين أقوى أسلحة إبليس إيه يا أساتذه؟؟ التلاعب بالعقول.. لما يحس إنك قريب من كشف الحقيقة يبدأ يتلاعب بعقلك عشان تروح بتفكيرك في مكان تانى.... وقبل ما حد منكم يتكلم ويقول إيه دخل ده بداه، أحب أقولكم إن اللعبة دي كلها من تخطيط إبليس... وأنا عندي يقين تام إن الكاتب ملوش دعوة باللي بيحصل، وفيه جزء غامض أنا مش قادر أوصله لسه.

ابتسم (وليد) ابتسامة خبيثة وهو يقول:

- طيب يا دكتور ما تستغل علمك في الماورائيات وتعمل زي ماعملت في مشهد (إسلام)، أنا سمعت إنك حضرت جن ما تحضرنا واحد يقولنا إيه اللي بيحصل؟

انتفض الدكتور قائلاً:

- ايه؟؟ لا طبعاً... أنا مش ممكن أعمل كده... التعامل مع الجن حرام.

ابتسم وليد وهو يقول:

- دي ضرورة يا دكتور مفياش حاجة.. ولأ فيه حاجة مش المفروض نعرفها.

أخرج الدكتور قلمه وبدأ في رسم طقوس الاستدعاء وهو يقول:

- ماشي يا (وليد) بيه هاحضرك ويارب نفهم.

\*\*\*

- الرواية دي هاتخليك توصل للي بتعلم بيه... الناس هاتعرف إنك كاتب مش سهل،

قلمك مميز... بس لازم تمشي على الخطوات اللي قولتلك عليها بالضبط، أي خطوة غلط مش هاتحقق اللي نفسك فيه يا (رامي). استيقظ (رامي) من نومه في فزع، وتلك الكلمات تدوي في أذنه، أو هي في عقله....

ذلك الحلم الذي يعيد نفسه يومياً وبنفس الطريقة بلا تغيير.

ذلك المشهد الذي يحاول نسيانه من وقت حدوثه، وقت أن بدأ تلك الرواية.

وتزامن بدايتها مع اختفاء أصدقائه... ومن حينها وهو يتساءل هل للأمر علاقة.....

قام من فرأشه بحتاً عن هاتفه، وهو يتذكر ذلك اليوم وتلك الفكرة.

وذلك الزائر الغريب الذي قابله فى ذلك المقهى، وهو يبحث عن فكرة لروايته الجديدة، ذلك الزائر الذي تعمد تجاذب أطراف الحديث معه...

وحين علم أنه كاتب عرض عليه تلك الفكرة المجنونة.

واقترح عليه أسماء ليكونوا أبطالها.

ثم تذكر حين زاره هذا الغريب وطريقته الغريبة، وهو يطلب منه أغرب شيء ممكن أن يطلبه شخص ما....

قاطع أفكاره صوت هاتفه؛ فرفعه إلى أذنه دون أن يرى المتحدث وأجاب:

- ألو سلام عليكم .

- أيوه يا (إيناس).. عاملة إيه ..... أنا تمام الحمدلله.

صمت قليلا ليسمع ثم أجاب:

- شغال عليها أهو هانت إن شاء الله أسلمها قريب.

أخذت (إيناس) تتحدث وهو يستمع لها، ثم أجاب:

- أه ممكن نشتغل على الغلاف، هابتلك اللي انتكتب نعرضه على المصمم، ويصمم لنا تصور أو اثنين.

استمع لحديثها وتذكر شيئاً ما، فقاطعها قائلاً:

- مفيش أخبار عن الشباب اللي اختفت يا (إيناس).

بدا عليه خيبة الأمل عند سماع ردها فأجاب:

- أنا بفكر أغير الأسماء يا (إيناس) ... (محمد) كان عنده حق.

بدا صوت (إيناس) واضحاً وهي تعلن رفضها فقال (رامي):

- يا (إيناس) افهمي، أنا مستتقل القصة أوي ومش عارف الناس هاتقبل إزاي، ومش هاتفرق أسماء حقيقية من وهمية في أحداث الرواية.

استمع لها لدقيقة كاملة ثم تحدث قائلاً:

- خلاص يا (إيناس) على الله كله، أول ما أخلصها هابعتها على إيميل الدار، وأبلغك عشان نبدأ تصحيح... سلام.

قالها وأغلق الهاتف وهو يعود بذاكرته إلى ذلك الطلب الغريب الذي طلبه منه ذلك الغريب.

\*\*\*

أنهى الدكتور طقوس الاستدعاء، وانتظر الجميع ظهور الدخان المصاحب لظهور الجني، ولكن لم يحدث أي شيء.

انتظروا دقيقة أو أكثر بلا استجابة وحين هم (وليد) بالتعليق سمع الجميع صوتاً يأتي من ناحية النافذة:

- مساء الفل.

التفت الجميع إلى النافذة فوجدوا شاباً وسيماً يدخل من النافذة،  
ويقترب منهم فقال (وليد):

- أنت مين يا عم أنت؟؟؟

نظر إليه الشاب بلا مبالاة وهو يقول:

- يعنى رسومات وطقوس عشان تستدعوا جني ولما أجي تقوي أنت مين؟

نظر إليه الجميع و (وليد) يتابع:

- إيه يا بنى التهريج ده؟؟ فين القرون وفين الدليل؟؟؟ وفين الألوان

اللي في جسمك؟؟

ضحك الجني قائلاً:

- يخربيت الأفلام اللي بوظت مخكم ... لا والله مش الأفلام،

يخربيت الروايات اللي بتكتبوها اللي شغاله فينا ألوان وقرون وزفت...

أنا ياعم الجني أنفع ولا أمشي؟

قال (محمود):

- احنا استدعيناك عشان تفهمنا اللي بيحصل ولازم تفتكر إنك تحت

القسم .

نظر إليه الجني نظرة عجيبة وهو يقول:

- أنا عارف ده كويس أوي يا.... دكتور.

لفت أسلوب الجنى معه نظر (إسلام) ولكنه تصنع التجاهل وهو

يقول:

- قولنا يا باشا تعرف حاجة عن اللى يحصل معانا، واحنا جينا

هنا إزاي؟

ابتسم الجنى وهو يقول:

- محسوبك (طرطيمش ) من الجن الأصفر.

قاطععه (وليد) قائلاً:

- أصفر إيه يا عم هو فيه جن أحمر وأزرق.

نظر إليه الجنى بسخرية وهو يقول:

- البيه جنى وأنا معرفش؟؟؟؟ خلاص يانجم بسيطة، مش عجبك

الأصفر روح شوفلك لون تاني بره... بقيت الألوان خلصانة والله.

قاطعهم (إسلام) قائلاً:

- ياعم طرطيمش أصفر ولا فوشيا حتى متفرقش معانا احنا عايزين نفهم.

قال الجنى:

- بدائية كده وزى ما قالكم الدكتور أتمم جوا رواية ساخرة بيكتبها

كاتب صديق ليكم .

الحدوتة من البدائية إن فيه أبطال قصص كتير كانت محجوزة

فى بعد تانى، لحد ما أعمالهم تكتمل وطريقة خروجهم مربوطة بإن

حضراتكم تخلصوا القصص دي، أو حد ثاني يستعين بنفس الشخصيات دي في عمل تاني وينتهي وبكده يتحرروا.

شخص منهم اقترح إنهم يخلوا كاتب يجمع كل الشخصيات دي في عمل واحد، وينهيه وبكده كلهم يتحرروا ويخرجوا من البعد اللي هما محبوسين فيه.

وطبعاً بعد تفكير اكتشفوا إن مينفعش حد يجمع كل الشخصيات العجيبة دي في عمل واحد، إلا كاتب ساخر وده اللي تم فعلاً.

صرخ (وليد) مقاطعاً:

- طيب واحنا مالنا بالقصة دي؟؟

ابتسم الجني مجيئاً:

- ماهو من ضمن الفكرة يا سيد (وليد) إنهم ينتقموا من الكتاب اللي عملوا فيهم كده.

اللي هما حضراتكم... وطبعاً كانت الفكرة فيها جزء شيطاني شوية.

قالها وهو بيتسم وينظر للدكتور محمود الذي سأله:

- وضَّح يا (طرطيميش).

ابتسم الجني قائلاً:

- اللي نفذ الفكرة دي شيطان قوي، كان طالع في رواية الدكتور.. يقول إنه إبليس بس في الحقيقة هو مجرد شيطان قوي من اتباعه، أو تقدروا تقولوا إنه إبليس القصص والحكايات... لما راح يوسوس للكاتب

واتعرف عليه وأوحى له بالفكرة؛ طلب منه كمان قبل ما يبدأ كتابة  
ينفذ تعويذة سحرية... هو فهمه إنها هاتقوي عنده حس الفكاهة  
وهاتخليه يطلع عمل مميز محدش عمله قبل كده.. وطبعًا لأنه بشري  
وعبي نفذ التعويذة دي بداون ما يسأل حد عنها.. والتعويذة دي هي  
الي خلت حضراتكم تشرفوا هنا.

وكالعادة صدم (وليد) وسقط وليد أرضًا، وصمت الدكتور حين  
تساءل (إسلام):

- يعني الكاتب مشترك في القصة دي؟؟

أجاب الجني:

- لا طبعا الكاتب آخر علاقته بالموضوع ده المشاهد الي بيكتبها...  
بس هو ملتزم بكل الي قاله الشيطان ده... يعني لما ظهر مصاص  
الدماء والفضائي هو كان ممكن ينقذكم بأي طريقة ثانية، لكن لأنه ملتزم  
ياظهار كل الأبطال الي الشيطان قاله عليهم دخلهم في المشاهد دي.

تساءل (وليد):

- بس أنت عرفت الكلام ده منين يا طرطيميش.

أجابه الجني:

- أنا من الجن الراصد... مهمتنا رصد أي شيء خارج عن المؤلف  
يحصل مع بني البشر.. لما يحصل أي حاجة مش طبيعية بتظهر

عندنا علامات بنقدر نعرف المكان الي حصل فيه التغيير ده.. من أول لحظة بدأ فيها الأمر، واحنا مراقبين وعارفين كل الي بيحصل.

تساءل (إسلام) بيأس واضح:

- آخرة القصة دي إيه ياطرطيمش؟؟

أجابهم:

- زى أى رواية يا فنان أنت كاتب وعارف... دورك فى الرواية بيتتهى فى حالتين زيك زى أى بطل تانى... الحالة الأولى: إنك تموت وبكده يكون دورك انتهى فى العمل، زى ما حصل مع الفراعنة من شوية فى المشهد بتاعك... أو إن الرواية يتكتب تحتها (انتهت).

صمت الجميع وطرطيمش يكمل:

- فيه حاجة أخيرة هاقولها قبل ما أمشي... أنا معاشر الدكتور (محمود) من أكثر من عشر سنين.. ومن معاشرتي ليه فهمت.. إن مهما كان نوع الرواية الي بتكتبها.. فلازم تكون النهاية مش متوقعة... لو حد توقع روايتك يبقى أنت فشلت، وكان دايماً يقول خلي الناس كلها تروح يمين وأنت روح شمال وأنت مرتاح.

صرخ (وليد) فى غضب:

- أنت جاي تدينا درس فى الروايات هو احنا ناقصينك.

ابتسم الجني وهو يجيب:

- يا عمنا في الروايات ممكن جملة واحدة اتقالت بشكل عارض في النص تنقذ حياتك.

قالها واختفى فوراً وتركهم ينظرون لبعضهم البعض.

\*\*\*

- يا إبليس بقولك خادهم في شواااااااااااا أنت مبتفهمش... شوال يا إبليس.

هتف القاتل المقنع بتلك الكلمات في وجه إبليس، الذي وقف أمامه بلا أى استجابة لقوله والقاتل يتابع:

- اثنين فراعنة ملو هدومهم وتلاقى كل واحد منهم باي هرمين ثلاثة، ومش بعيد يكون حد فيهم اشترك في أبو الهول كمان يتغفلوا ويتخدوا في شوال من حته جني ما يسواش جنيه في سوق العفاريت... لأ وإيه! قال احنا معانا شيطان بقي ومسيطر وبخ وعو وبتاع... بلا خيبة... اتوكس يا إبليس وما اسمعش صوتك بقي.

نظر إليه إبليس وقال بصوت بداي الغضب الشديد في حروفه:

- أنت هاتستغبي يا بتاع أنت ولا إيه...؟؟ لا صون لسانك أنت حيا الله تحت قاتل، السبعة منك بجنيه وربح في أمريكا ولا ليك لازمة... لما تتكلم مع شيطان زي تعرف بتتكلم إزاي.

دفعه المقنع في صدره وهو يصيح:

- شيطان إيه وهباب إيه أنت مصدق نفسك؟ حنت جني مينفعش  
يشتغل حتى بواب على مصباح علاء الدين، خد الرجالة وأنت واقف  
تتفرج .. أقسم بالله أنت باين عليك عفريت أهبل وعامل نفسك  
شيطان...

انتفض إبليس من دفعة المقنع، وأحس بثورته الشديدة فقال  
بهدوء محاولاً تقليل حدته:

- اسمع بس يا جدع بلاش العصبية دي ... خلينا نتكلم بهدوء كده  
عشان نفهم بعض.

صرخ المقنع:

- بعد كل اللي عملته وبتقولى هددووو؟! هدوء إيه واحنا بنخلص  
واحد ورا الثاني؟؟

خفض إبليس صوته قائلاً:

- ماهوه أنت برضو غلظت فيا يا مقنع وزقتني في صدري وأنا ساكت.

وبعدين تقولى أنا عفريت أهبل؟ لأ ياعم أنا شيطان ومن عائلة  
كبيرة؟ أنا خريج جامعة (سجيل)، وأول دفعتي كمان وعامل دبلومة  
تفريق أزواج ودكتوراه في السحر والشعوذة، ومعايا زمالة جامعة (سقر)  
في لندن.... وبعد ده كله تقولي عفريت أهبل.. أنت جرحتني يا مقنع يا  
اخويا.. واحنا من أول الخطة إيد واحدة.. متخليش بني آدم يدخل بينا.

هدأت ثورة المقنع قليلا، وإبليس يكمل:

- وبعدين اللي حصل احنا ملناش يد فيه عارف ليه؟

نظر إليه المقنع فتابع:

- لأنه حصل جوا الرواية يا مقنع يا أخويا، واللي بيكتبه الجدع  
المجنون اللي جنباه يكتب القصة ده احنا ملناش سيطرة عليه... ده  
أنت ماشوفتش اللي حصل كمان... دول قتلوا (إسلام) أصلا بس  
الكاتب رجعه تاني... أه وغلاوتك عندي زي مابقولك كده.

نظر إليه المقنع بشك وهو يقول:

- إبليس احلف إنك ملكش دخل في اللي بيحصل، ولا بتخطط لحاجة  
من ورانا.

ابتسم إبليس قائلاً:

- طب والعيش والملح وعشرتنا وغلاوتك عندي... مد إيدك... وشبكة  
العشرة الكرام دول يا عم ما فيه حاجة من اللي أنت بتقولها دي ...  
يا جدع عيب.

قال المقنع:

- لا يا إبليس احلف بالله.

نظر إليه إبليس متعجبًا وهو يقول:

- يا جدع أنت اتجننت؟! أنا شيطان يا عم أنت.. متصغرنوش  
قدام العالم... هو فيه شيطان يحلف برنا؟؟

أجابه المقنع:

- ايوه يا إبليس في وأنت عارف وأنا عارف مش هاسيبك غير لما تقسم بالله.

ضحك إبليس قائلاً:

- وأنت فاكِر يعنى إنها مشكلة... لو بكذب طب ما أحلف كذب عادي، أنا شيطان وكده كده داخل النار... إيه اللي هايحصل يعني؟ وبعدين أنت فاكِرني مش عايز أحلف؟ لا يا حبيبي أنا ممكن احلف عادي جداً بس احنا لازم نثق في بعض احنا داخلين القصة دي مع بعض، وكل اللي عايزينه إننا ننفد بجلدنا.. إيه اللي ممكن أكون بخطط ليه يعني؟ ولا حاجة؟... وبعدين خد بالك اللي حصل ده أكيد حسد... أيوه خناقنا ده أكيد البشر الكتاب اللي معانا حسدونا؛ عشان احنا متفقين مع بعض ومفيش بينا مشاكل..

بص يا عم أنا هاروح دلوقتي أشوف البشر فين... وأنت خد بالك لأن لسه مشهد مع الكاتب التاني اللي أنت المفروض بتنتقم منه.. بس أنا مش عارف المجنون هايبدأ يكتب إمتى... حرّص على نفسك أوي يا صاحبي احنا في آخر ربع في الرواية، وشكل الكاتب بيصفي الأبطال ومش عارفين مين مكمل ومين لا... البشر ملهمش أمان يا صاحبي.

قالها وتركه وانصرف، والقاتل المقنع يفكر في كلماته حين تذكر شيئاً ما فقال بحنق:

- أه يابن الأبالسه... ده توهني وما أقسمش بالله.

قالها وهو ينظر للإتجاه الذي ذهب فيه إبليس قائلاً بصوت

منخفض :

- عموماً مش هتغيب عن عيني يا... إبليس.

\*\*\*

- وإيه بقي نص التعويذة اللي عايز تسأل عليها يا عم (رامي).

سمع (رامي) تلك الكلمات بصوت الكاتب صديقه المقرب (أحمد الزيني)

فنظر إليه قائلاً:

- بص يا زيني القصة ملخبطة وفيها تفاصيل كتير... أنا عارف بعيداً

عن قصة الكتابة إنك باحث كويس.. فدون الدخول في تفاصيل، أنا

بس عايز أعرف عندك معلومة عن التعويذة اللي هاقولك عليها ولا لأ.

انتبه الزيني لكلمات رامي وهو يقول:

- قول فيه إيه قلقتني.

صمت (رامي) لدقيقة كاملة ثم قال:

- الموضوع إن فيه حد جالي أول مرة اشوفه وقالي على فكرة رواية،

وبعدين قالي إن عشان تطلع قوية فيه تعويذة معينة لازم انفذها،

وأنت عارف أنا راجل بتاع فاتازيا وساخر قصة التعاويذ والطلاسم

دي مش سكتي.

قأطعه الزيني:

- قولى التعويذة يا (رامي) من غير مقدمات.

قالها وهو يتناول دفتر صغير كان بجواره وقلم وأعطاهم لـ(رامي)  
قأئلا:

- ارسملى كل اللي فأكره من التعويذه هنا... كل حاجة يا (رامي) أقل  
رمز هايفرق.

أأخذ (رامي) يعصر ذأكرته مآاولا تذكر تلك الرسمة العجيبية التي  
رسمها على أرض غرفته... وتلك الرموز التي ملأ بها تلك الرسمة التي  
كانت غريبة للغاية... طالما كان يسمع عن تلك الدائرة التي تحوي  
مثلثين متقاطعين وجبن.... أخبره الرجل عن رسم نقش وتعاويذ  
ظن أنه سيرسمهم ، ولكنه تفأجأ بأن الأمر مختلف فهي عبارة عن  
مثلث واحد كبير يتقاطع بداأخله ثلاث خطوط لتقسمة لمجموعة من  
المثلثات الصغيرة.

وبداأخل كل مثلث صغير مجموعة من الرمz شديدة الصغر.

اندمج فى رسم تلك التعاويذ وما هي إلا دقيقة، وكان الزيني  
يأختطف الدفر الصغير من يده وينظر للرسمة برعب وينظر لـ(رامي)  
بنفس النظرة:

قال رامي بتوتر:

- إيه يا زيني فيه إيه؟؟؟؟

لم يجبه الزيني وهو ينتفض من على مقعده، ليتجه إلى مكتبته الكبيرة التي تحتل حائط كامل من غرفته، ويبحث وظل يبحث فيها عن شيء ما لمدة طويلة، و(رامي) يراقبه في توتر حتى قام بسحب مجلد كبير واتجه به نحو (رامي) وهو يقول:

- اسمعني يا (رامي) ... لو الي أنت رسمته ده صح... وهو الي أنا فكرته هانبقى في مشكلة كبيرة.

بدا القلق على (رامي) وهو يقول:

- يا زيني أنا جايلك عشان أفهم مش عشان توترني أكثر ما أنا متوتر.

فتح الزيني المجلد وأخذ يقلب في صفحاته حتى استقر على صفحة ووضع الكتاب أمام (رامي) مشيراً بيده لنقش يشبه تمامًا ذلك النقش، الذي رسمه في الدفتر الصغير.

فصاح (رامي):

- هي دي يا زيني ... هي دي الرسمة بالضبط.

أجابه الزيني:

- عارف ده معناه إيه يا (رامي)؟؟

قال (رامي):

- معناه إني برسم حلو أوي .... شوف هي نفس الرسمة بالضبط...

الله ينور عليا والله

صرخ الزيني:

- (رامي) وحياءا اة أمك يا شيخ ما وقت ألس خالص.

صمت رامي والزيني يكمل:

- استغفر الله العظيم مش عارف تبقى جد أبدا يا بنى حرام عليك.

قال (رامي):

- ما خلاص يا زيني القافية حكمت ياعم، قول بس إيه البتاعة دي.

أجابه الزيني بعد أن أخذ نفساً عميقاً:

- دي تعويذة قديمة أوي يا (رامي) وأصلها يعود إل..

قاطععه (رامي):

- ثواني بس هو فيه تعاويذ جديدة؟؟؟ يعني فيه حاجة جديدة

نزلت؟؟

أغلق الزيني الكتاب بعنف وهو يصرخ:

- قوم يا (رامي) رّوح... قوم أنا غلطان أصلاً، إني بتكلم معاك جد

أصلاً... قوم يا عم أنا ورايا طيارة الصبح اتكل على الله.

أمسكه رامي من يده وهو يقول:

- يا زيني طب ماتقول كلام منطقي يا أخی... خلاص بالله عليك

كمل.

تابع الزيني:

- التعويذة دي تنتمي للتاريخ اليهودي القديم.

قاطعہ (رامى):

- يا لهوووى يعنى أنا دلوقتى جاسوس يا زيني؟؟

لعن الزيني تلك الساعة التي تلقى فيها ذلك الاتصال الملعون من  
(رامى)، ولعن تلك اللحظة التي أخبره أنه ينتظره في بيته، ولعن نفسه  
ولعن (رامى) وهو يقول:

- يا (رامى) بالله عليك اسكت هما كلمتين هاقولهم وبعدين قول  
اللي أنت عايزه.

صمت رامى والزيني ينتظر منه أى تعليق فلم يجد فتابع:

- التعويذة دي المفروض على حد علمي وزى ما مكتوب في الكتاب  
ده إنها تعويذة استحضار...أو بمعنى تانى نقل بين الأبعاد يعنى بتقدر  
تقل كائن من بعد لأخر، بس مش نقل عادى.. دي بتديله كل إمكانيات  
البعد التاني ده يعنى يقدر يعيش فيه للأبد.

انتبه (رامى) لكلمات الزيني وتساءل:

- ويا ترى يازيني التعويذة دي بتتفك.

قلب الزيني في صفحات الكتاب قليلا وأجاب:

- شوف يا (رامى) هو الكتاب مفيهوش حاجة بتقول كده.

وضع (رامى) يده فوق رأسه، وبدا عليه الاكتئاب وأحمد يسأل:

- يا بنى ما تفهمنى الحدوته إبه طيب؟؟

ولمدة ربع ساعة كاملة أخذ رامى يقص على أحمد القصة من البداية، وحين انتهى قال أحمد

- يا نهار مش فايت... أنا كنت متأكد إن جنانك هايعملك مصيبة.

قال (رامى):

- مش وقته يا زيني لو اللى بنفكر فيه صح يبقى الشباب كده جوا الرواية ولازم حل.

فكر الزيني قليلاً ثم قال:

- مفيش غيره هو اللى ممكن يلاقى حل.

نظر إليه (رامى) بتساءل فأجابه:

- الدكتور (على مغنم) يا (رامى) هو الوحيد اللى يقدر يحلها.

قال (رامى):

- يا زيني هجيبه منين دا فى السعودية، يكون الشباب ماتوا شوفلنا حل فى مصر.

قال له أحمد بسرعة:

- هانكلمه يا (رامى).. سهلة.

قالها وتحرك ليجلب جهازه اللوحى لبيدأ اتصال ببرنامج (اسكايب) بالدكتور (على).

وماهي إلا ثوانٍ وكان الدكتور يظهر أمامهم، وباختصار أخبره أحمد الزيني بالقصة.

فصمت الدكتور لدقائق بلا كلمة واحدة حتى قال (رامي):

- قوم يا زيني شوف كبل النت يا بني شكله فصل، الدكتور بقاله حبة حلوين مش بيتكلم،

وما أن أنهى جملته حتى قال د. (علي):

- مبدئيًا كده يا شباب (رامي) يسكت خالص.

تمتم (رامي) بصوت غير مسموع:

- (اسكت إيه احنا اللي جايبينك، وجاى تسكتنا والله اقطع عليك النت).

أكمل الدكتور قائلاً:

- دلوقتي التعويذة دي ملهاش تعويذة مضادة.. اللي أنا مستغربله

أنت وصلت ليها إزاي يا (رامي).

أجابه (رامي):

- عادي ما أحمد جابها من كتاب يبقى أي حد بشوية بحث يقدر

يجبها.

ضحك الدكتور وهو يقول:

- لا يا حبيبي... اللي أحمد ورهالك دي تمثيل ليها الرموز اللي

جوا مش حقيقية؛ لأنها رسمت على وصف حد شافها، عشان كده

مش مفعلة، وعشان كده أي حد حاول يجربها فشل.. باختصار أنت  
تواصلت مع جن قوي.. أو شيطان.

أجاب (رامي) بفخر لا يتناسب مع الموقف:

- أنا أصلاً جامد يا دكتور وبتعامل مع الحاجات دي عادي.

ضحك الزيني والدكتور يقول:

- شوف هو أنا دكتور بس هاقولك أتوكس يا (رامي)....

قال الزيني:

- الحل إيه يا دكتور؟

أجابه الدكتور:

- الحل بسيط.. دلوقتي هما اتقلوا لبعده أبطال الرويات اللي هو  
احنا مكناش نعرف إنه موجود أصلاً... يبقى هايتعاملوا بنفس معاملة  
الأبطال دي.. باختصار شديد الأستاذ رامي هاكمل روايته عادي جداً، مع  
المحافظة على حياة الشباب طبعاً برا الرواية، وفي أسرع وقت وبأي حبة  
هاتهي الرواية... بس خد بالك وراجع كل مشهد تقفل عليه لما تفتح.

تساءل الزيني:

- يعني إيه يحافظ عليهم بره الرواية يا دكتور يعني جوا الرواية لأ.

أجابه:

- هو أنا معتقدش أن (رامي) مخطط لقتلهم يا زيني، دول أبطال عمله.. بس حتى لو قتلهم في سياق النص الأساسي مش براه مفيش مشكلة.

تساءل (رامي):

- يعنى إيه يا دكتور...؟؟ وإيه هايفرق جوا العمل من برا؟

ابتسم الدكتور قائلاً:

- جوا العمل يا (رامي) يبقى دورهم انتهى بقلمك، وفي الحالة دي زي ما قولنا هايتعاملوا معاملة أبطال الروايات، اللي بتموت في عمل، وممكن جدًا في عمل تاني يرجعوا بشكل أو بآخر... وبكدة يكونوا اتحرروا ويرجعوا للبعد بتاعنا تاني... إنما بره العمل هايكون القتل ده حقيقي ووقتها هاتكون فقدناهم... وعاييز أقولكم برضو إن كل دي مجرد افتراضات، احنا بتتحرك في حيز صغير جدًا من المعلومات.

قال (رامي):

- خلاص يبقى تاهت ولقيناهها... أنا اقتلهم كلهم جوا الرواية، وأقفل العمل بانتصار الشر... وهو كدة كدة بيكسب في الواقع، وتبقى الرواية واقعية، وأنا أبقى عالمي وأنقذت الشباب.

ضحك الدكتور قائلاً:

بص يا (رامي) بغض النظر عن إنك هاتبقى عالمي؛ لأن ده مش هايحصل... وعن إنك هاتكتب واقعي لأن ده برضو مش هايحصل؛ لإنك مبتعرفش تقول كلمتين جد على بعض... إلا إننا منعرفش اللي أنت بتعمله ده نتايجه إيه.. احنا بتعامل بمبدأ رواي هنا.. أنسى

أصحابك وعاملهم على إنهم أبطال العمل.. لأن أعتقد جزء من اللعبة  
يعتمد على كده... احنا يا شباب زي الأعمى في وسط بلد كلها مفتحين،  
ولازم يقاوم عشان يستمر... معندناش معلومات كافية عشان نتيقن  
من أن أمر هاينجح أولاً... ودلوقتي بقي أنا مضطر أسبيكم؛ لأن كان في  
إيدي جراحة وسايب العيان بطنه مفتوحة عايز أروح أفضله.

قالها وأغلق المكالمة، وأحمد ينظر إلى (رامي) قائلاً:

- فهمت يا نجم.

تنهد (رامي) قائلاً:

- هو سؤال صغير وأبقى فهمت كل حاجة.

نظر إليه الزيني فأكمل:

- هو الدكتور (على) كان عايز إيه؟؟؟

\*\*\*

استغل وليد شجار المقنع مع مصاص الدماء وفر هارباً من الغرفة،  
وهو يشكر الله على ما حدث بعد أن ظن أن النهاية قد أتت لا مفر منها...

ظل يركض في بيت كبير تتناثر الحجرات فيه بشكل غريب.....

أي منزل هذا الذي يحوي كل تلك الغرف... فكر قائلاً بصوت

مسموع وهو يركض:

ويا ترى كم يبلغ إيجار منزل بهذا الحجم... اعتقد أنه يتخطى

الـ٣٠٠٠ جنيه



وما أن دلف حتى وجد الغرفة مضاءة بمصباح في وسطها فقال  
بدهشة:

كيف يحدث هذا؟ أليس من المفترض أن أجد الغرفة مظلمة ثم  
يفاجئني القاتل كما يحدث في القصص.

سمع من خلفه صوت المقنع يقول:

ههههههههه هنا الأمر مختلف يا كاتبي العزيز.

التفت بسرعة ليجد المقنع يستند إلى الحائط وبجواره البلطة  
العملاقة، وفي يده سيجارة يسحب منها النفس تلو الآخر وهو يقول:  
تلك هي السيجارة السادسة التي أشعلها، وأنا في انتظارك يا عزيزي  
لماذا تأخرت؟؟

انتفض (وليد) وهو يتراجع للخلف محاولاً العودة إلى الباب ليخرج  
فضحك القاتل قائلاً:

لن تجد الباب أو ستجده مغلقاً.. أنت كاتب وتعلم تلك الأمور  
جيذا... الآن أخبرني كيف الحال يا كاتبي العزيز؟؟؟ هل اقتنعت الآن أن  
ما يحدث ليس خدعة، ولا هو مزحة من أصدقائك كما كنت تظن.  
صاح به (وليد):

أنت يا هذا أطفئ تلك السيجارة اللعينة لا أستطيع التنفس فأنا  
مريض صدر.

نظر إليه القاتل للحظات ثم ألقى سيجارته قائلاً:

عفوًا لم أكن أدرك ذلك.

قال وليد:

والآن أخبرني ماذا تريد؟ هل حقًا تسعى لقتلي لمجرد أنني لم أكمل

قصتك؟؟؟

أجابه القاتل:

أكبر مصيبة أن يكون كاتبك مثلك لا يعلم حجم معاناة أبطال أعماله... نحن من نضع أمجادكم... نحن من يتفاعل معنا جمهوركم... يحبوننا ويغضوننا يسافرون معنا في رحلات خيالية ويخوض معنا قتال لا يحلمون مجرد المرور من أمامه، وفي النهاية يحكم علينا أمثالك بالأسر لمجرد أن إبداعه قد خانته ولا يستطيع استكمال عمله.

قاطعته (وليد):

أنت واهم يا هذا نحن من نضع هذا المجد... عقولنا وإبداعنا هم من أوجدوا أمثالك... إياك أن تتسبب لنفسك أي أفضال علينا... أنت مجرد حبر على ورق ما أن أمزقها حتى تختفي تمامًا من الوجود... أنت لا شيء... مجرد وهم.

التقط المقنع ببطته وبدأ التحرك نحو (وليد) وهو يقول بصوت

بطيء:

الآن ستري كيف تموت على يد وهم... سيقتلك من تعتقد أنه

حبرًا على ورق يا عزيزي

انتفض (وليد) فزعاً والمقنع يقترب منه ببلطته، و (وليد) يقول  
بصوت مرتجف:

اسمعى فقط يا صديقى... هناك أسباب مقنعة لإيقاف العمل  
صدقنى.. لا يوجد فى مصر قاتل متسلسل تلك فكرة غريبة لا تصلح  
لنا هنا... كما أن الرعب الدموى ليس مجالى.. نعم نعم ليس مجالى  
صدقنى يمكننى أن أعطي الرواية لـ (محمود الجعيدى) هو مميز فى  
الرعب، أو يمكنك قتله، لا أهتم... أو ربما (نسمة عاطف) هي أيضا  
تجيد الرعب، بل هي تعشق قتل أبطال عملها ستشكران فريفاً لا يشق  
له غبار سويًا.

ظل يتحدث والقاتل يقترب ببطء شديد وهو يقول:

وهل كل ما تكتبه يصلح لكم...أضحكتنى...أرجوك لا تجعلنى أتحدث  
عما تقدمونه للناس أتمر معشر شباب الكتاب.

حاول (وليد) الحديث لولا أن قاطعه القاتل:

انتهى وقت الحديث.. وحانت لحظة الانتقام.

قالها وهو يرفع البلطة عاليًا، و(وليد) يصرخ وفى نفس اللحظة  
سمعا صوت تحطم الباب وصوت يصرخ بقوة:

كله يقف مكانه المكان كله محاصر.... محدش يحاول الهرب.

انتفض القاتل وهو يرى ضابط شرطة، وخلفه اثنان من الأمناء  
ومعهم د.(محمود صلاح). و(إسلام عبدا الله) والضابط يوجه سلاحه  
إليه صارخا:

نزل البتاعة اللي في إيدك دي، نزلها.

ألقي القاتل بلمطه وفي لحظة كان خلف (وليد)، وهو يخرج سكينًا  
صغيرًا يضعه على رقبته صارخًا:

إذا اقترب أحدكم سأجز عنقه.

صرخ الضابط:

لااااااااا أوعى تكون فاكر نفسك في فيلم أمريكي، وهاتقولي عنقه  
ومش عنقه... وحياة أمي أضربك بالنار أنت وهو... أنا مش طايق  
نفسي أصلا وطالع المأمورية دي غضب.

نظر إليه المقنع بذهول وهو يقول:

أقسم إني سأقتله إن اقترب أحدكم.

التفت الضابط إلى الأمناء قائلاً:

أأأأ ادخل يا بني أنت وهو هاتوا الحيوان ده، ويقتله يقتله الأعمار  
بييد الله احنا هانكفر.

اتجه الأمناء صوب (وليد) والقاتل الذي أصابته دهشة من كلمات  
الضابط؛ فألقى سكينه ورفع يده فوق رأسه، والأمناء يحيطون به  
والضابط يقول:

أيووااااا هاتوه بقي لما نشوف حكايته إيه ده.

اقترب الأمناء من الضابط وما أن أصبحوا أمامه حتى قال بهدوء  
وهو يشعل سيجارته:

شيلي بقي القناع ده كده عشان نشوف ملامحك الجميلة.

قاطعته (وليد) قائلًا:

من فضلك أطفئ السيجارة أنا مريض صدر.

قال الضابط بغير اهتمام:

\_معلش أبقى خد جلسة أكسجين لما تخرج.

نزع الأمان قناع القاتل وما أن شاهده الضابط حتى قال:

أهلااااااااااا أبو دومة... والله زمان يا راجل، والله وحشني ده أنا  
قولت إنك توبت لا قدر الله... والله وقعت يا روح أمك.

قال القاتل:

وما دخل أمي في الأمر يا حضرة الضابط.

هوت يد أحد الأمان على أسفل رقبتة وهو يصيح:

رد عل الباشا عدل يا ض.

تحسس القاتل رقبتة وهو يقول:

أمرك يا باشا.

ضحك الضابط قائلًا:

ههههه أيوا كده اتعدل هاتقعد تكلمني عربي وتعمل فييه بطل  
فيلم وإسلامااه يا أبو دومة.

صمت القاتل فأكمل الضابط:

قولى بقى سرقت البلطة دي منين يا بطل؟؟

قال الدكتور (محمود):

حضرتك المهمم كان عايز يقتلنا ليه؟

نظر إليه الضابط قائلاً:

طب ما تيجى تشتغل أنت بدالى... لا بجد تعالى.... اتفضل حقيقي.

أشاح الدكتور بنظره بعيداً والضابط ينظر للقاتل قائلاً:

احنا بقى هانعمل محضر سلاح أبيض محترم ، وطبعاً محضر سرقة  
البلطة، وشكلك هاتشرف معنا شويه.

قال (إسلام):

حضرتك وبالنسبة للقتل؟؟

أجابه الضابط:

هو قتله؟؟؟

أجابه (إسلام):

لأبس كان عايز يقتله.

قال الضابط:

- سبحان الله يا أخي هو احنا دخلنا نوايا الناس؟؟؟ بطلوا بقى القرف ده، ربنا أعلم بنيته يمكن كان بيخوفه بس.

قالها ونظر للأمناء، وصاح بهم:

يلا هاتوه ع البوكس.

تحرك نحو الباب خارجًا وخلفه الأمناء، وأبو دومة مصفدًا بالأصفاة الحديدية.

والدكتور ينظر لإسلام عبد الله ووليد أحمد بلا كلمة واحدة، وما أن خرج الضابط حتى سمعوا صوتًا يشبه الانفجار الصغير، وانتشر الدخان في المكان وسقط الثلاثة بلا حراك.

\*\*\*

في ذلك المقهى في وسط البلد اجتمع مجموعة من الكتاب الشباب حول طاولتين كبيرتين...وقد بدا للجميع أنهم يتناقشون في أمر هام؛ حيث ارتفعت أصواتهم بشكل مثير للانتباه...

استمر الأمر قرابة العشر دقائق، الكل يتحدث في نفس اللحظة حتى وقف ((أشرف فتحى) قائلاً بصوت مسموع:

- يا جماعة دي مش طريقة كلام، لازم نهدى وتتكلم واحد واحد عشان نفهم.

صمت ثم قال، وقد تذكر شيئاً ما:

- أه وبالمناسبة كل واحد يفكر خد إيه عشان يحاسب وهو قايم ،  
مش معنى إني صاحب القهوة إني هاشيل الليلة دي.

قال الكاتب (عمرو عودة):

- طيب مبدئياً عايزين نرتب أفكارنا، دلوقتي الشباب اللي اختفوا  
مفيش أي أخبار عنهم، واحنا لازم نعمل حاجة دول أصحابنا... يا  
ريت اللي عنده أفكار يقول.

نهض (محمد عبد الفتاح) الذي حضر من الإسكندرية خصيصاً  
لحضور ذلك التجمع قائلاً:

- أنا بقول نطلع حاجة لله على روحهم.

انفعل (أحمد ناصر) وهو يقول:

- إيه يا عبد الفتاح اللي بتقولوه ده يا عم ، متقولش كده مش  
يمكن يكونوا لسه عايشين.

قال (عمر كامل) بصوت يبدو عليه السخرية:

- أه لسه عايشين بس كانوا بيصيفوا في جمصة، احنا داخلين على  
شهر ونص يا أحمد.

وفي ركن بعيد عن المجموعة قليلاً كان الشاعر (طارق عصام)  
يجلس بجوار (عبدالرحمن أشرف)) يتهامسان بصوت غير مسموع، فقال  
(عمرو عودة) بضيق:

- مش عايزين أي أحاديث جانيه بعد إذنكم.



انتشرت الهمهات بعد كلمات محمد بين مؤيد ومعارض، والكاتب  
(محمد حياة) يقول:

- لا صعب اوووي... طب وأهاليهم؟ أنت متخيل إن واحد يسيب  
بيته وولاده وزوجته ويختفى فجأة كدة عشان دعاية؟؟ ده يبقى مجنون.  
عقب الكاتب (محمد قشطة) قائلاً:

- والله أنا ليا تحليل كدة مش عارف هاياكل معاكم ولا لأ.

قال (عمرو عوده):

- قول يا محمد كل الأفكار مطروحة.

قال محمد:

- أنا شايف إن الموضوع فيه حاجة مش طبيعية.

قاطع الشاعر (محمد زغلول) ساخراً:

- إيه ده والله؟؟ تصدق ولا خدنا بالناس... ثلاث كتاب يختفوا فجأة،  
وفي وقت واحد يبقى في حاجة مش طبيعية.... إيه يا محمد ما كلنا  
عارفين إيه الفكرة في كدة.

أجاب (محمد قشطة):

- يا زغلول افهم... أنا أقصد إنها حاجة مش بشرية أصلاً... الجماعة  
دول شغالين مع بعض في قصص كلها جن وعفاريت وما ورائيات؛  
فأكيد لما يختفوا الثلاثة هايكون الأختفاء ليه علاقة بالموضوع ده.

استحسن الجميع كلمات محمد قشطة إلا (محمد الأسيوطي) الذي  
اعترض قائلاً:

- الكلام ده ينطبق على دكتور (محمود) و(وليد) إنما (إسلام) لآ.

ولأول مرة يخرج الكاتب (إسلام سمير) عن صمته قائلاً:

- هو بعيدا عن القصة دي عايزين حد يكون ليه علاقة بعائلات  
الشباب دول؛ عشان لو محتاجين حاجة.

وافقه الجميع، كلمات ونظر (عمرو عوده) إلى (أشرف) فتحى قائلاً:

- يا عم (أشرف) بما إن قهوتك هي مقر شباب الكتاب، القصة دي  
عندك أنت، تشوف مين يتواصل مع أهلهم وتبلغنا.

أوماً (أشرف) برأسه دون أن يجيب فتابع عمرو:

- دلوقتي إيه ممكن نعمله تاني.

قال (صلاح نخلة):

- يا شباب احنا كده بنضيع مجهود ووقت على الفاضي... لازم  
نقسم نفسنا... مجموعة تتواصل مع أهل الشباب المفقودة،  
ومجموعة ثانية تتواصل مع الأمن ونشوف القضية وصلت لفين.

قال (عمرو عودة):

- ده اول رأي صح اسمعه النهاردة.. هو ده اللي هانعمله... هانبقى

مجموعتين :

مجموعة هتابع أهالى الشباب فى أى حاجة يحتاجوها... ومجموعة ثانية هايكون دورها متابعة التحقيقات، ووصلت لحد فين، ويا ريت المجموعة دي يكون فيها محامى، ولو مفيش نقوم محامى يتابع مع المجموعة دي.

بدأ عمر عودة فى تقسيم المجموعتين و(أشرف) يصيح فى عمال المقهى للأسراع بتليية أوامر روادها.

بعد قليل نهض (أشرف) حين لاحظ أن الجميع يستعد للانصراف، واتجه إلى ماهر عامل المقهى، وانتحى به جانبًا وهو يقول بصوت منخفض؛ حتى لا يسمعه أحد الجالسين:

- اسمع يا ماهر الليله هاتدخل فى حوالى ميتين جنيه حساب مشاريب... والجو نايم يا ابني..

أنا هاخلع دلوقتي أعمل نفسي فى الحمام، وأنت متسبش واحد إلا لما تحاسبه، ماشي؟

أجابه ماهر:

- ماشي يا ريس.

وانصرف (أشرف) وماهر يتحرك صوب الكتاب، وهم يستعدون للانصراف، وما أن وصل حتى قال بصوت مرتفع:

- الحساب يا أساتذة.

\*\*\*

جلس (رامي) أمام حاسوبه يفكر فيما قاله الدكتور(على).. هل  
حَقًّا ما يحدث الآن حقيقي؟

هل هو المتسبب في اختفاء أصدقائه.. وإذا كان، فلا بد أن يكون  
هناك حل.

لا يمكن أن يترك الأمر يسير مثلما قال الدكتور، وهو لا يعلم إذا كان  
سينتهي كما يقول أم لا... فكر قليلاً ثم رفع هاتفه؛ ليضرب رقمًا ما،  
وما أن سمع صوت محدثه على الطرف الآخر حتى قال:

- أيوا يا زيني مساء الخير.

قالها ووضع الهاتف على وضع مكبر الصوت والزيني يجيبه:

- (رامي) بالله عليك ما وقتك خالص أنا فاضل على طيارتي ساعتين،  
والتاكسي واقف تحت.

أجابه (رامي) وهو يرتدي ثيابه على عجل:

- لا ما هو أنت هاتأجل السفر عشان أنا هاجيلك دلوقتي حالا.

صاح الزيني:

- نعم يا اخويااااا.. أنت فاكربي شغال في فرن فينو هاتصل أقولهم  
معلش مش هاعرف أجي.

قال (رامي):

- بالذمة أنت صاحب أنت؟ أصحابك مختفين ومخطوفين وسحر وشعوذة، وأنت عايز تسيهم وتسافر؟ إيه يا أخى أنت مفيش بني آدمين جواك.

قال الزيني بانفعال:

- بقولك إيه يا (رامي) وحياة بوك بلاش الطقم ده معايا، أنت نزلت من عندي ضربت سندوتشات على العريية اللي قدام البيت عندي، وأنا شايفك من البلكونة ولا كأن في حاجة.

أجابه (رامي):

- يا سلام.. طب هما اتخطفوا أنا اجوع ليه، وبعدين دي نقرة ودي نقرة يا زيني... فين الصداقة؟؟؟ فين الأخوه؟؟؟ فين حب مساعدة الناس؟؟؟ أنت متعلمتش أي حاجة مني طول فترة الصداقه دي؟؟؟ أنا مش مصدق وداني الزيني اللي يبضرب بيه المثل في الأخلاق بيتهرب من مساعدة أصحابه؟؟؟ يا ريتنى مت قبل ما اسمع الكلمتين دول.

صمت الزيني قليلا ثم أجاب:

- أنا هأجل يومين بس يا (رامي) ومش عشان طقم الصعبانية اللي أنت قولته ده.. لأعشان خاطر الشباب.

قال (رامي) بفرحة:

- ربيع ساعة وأكون عندك.

أغلق (رامي) الهاتف وكان قد انتهى من ارتداء ثيابه؛ فهبط مسرعاً  
وفي غضون ساعة كان في منزل أحمد الزيني، وما أن رآه أحمد حتى قال:  
- طول عمر مواعيدك مطبوعة ربع ساعة تبقى ساعة على طول  
ادخل يا أخويا.

دخل (رامي) وهو يقول:

- اسمع يا أحمد موضوع نستني الرواية لما تخلص اللي قال عليه  
الدكتور ده مش هاينفع، أنا مش ضامن إيه اللي هايجصل وكمان  
مش ضامن هاكتب إيه...

أجابه أحمد:

- طيب يا (رامي) ماهو ده اللي في إيدنا هانعمل إيه.

قال (رامي) بعصية:

- لا تتصرفوا افتح كتاب من الكتب اللي عندك شوف تعويذة مضادة.

أجابه أحمد:

- يا بنى مفيش... التعويذة دي معروفة، وكلنا عارفينها وعارفين إنها

ملهاش تعويذة مضادة.

قال (رامي):

- لا يا عم لكل تعويذة تعويذة مضادة مساوية لها في القوة ومضادة

لها في الاتجاه معروفة يعنى.

أجاب الزيني ببطء وهو يضغط على أسنانه بغيظ:

- (رامي) ده قانون الفعل ورد الفعل يا حبيبي.

قال (رامي):

- طيب مش التعويذة دي فعل؟ يبقى ينطبق عليها القانون...

وبعدين في فيلم هاني بوتير

قاطع الزيني قائلاً:

- فيلم ايه يا حبيبي؟

أجابه (رامي):

- هاني بوتير بتاع السحر والجماعة اللي ماسكين عصيان طول الفيلم

بيشوحوا بيها في وش بعض.

قال الزيني بنفاذ صبر:

- أيوه ماله بقى هاني بوتير؟؟

أجابه (رامي):

- في الفيلم الجذع اللي اسمه سناب اللي هو كان شرير طول الأجزاء

كلها، وطلع طيب في آخر ربع ساعة قال إن مفيش تعويذة ملهاش رد.

قال الزيني بهدوء:



- لقيتها يا أحمد، لقيتها.

نظر إليه أحمد منتبهاً، و(رامي) يتابع:

- أنا هعكس التعويذة.

تساءل الزيني:

- يعني إيه، وهتعكسها إزاي؟؟

أجاب (رامي) بهدوء:

- مش عارف بصراحة بس هعكسها.

احمر وجه أحمد غضباً وهو يقول:

- يعني إيه مش عارف؟؟؟؟

أجابه (رامي):

- اهدي بس يا أحمد الرسمة لسه على الأرض عندي... أنا بقي

هقلب الرموز... هجيب ده مكان ده وده مكان ده.

صرخ الزيني:

- يا بني ارحمني.. يا(رامي) مش كده هو احنا بنلعب x o يا حبيبي.

تساءل (رامي):

- يعني مينفعش؟؟؟

أجابه الزيني:

- بص هو مينفعش بس فكرتك أوحى لى بفكرة ثانية... ثانية  
واحدة.

قالها واتجه إلى مكتبته؛ ليحضر كتاب ضخم مغلف بكيس بلاستيك،  
فقال (رامي):

- إيه ده هتدينى كتاب هدية؟ يا عم والله ماله لزوم يا أحمد هو  
أنا غريب.

نظر إليه وهو يفتح الكتب قائلاً:

- اسكت يا (رامي)... ده كتاب نادر عندي من زمان اسمه (السحر  
المعكوس فى صفاء النفوس).

قاطعته (رامي) قائلاً:

- إيه يا عم ده إيه دخل السحر بصفاء النفوس.

قال الزيني:

- والله ما أعرف تلاقى الكاتب دور على حاجة على نفس وزن المعكوس  
ملقاش راح كاتب كده... المهم إن الكتاب ده فيه طرق لإفساد أى  
تعويذة يمكن ينفع مع التعويذة بتاعتنا.

نظر (رامي) باهتمام وأحمد يكمل:

- الطريقة بتقول إنك هتجيب شمع أحمر وتعمل بيه دائرة حول  
الرسم بتاعك، اللي أنت عمله القديم، وتبدأ ترسم بين كل شمعة

والثانية نقش من النقوش دي بنفس الترتيب... وكل ده وأنت بره الدائرة

يا (رامي).. فاهم؟

قال (رامي):

- أيوه فاهم.

اتهي أحمد من شرح التعويذة المضادة و(رامي) ينصت إليه بتركيز

شديد حتى اتهي فقال (رامي):

- تمام أنا هعمل ده كله حالاً أول ما أروح.. بس لو ملقتش شمع

أحمر ينفع أجيب شمع عادي وألونه؟

وسمع كل سكان الحي صراخ أحمد الزيني.

\*\*\*

أفاق (وليد) على هزات عنيفة في جسده؛ ففتح عينه ببطء ليجد

أمامه الدكتور (محمود) يقول:

- فوق يا (وليد).

اعتدل (وليد) في جلسته، وهو يقول بصوت مرهق:

- إيه اللي حصل؟ احنا كده جوا الرواية ولا بره ولا إيه.

أجابه:

- ركز يا (وليد) الله يرضى عليك يا حبيبي، مجرد إنك سألت سؤال

زي ده يبقى احنا بره الرواية... المشهد اتتهي بأننا كلنا أغمى علينا.

همَّ (وليد) بالحديث حين سمع صوت (إسلام) يقول:

- أنا تعبت... القصة دي لازم تخلص... الكاتب ده مجنون، وشكله  
مش هايجبها لبر.

أجابه الدكتور (محمود):

- أعتقد أن الرواية بتنتهي، وبنسبة كبيرة المشهد اللي جاي هايكون  
آخر مشهد.

راجعوا معايا الأحداث... في الأول خلص دور الفراغنة، في مشهد  
(إسلام) جمعنى أنا وهو وقولتلكم إنه بدأ يجمع أطراف القصة  
في مكان واحد؛ عشان يعمل مشهد النهاية... وبعد كده خلص دور  
القاتل المقنع بالمشهد الأهبل بتاع الطابط ده... وكده مش فاضل  
غير مواجهة واحدة بس وفي الغالب هاتكون أصعب مواجهة؛ لأنه  
مشهد الذروة... مشهدي أنا مع الشيطان.

قال (إسلام):

- تفكر هيكون صعب يا (محمود)؟؟

قاطعهم (وليد):

- ولا صعب ولا زفت... ده كاتب أهبل اصلا... الشيطان هايعمل  
مشوية حركات، ويقولك إننا قرينا عليه الفاتحة اتحرق وجبرت على كده.

تكلم الدكتور (محمود) قائلاً:

- مفتكرش يا (وليد) المشهد ده لازم يكون ثقيل لإن دي قفلة الرواية.

ضحك (وليد) قائلاً:

- يا دكتور صلي على النبي في قلبك... ده راجل نهى حياة قاتل  
متسلسل على إيد ظابط مباحث، وطلعه اسمه أبو دومة... والفراغنة  
ضيعهم بجني عيبط... أنسى.

وافقه (إسلام) قائلاً:

- أنا مع (وليد) يا (محمود)... أنا حاسس إنه عايز ينهي الرواية بأى  
شكل وخلص، مفيش منطقية في الأحداث خالص.

استمع إليهم الدكتور (محمود) ثم قال بهدوء:

- ده راجع لطبيعة العمل... من الأول احنا قولنا إن العمل ساخر  
لا يخضع للمنطقية، يخضع لمدى جنان الكاتب، بس ده ميمنعش إن  
فيه حاجة مش طبيعية في الأمر، الكاتب بيضيف حاجات مش متوقعة  
وتعتبر دخيلة على العمل... زي مصاص الدماء اللي أنقذ (وليد)..  
والفضائي اللي انقذك يا (إسلام).

صاح (وليد) قائلاً:

- وفيه كمان في مشهد سابق صوت كلمنى بشكل غريب.. حسيت  
إنه تعليق قارئ من اللي هما الجماعة اللي بيتريقوا ويقعدوا ويقولوا  
هايدخل برضو رغم إن الكاتب بيحذر في من أول العمل.

في نفس اللحظة تذكر (إسلام)، فقال أيضاً:

- أيوه صح وفي المشهد بتاعي كان في طلاسمر فرعونية، لقيت صوت  
بيترجمها، ولما خلص لقيته بيقول الترجمة برعاية معامل أنيس عبيد.

نظر إليهم د. (محمود) مفكرًا ثم قال:

- كده هو بيتريق على الكتابة بشكل عام... أنا مش فاهم هو ناوي  
على إيه بصراحة.. مشاهد بحسه بيسخر من اللي هو نفسه بيكتبه..  
ومشاهد بحسه بينقد فيها نوعية معينة من الكتابات... ومشاهد  
بحسه هو مش عارف يعمل إيه... حاجة تلخبط جدًا.

صمت قليلا ثم تابع:

- طيب عايزين نركز... لو حساباتي صح هايبقى المشهد اللي جاي  
الأخير...

وهاتكون مواجهة بينا وبين الشيطان... ومن واقع نهاية المشهد  
اللي فات المواجهة دي هاتكون بينا كلنا مش أنا لوحدي... وأنا  
بصراحة بعد اللي حصل في الرواية دي خايف من المشهد ده..

قاطععه (وليد):

- عندي سؤال مهم يا دكتور.

نظر إليه باهتمام فأكمل:

- حساباتك دي أنت جبتها منين؟؟

أجابه بهدوء:

- من رؤيتي للي بيحصل يا (وليد) ترتيب المشاهد... معرفتي المسبقة بتكنيك الكتابة، عمومًا المنطق يقول إنه لو زود عن كده هايفقد زروة العمل، وتواعد الأحداث هايهرب منه، وأي تطويل بعد كده هايبقى مجرد حشو.

قاطععه (وليد):

- أيوه أنا عارف ده.. احنا كتاب برضو وفهمين... بس مش ده سؤالي.. أنا سؤالي ليه دائما سابقنا بخطوة يا دكتور؟؟... ليه أنت أول واحد يفوق من المشهد؟؟... ليه دائما أنت اللي بتقدم تفسيرات؟؟... يغمى علينا أنت أول واحد تصحى وتفوقنا كلنا...ليه؟؟؟ يعنى لو أنت اللي بتكتب الرواية وعمايز تعمل دور قوي لنفسك أعتقد مش هاتعمل أكثر من اللي الكاتب ده بيعمله.

نظر إليه الدكتور نظرة هادئة، وهو يقول ضاغطاً على كلماته:

- أنت تقصد إني مشارك في اللعبة دي يا (وليد)؟؟

لاحظ (إسلام) أن الموقف سيزداد حدة فقاطعهم:

- لا طبعا يا (محمود) كلنا في الكارثة دي مع بعض... (وليد) بس بيحاول يفهم.

قال الدكتور بلهجة خبيثة:

- والله يا (وليد) لو على التفسيرات اللي بقدمها وليه أنا سابقك بخطوة دي قدرات عقلية.. كل واحد بيقدم على حسب قدرته العقلية يا (وليد) بيه.

احتقن وجه (وليد) وقد فهم تلميح الدكتور (محمود)، وهمّ  
بالرد عليه لولا أنهم سمعوا جميعاً صوت ضربات على مفاتيح فصاح  
(إسلام):

- بدأ يكتب تانى... ربنا يستر.

\*\*\*

عاد (رامي) إلى منزله وفي يده كيس يحوي الشمع الأحمر المطلوب  
لتنفيذ المهمة.

دخل إلى الغرفة فرفع السجادة التى تخفي النقش تحتها، ونظر إلى  
النقش برعب بعد أن فهم ما يعنيه، وقال بصوت خفيض:

- عملي فيها النقش السحري... الشمع معايا أهو وهابوظ أمك  
دلوقتى.

بدأ فى رص الشمع بشكل دائري حول النقش ثم رسم تلك النقوش  
التي أعطاهها له أحمد فى ورقة صغيرة، وبعد انتهائه وقف حائرًا وهو  
يقول محدثًا نفسه:

- والله ده استهبال المفروض كل تعويذة يبقى معاها كتالوج لطريقة  
الاستعمال.

أخرج هاتفه يطلب الزيني، رن الهاتف عدة مرات بلا إجابته، حتى  
أجاب الزيني أخيرًا فى

- خير يا (رامي)؟؟



صرخ (رامي):

- يا الهوووى نار فى شقتى أنت عارف أبويا ممكن يعمل فىا إيه...  
ده أمى بتبقى عايضة ترميني من البلكونة عشان دخان السيجارة لما  
بولعلها فى البيت... لا يا نجم أنا مش هعمل البتاعة دي.

- قال الزيني:

- طب وأصحابك؟؟؟ أنت معندكش قلب؟؟؟ فىن الصداقة؟؟ فىن  
الأخوة؟؟؟ هااا!

قاطععه (رامي):

- فكك من الحوار ده يموتوا عادي بس مش هاولع فى البيت أنا.  
أجابه أحمد:

- يا (رامي) النقوش بس اللي هاتولع مفيش حاجة تاني.

أنهى (رامي) المكالمة، وبدأ يشعل الشموع وهو يقول:

- وربنا لو البيت ولع لأقتلهم أول ما يرجعوا.

قالها ووقف فى منتصف الدائرة وهو يتلو القسم الموجود فى نهاية  
الورقة بصوت مسموع، وما أن انتهى حتى ارتج البيت كله، وبدأت قطع  
الأتاث تتناثر من حوله وهو يصرخ:

- الله يخربيتك يا زيني احنا اتفقنا على حريقة مش زلازل.

وفي نفس اللحظة انطفأ الشمع وأخذ يتناثر في الغرفة، وكأن أحدهم  
يمسك به ويلقيه بعيداً ومن خارج الغرفة سمع (رامي) صوت والده يقول:

- أنت يا زفت ياللي جوا بتكسر في إيه؟

صاح (رامي):

- ولا حاجة يا حاج ده أنا بروق الأوضه عشان أمى تعبانة بس.

سمع صوت والدته تقول:

- أنت بتروق؟ دي من علامات الساعة باين.

هدأ الأمر فرفع (رامي) هاتفه طالبا أحمد وقال:

- اسمع يا أحمد أنا هاكمل الرواية زى ما قال الدكتور يا عمر.

صمت أحمد قليلا ثم قال:

- (رامي) أنت قولت القسم وأنت جوا الدائرة ولا براها.

اجاب (رامي):

- في نص الدائرة بالبلط زي ماتفقنا.

صرخ أحمد:

- أقفل .... أنا هبات في أمر المطار من دلوقتي واسيبلك البلد وامشي.

قالها وأغلق الخط و(رامي) يتساءل:

- هو ماله ده.

\*\*\*



- اخرس بقى أهو سمعنا.

هبط الشيطان أرضًا والنيران تحيط به، وقال بصوت مرعب:

- حسنا...كنتم تظنون أن الأمر انتهى بنهاية المقنع والفراعنة...  
تلك مجرد بداية لما سيحدث فيكم الآن... سأجعلكم توقنون أن  
وفاتكم قبل وصولكم إلى هنا نعيم لا تحلمون به.

قالها وجسده يرتفع مرة أخرى وهو يردد:

(بحق طرطمون المحترق ملك ملوك الجن النارى... وبحق كركدون  
المتبل ملك ملوك الجن المائي...)

قاطعته (وليد):

- ايه ده يا اخوانا هو بيحضر جن ولا بيوصفلنا طبخة.... مش  
الكركدون ده بيتاكل باين.

صرخ الشيطان:

- اصمت يا بني آدم ... لا تتعجل نهايتك.

هتف (وليد) بتحدي:

- بس متقولش بني آدم أنت عيبط ولا إيه ليا اسم أنا.

أشار إليه الشيطان بغضب فأحس بصاعقة تضرب صدره وتقذفه  
للخلف؛ فهرول إليه (إسلام) ود.(محمود) يساعده على النهوض وهو  
يقول:

- اوعوا أنا كويس.

ثم نظر للشيطان قائلاً:

- هو ده أخرك في الأكشن ... على فكرة الصاعقة دي أي جني لسه مولود بيعملها عادي، مش خارق أنت يعني.

ضحك الشيطان ضحكة مرعبة والنيران حول جسده تزداد لهيباً وهو يقول:

- ذلك مجرد فاتح للشهية يا صديقى انتظر حتى انتهى.

نظر (إسلام) للدكتور (محمود) قائلاً:

- طب إيه احنا هانسيه ينتهي ولا إيه يا (محمود) ما تعمل حاجة.

انتبه الدكتور (محمود) فأخرج قلمه وافترش الأرض و(وليد) يقول:

- نعم يا دكتور أنت كنت ناسى إننا في حرب ولا إيه؟؟ ولا كنت مستنى يعزم عليك تبدأ؟؟

تابع الدكتور ما يفعله ولم يهتم بحدِيثه وهو يكمل رسم تلك النقوش على أرض الغرفة، وصوت الشيطان يرتفع بندااءات غريبة، وهم ينظرون إليه متابعين ما يحدث.

وفجأة بدأت بعض الأشكال تتجسد في فضاء الغرفة، ثلاثة أشكال غريبة تتجسد مع ارتفاع صوت الشيطان (وليد) وهو يصرخ في الدكتور:

- يا محمود ده مش امتحان رسم الله لا يسيتك انجز شوية... قول  
أي طلسم كده ولا احدفهم بأي تعويذة... طب حتى نشتمهم ونجري  
أي منظر.

ارتفع صوت الدكتور في تلك اللحظة يصرخ قائلاً:

(الآن يا بهطيميش ... حان وقت تحريرك من خدماتي... أظهر وقدم  
لي خدمة التحرير، وبعدها أنت حر بعقد مكتوب يشهد عليه أمراء  
وملوك الجن، وكل من وضع اسمه في دائرة العتق المقدسة).

قالها فاشتعلت الرموز داخل الدائرة بلهيب أزرق واحد تلو الآخر  
وهو يكمل:

(وها قد وافق الملوك وشهدوا على أمرنا فاطهر ونفذ لتنال حريرتك  
للأبد).

في تلك اللحظة كان صوت الشيطان قد اختفى، وفي فراغ الغرفة  
تجسدت ثلاثة كائنات ضخام الجثة... أحدهم أسود اللون بعين في  
منتصف رأسه، وذيل يمتد خلفه ينتهي برأس رمح معدني... بجواره  
وقف الآخر بلون أحمر تحيطه النيران، ورأس بلا عيون، يمد يده أمامه  
بشكل دائم، وفي راحته تبرز عين محدقة تنظر للجميع.

وبجوارهم كائن يشبه الأخطبوط - وإن كان يحمل أذرع أكثر بكثير-  
ومجموعة متنوعة من العيون انتشرت في كل جسده.

نظر إليهم (إسلام) قائلاً:

- إيه دول؟؟؟ جن دول يا إبليس ولا جاين من المريخ؟؟

نظر إليه الشيطان وهو يقول:

هؤلاء هم ملوك عالم الجن... ملك الجن الأحمر... وملك الجن

الراصد...

قاطعہ (إسلام):

- والأخطبوط ده ملك عالم البحار.

همّ الشيطان بالرد عليه حين سمع الجميع صوت بهطيميش يقول:

- هو باين يوم مش فايت... خير يا دكتور؟ ويا ريت بسرعة عشان

أنا سايب مراقي بتولد.

أجابه الدكتور:

- أنقذنا يا بهطيميش.

نظر بهطيميش إلى الكائنات وإبليس يقف خلفهم؛ فتراجع خطوات

للخلف وهو يقول:

- إيه ده؟؟؟ أنقذكم مين يا عم دول الكبار كلهم.

نظر إليه الدكتور بغضب وهو يصرخ:

- ليس لك خيار في الأمر نفذ.

صرخ بهطيميش:

- خيار إيه وطماطر إيه؟ أنت كل ما تترنق هاتقلب فصحي.

## صرخ الشيطان:

- لن ينقذكم أحد اليوم ... هي نهايتكم ومعكم ذلك الجني أيضا.

قال بهطيميش:

- أهدا يا عم الشيطان والجني ماله طيب أنا مليش في العركة دي.

أطلق الشيطان صاعقة من يده لتصيب بهطيميش الذي صرخ:

- أنت بتشطر بالناس اللي معاك؟؟؟ أقسم بالله لأوريك.

قالها واختفى ليصرخ إبليس:

- الآن استقبلوا نهايتكم.

قالها فتحركت الكائنات الثلاثة نحوهم ببطء.. فاشتعل جسد صاحب اللون الأحمر بنيران ملتهبة.... وظهرت كائنات سوداء صغيرة؛ أخذت تحوم حول صاحب الجسد الأسود، ويحركها بيده يمين ويسار... وأحاط بجسد الشبيه بالأخطبوط مياه سوداء اللون، أخذ يقذفها بشكل عشوائي كلما أصابت شيئاً فارت بشكل غريب.

تراجع الأبطال للخلف بخوف وفزع و(وليد) يصرخ:

- إيه يا دكتور خلاص.. النهاية كده.

قال الدكتور بيأس:

- شكلها كده يا شباب.

في نفس اللحظة صدر صوتاً يقول:

- أنا عايز أعرف مين مد ايده على بهطيميش هنا؟؟؟

التفت الجميع إلى مصدر الصوت فإذا ببهطيميش يقف خلف كائن يشبهه، ولكنه أضخم ثلاثة أضعاف، وخلفهم يقف أكثر من ثلاثين كائن آخر.

وصاحب الصوت يكرر قائلاً:

- حد يرد عليا... أنا مليش دعوة باللي بيحصل هنا أنا عايز أعرف من مد ايده على بهطيميش ابن عمى؟؟؟

اختبأ الشيطان خلف الكائن الأسود، وهرع الدكتور والكاتبان نحو بهطيميش ومن معه، حين كرر صاحب الصوت:

- باختصار كده بهطيميش ليه حق وهانخده يبقى تقولولنا مين مد ايده عليه أفضل... انتو فاكرينه ملوش ناس ولا إيه.

تكلم صاحب الجسد الناري قائلاً:

- أهذا يا نجم العفارييت واحترم وجود الكبار... ولو ليك حق هاتخده.

نظر إليه صاحب الصوت قائلاً:

- أيوه يا ملك ما هو أنت ميرضكش برضو اللي حصل.

تكلم صاحب الجسد الأسود قائلاً:

- ابن عمك اللي ادخل في حوار ملهوش فيه.

صرخ الدكتور (محمود) مستغلا الأحداث:

- سامحنى يا ملك بس ما هو انتو برضو ملكوش فى الحوار.

التقط منه (وليد) طرف الحديث قائلاً:

- أه وحتة شيطان ملهوش لازمة يجركم كلكم من آخر الدنيا،  
ويسيبكم اشغالكم عشان عركة مع شوية بشر.

نظر الأسود للأحمر وقال:

- عندهم حق برضو.

قال الأحمر:

- أطيب خلاص حصل خير... احنا نروح كلنا دلوقتي قهوة الملوك  
واللي ليه حق نراضيه.

نظر للشيطان وقال:

- وأنت تخلص مشكلتك وتحصلنا.

واختفى الجميع إلا الشيطان و(محمود) و(وليد) و(إسلام) وما أن  
اختفوا حتى أطلق إبليس صاعقة قوية على ظهر (إسلام).

ولمحه الدكتور (محمود) وهو يفعلها فأزاح (إسلام) جانباً ليتلقى  
هو الصاعقة ويسقط أرضاً صارخاً بألم شديد.

وفى نفس اللحظة ظهر بهطيميش ليجد الدكتور على الأرض يصرخ  
بألم.

فنظر إلى إبليس بغضب وهو يصرخ قائلاً:

- بحق العهد القديم... هبنى قوة الفناء.. مستعداً للتضحية لأجلها  
حتى بعمرى كله.

قالها فسقط عليه ضوء من سقف الغرفة ليغمر جسده كله؛  
فينطلق نحو الشيطان بسرعة رهيبة ليحتضنه بقوة؛ فيغمرهم الضوء  
سويًا ويسمع كل من بالحجرة صراخ بهطيميش مختلطاً بصراخ الشيطان،  
وينتهي الأمر باختفاء الصوت والضوء معا....

التف (وليد) و(إسلام) حول جسد الدكتور وعلا صوت بكائهم،  
والدكتور يقول بهدوء:

- لا يهم... الآن انتهى الأمر... وانتهى الخطر...

قالها وفارق الحياة، وتركهما يتردد صراخهما في أرجاء المكان باسمه.

\*\*\*

قام حسنى الجيهنى بمشاركة منشور صفحة اليوم السابع .



حسنى الجيهنى



# قام حسنى الجيهنى بمشاركة منشور صفحة اليوم السابع.

عودة الكتاب الغائبين

تمكنت الشرطة اليوم من تحديد مكان تواجد الكتاب المختفين منذ شهر أو يزيد، حيث تم العثور عليهم في حالة إعياء شديدة في إحدى القرى، عند مدخل مدينة الفيوم .  
وقد قال أهل القرية أنهم تفاجئوا بسيارة تلقيهم وتفر هاربة قبل أن يستطيع أحدهم اللحاق بها ... وتنتظر الشرطة عودة الوعي للكتاب للتحقيق معهم؛ لمعرفة أسباب الاختفاء ومحاوله الوصول إلى الخاطفين.



12475

Like



860

Comment



82

Share

نور ياسر . الحمد لله وألف حمد لله على سلامتكم .



أعجبتني رد

محمود الجعيدي . ربنا يطمنا عليهم وإن شاء الله يقوموا بالسلامة.



أعجبتني رد

فاطمة الزهراء بدوي . دعائنا جاب نتيجة الحمد لله.



أعجبتني رد

نسمة عاطف . يارب يفوقوا بسرعة عشان يحولنا الي حصل  
أكيد القصة فيها أكشن كثير.



أعجبتني رد

سالي حازم . الحمد لله يارب أنا كنت خيفة ميرجعوش  
قبل المعرض هانقرأ لمين.



أعجبتني رد

محمد المخزنجي . حمد لله ع السلامة ويومكم كله إبداع.



أعجبتني رد

رقية حروفي روجي . ألف حمدلله على السلامة لازم نجمع نفسنا  
ونروح نطمئن عليهم .  
أعجبنى رد



إيناس الدسوقي . الحمدلله.

أعجبنى رد



محمد صلاح شديد . حمدلله ع السلامة يا شباب.

أعجبنى رد



رامي علاء . أيوا بقى الأخبار الحلوة ع الصبح.

أعجبنى رد



منه شفيق . الحمدلله هانروح كلنا نزورهم بقى.

أعجبنى رد



- أنا مش هانشر الرواية دي يا (رامي).

هتف (محمد صلاح شديد) صاحب دار الكنزى بتلك العبارة، وهو  
ينظر إلى (رامي) وبجواره جلست (إيناس الدسوقي) فنظر إليه (رامي)  
وقال:

- ليه يا (محمد)؟؟

قالت (إيناس):

- بص يا (رامي) هي فكرة غريبة شوية بس أنا ومحمد حاسين إن  
فيه حاجة غريبة..

قاطعها (محمد):

- يعنى باختصار كده تبدأ تكتب رواية عن ثلاثة كتاب يختفوا في  
نفس يوم كتابة الرواية، واليوم اللي تجبلي فيه الرواية خلصانة هو  
نفس اليوم اللي بيظهر فيه الكتاب دول.. مش شايف إنها غريبة؟؟

نظر إليه (رامي) مبتسمًا قائلاً:

- تفتكر إني كنت خاطفهم مثلاً؟؟ مش فاهم كلامك.

أجابه محمد:

- لا يا (رامي) أنا مبقولش إنك خاطفهم، أنا بقول إن في حاجة مش  
مفهومة، وأنا مقدرش أنشر حاجة وأنا حاسس إنها مش طبيعية.

قالت (إيناس):

- يا (رامي) احنا مش بنشكك في حاجة فيك... بس أنت نفسك جيت قولتلي إنك مش عايز تكمل الرواية؛ لأن فيها حاجة غريبة.. صح؟

أجابها (رامي):

- ده حقيقي بس أنتي بنفسك طلبتي إني أكملها! مش كدا؟

أجابت:

- أيوه حصل بس لما يصادف رجوعهم نفس توقيت انتهاء الرواية؛ يبقى فيه حاجة مش طبيعية في الرواية دي.

قال (رامي):

- طيب أنا كاتب إن الدكتور (محمود) مات في الرواية يا ترى رجع معاهم ليه؟

نهض (محمد) وهو يقول بحدة:

- (رامي) بلاش تلاعب بالكلام لو سمحت الأمر منتهي أنا مش هانشر العمل ده.

قال (رامي) بهدوء:

- وأنا أصلا مش عايز انشرها يا (محمد)... أنا كنت جاي أقولك إني حاسس إنها مش على المستوى ومتستحقش النشر.

\*\*\*

أخرج (وليد) و(إسلام) من المنزل و(إسلام) يقول:

- طب هو كده الرواية المفروض خلصت مش احنا المفروض نخرج منها .

أجابه (وليد):

- أكيد هانلاق باب هنا ولا هنا يا(إسلام) أنا من ساعة ما جثة الدكتور اختفت بعد المشهد ماخلص وأنا مش مطمئن.

أخذنا يسيران فى طريق طويل حتى لمحا مبنى من دور واحد، وسط فراغ هائل اتجها إليه ليجدا فوقه يافطة كبيرة كتب عليها:  
(قهوة أبطال تحت الطلب).

دلفا إلى المكان ليجداه فارغا إلا من شخص ضخم يجلس خلف مكتب صغير؛ فاتجها إليه وقال (وليد):

- سلام عليكم لو سمحت هو احنا فين؟؟

نظر إليهما الرجل وقال بصوت بطيء:

- اتنوا مين؟؟

أجاب (إسلام):

- أنا (إسلام عبد الله) وده صديقى (وليد أحمد).

قاطعهما الرجل قائلا:

- اتنوا الكتاب.

تفاريغ  
سافرة

أجابه (وليد):

- أيوه احنا.

أخرج الرجل من جيبه فلاشة صغيرة ناولها لهما وهو يقول:

- آخر ترايزة جوا قدامها شاشة اتفضلوا.

نظر(وليد) للفلاشة في يده و(إسلام) يسأل الرجل:

- إيه اللي في الفلاشة دي؟؟

أجابه الرجل:

- رسالة ليكم.

قالها وانشغل فيما يفعل فدخل إلى المقهى حيث أشار الرجل؛  
ليجدا شاشة كبيرة؛ فوضعا الفلاشة التي ما أن وضعوها حتى بدأت في  
عرض محتواها.

جلسا أمام الشاشة لدقيقة حتى ظهر أمامهما ذلك الشيطان الذي  
كان معهما في الرواية، يطل عليهم مبتسماً وهو يقول:

- نورتوا قهو الأبطال يا أساتذة.

صمت قليلا ثم قال:

- خلينا بقي نحكى الحدوتة من الأول... الأول القهوة الي أتتوا  
قاعدين فيها دي هي المكان الي بنتحبس فيه لما كاتب زي حضراتكم  
مش بيكمل العمل بتاعه...

ومش بنتحرر غير لما العمل يكتمل بشكل نهائى... طبعًا حد منكم  
هايقولى أمال احنا متحررناش ليه..إجابة السؤال ده فى المشهد اللي  
هاعرضه عليكم دلوقتى.

واختفى ليحل محله لقطة تصويرية يظهر فيها شخصًا ما يبدو  
ظهره فقط للكاميرا، وأمامه جهاز كمبيوتر... اقتربت الكاميرا من شاشة  
الجهاز والشخص يكتب عليها حتى أصبحت شاشة الكمبيوتر تحتل  
المشهد بالكامل، وشاهد الجميع يكتب أمامهم على تلك الشاشة...  
التف (إسلام) و(وليد) حول جسد الدكتور وعلا صوت بكائهم  
والدكتور يقول بهدوء:

- لا يهم... الآن انتهى الأمر... وانتهى الخطر...

قالها وفارق الحياة، وتركهما يتردد صراخهما فى أرجاء المكان باسمه.

انتهى الجزء الأول وإلى اللقاء فى الجزء الثانى.

ما أن ظهرت تلك الجملة حتى اختفى المشهد؛ ليعود الشيطان على  
الشاشة ضاحكًا وهو يقول:

- يعنى باختصار أتمم ضيوف هنا لحد الكاتب ما يعمل الجزء  
الثانى.. وأنا بقى اخترت كاتب أكسل من السحلفاة...بقاله سنتين  
بيقول هايكتب جزء تانى لعمل ساخر كتب منه جزء اسمه (يوميات زوج  
مشلول) ولسه لحد دلوقتى مكتبش حرف.

صرخ (وليد):

- أنت كده بتخم وربنا.

ضحك إبليس قائلاً:

- طبعاً أكيد بتشتتموا دلوقتي أنا عارف وحاسس بيكم بس لسه المفاجآت مخلصتش،

ممکن حد فيكم يفتح الباب اللي وراكم.

التفتنا ليجدا باب مغلق فقام (وليد) مسرعاً لفتحه و(إسلام) يصرخ فيه :

- استنى يا (وليد) ده أكيد فخ.

نظر إليه (وليد) قائلاً:

هو فيه فخ أكثر من اللي احنا فيه ده.

قالها وفتح الباب ليجد الدكتور (محمود صلاح) مقيد بداخله نهض (إسلام) ليساعد (وليد) في فك وثاق الدكتور وصوت الشيطان يتردد:

- أعتقد كده إنكم لقيتم الدكتور، وطبعاً عايزين تفهموا إيه اللي بيحصل... تعالوا تتفرج على المشهد ده مع بعض ونرجع سوا.

صاح (وليد):

- أنت هاتعملنا فيها ممدوح فرج.

قالها واختفت صورة إبليس من على الشاشة؛ ليظهر مكانه مشهد للدكتور (محمود) وهو ملقى أرضاً، وقد أصابته صاعقة الشيطان، وما أن تحرك (وليد) و(إسلام) حتى اقتربت الكاميرا من جسد الدكتور الذي اخذ يتبدل شكله؛ ليصبح على نفس هيئة الشيطان الذي يحدثهم على الشاشة، اكتمل تبدل جسد وملامح الدكتور حتى اختفى المشهد؛ ليعود الشيطان ضاحكاً وهو يقول:

- أظن كده فهمتوا مين اللي كان معاكم من أول العمل، وأظن فهتمم ليه دائماً كان سابقكم بخطوة.

تكلم الدكتور بصوت واهن لأول مرة قائلاً:

- هو إيه ال بيحصل احنا فين؟؟؟

قال (وليد) بنبرة ساخرة تحمل يأساً:

- احنا في هيلتون رمسيس بنصيف يا دكتور.

تابع إبليس قائلاً:

- وكده يبقى افضل مشهد واحد بس هاعرضه عليكم يكمل لكم الفهم.

قالها واختفى ليظهر مشهد لإبليس مع جني صغير في غرفة مغلقة وصوته يعلو قائلاً:

- افهمنى كويس.. دلوقتي أنا هابدل هيئتك وهاتبقى شبيهي.

### قاطعہ الڪائن:

- يا لهوى بجد يا ريس أنا نفسي من زمان اشتغل معاك والله.. أنا اشتغلت في روايات كثير، خد بالك فاكتر رواية العقد بتاعة الكاتب اللي اسمه حسام عيسى.. أنا كنت واخذ فيها دور كبير.

### قاطعہ إبليس:

- أهذا يا ابني وركز معايا واحفظ اللي هاقوله كويس.. أنا هاكون معاك بس في شكل الجدع اللي اسمه (محمود صلاح) عايزك تتصرف معايا عادي.

### قال الجني:

- لااا أنت متعرفنيش أنا في الشغل معرفش أبويا.

### قال إبليس:

- دلوقتي أنت هاتخرج كأنك أنا وأثناء الشغل هافهمك دورك بالضبط.

### انتهى المشهد وعاد إبليس إلى الشاشة قائلاً:

- أظن كده فهمتوا... وبصراحة الموضوع كان مرهق أوي إني أعمل نفسي (محمود صلاح) عشان أمشيكم زي ما أنا عايز بس أهو جاب نتيجة.

### تساءل (وليد) بدهشة:

- أيوه بس المشهد بتاع الدكتور وإبليس الأول كانوا بيتكلموا والدكتور بيقول إنه كشف اللعبة إزاي إبليس يكشف نفسه؟؟

قال إبليس:

- طبعاً حد منكم هايسأل دلوقتى عن أول مشاهدي مع إبليس أو الجني الي عامل إبليس.... فى الحقيقة دي كانت لقطة ذكاء منى... لأنى كنت عارف إنكم على الباب وهاتسمعوا الحوار فكان لازم اتصنع حوار مقنع لأبعد الحدود.

هتف(إسلام):

- بس أنت كده خسرت يا إبليس وكل أصحابك ماتوا.

قال إبليس:

- طبعاً حد هايقول إن الناس كلها ماتت.... أحب أقولكم إن ماتوا يعني دورهم انتهى فى الرواية... يعني اتحرروا بس هما أغيبا مكنوش فاهمين كده... وأنا سيبتهم على عماهم عشان يشتغلوا بضمير.

قال (وليد):

- هو الجدع ده سامعنا ولا إيه ده بيرد على الاستئلة بتاعتنا.

أكمل إبليس:

- دلوقتى الصورة ظهرت قدامكم وأنا كده نفذت انتقامى منكم... وأظن إنى عملت حبكة للإنتقام ده ولا أجدع كاتب فيكم... ولو كنت فى الأرض كان زمانى كاتب كبير... وطبعاً لإن القاعدة هنا هاتطول... واتتو جداد وأكيد معكمش فلوس... اعتبروا حساب القهوة عندي.. سلام يا أساتذه... أه.. قبل ما أمشي فى نفس اللحظة دي فيه ثلاثة من رجالتي

على أرض الواقع متمثلين في صوركم وبيقوموا بداوركم وسط الناس  
عشان محدش يدور عليكم .

قالها فانطفأ الجهاز:

فنظر الدكتور إلى (وليد) و(إسلام) قائلاً:

- حد يفهمنى إيه اللي بيحصل .

قال (إسلام) بإحباط:

- هانفهمك إيه ولا إيه يا (محمود).

هنا صرخ (وليد):

- بس أنا مش هاسكت ، ورحمة أمى لانتقم من الشيطان ده شر  
إنتقام ... هو مش قال الحساب بتاع القهوة عنده، مااااشي .

قالها وأشار إلى عامل المقهى قائلاً:

- هاتلى تسعة لمون واثنين قهوة وثلاثة كابتشينو، وأربعة سحلب،  
وشوف الأسانذة يشربوا إيه .

أوقفه (إسلام) قائلاً:

- هو ده الانتقام يا (وليد)...؟؟؟؟ هو ده اللي قدرت تعمله  
يعنى؟؟؟ لا يا حبيبي .

قالها ونظر إلى عامل المقهى، وأشار إليه وهو يقول:

- عندكم إيه سندوتشات هنا؟؟

## الخاتمة

أغلق الأستاذ (محمود الشواربي) مدير دار الزهرة البنفسجية للنشر والتوزيع جهازه اللوحي بعد انتهاءه من قراءة الملف، ونظر إلى الكاتب (علاء الهوارى) الجالس أمامه وهو يتسمر قائلاً:

- برافو يا (علاء) رواية حلوة جدًا عملتها إزاي دي يا بنى؟

ابتسم (علاء) قائلاً:

- ألف شكر يا أستاذنا يا ترى ليك أي ملاحظات عليها.

فكر الشواربي قليلاً ثم أجاب:

- ملاحظات إيه يخربيت عقلك ده أنا توهدت.

ضحك (علاء) بصوت مرتفع والشواربي يكمل:

- يعنى أنت عامل قصة ساخرة بيكتبها كاتب، وجوا الرواية الأبطال بتوع العمل بيعملوا رواية لوحدهم، وتخطيط وترتيب، وبعدين كمان مطلع كاتب العمل فى الحقيقة بين أصحابه وتعامله مع دور النشر إيه الجنان ده.

قال (علاء):

- الفكرة بسيطة يا ريس رغم التعقيد اللي في المشاهد، أول مايتدخل جوا الرواية هاتفهم الدنيا ماشية إزاي.

تساءل الشواربي:

- السؤال بقي هنا هل القارئ هايستوعب اللي أنت عامله، ويقدر يفرق بين المشاهد

ولا هايتلخبط؟؟

أجابه (علاء):

- يا ريس القارئ ذي جدًا... أذكي مني ومن أي كاتب تاني... وأنا معتمد على ده، وعارف إن القارئ هايقدر يستوعب الموضوع بسهولة.

قاطعته الشواربي:

- أيوه بس خد بالك يا حبيبي القصة معلقة، وبعدين أنت عامل ثلاثة محاور في القصة يعني ثلاث قصص مختلفة.

أجابه (علاء):

- أيوه يا ريس أنا فاهم ده كويس... الموضوع ببساطة زي مشاهد التصوير السينمائي،

طول ما الكاتب بيكتب المشهد شغال، ولما بيتوقف بندخل في الكواليس بقى أبطال العمل بيكون ليهم حياة خاصة زي أبطال السينما بالضبط.

## قال الشواربي:

- أيوه بس ده جديد يا حبيبي وبعدين خلط العامية بالفصحى في الحوار مش كتير هايجبه.

قال (علاء):

- والله يا ريس أنا عارف إن الموضوع فيه مخاطرة، بس في النهاية المخاطرة جزء من اللعبة.

هز الشواربي رأسه موافقاً وهو يقول:

- بس النهاية بتاعتك غريبة يا (علاء) بتفكر تعمل جزء تاني ولا إيه؟

ضحك (علاء) قائلاً:

- والله يا أستاذنا موضوع جزء تاني مش مضمون بس كله على الله.

ابتسم الشواربي قائلاً:

- ونعم بالله... بس قولى يا بطل ليه استخدمت أسماء حقيقية في

الرواية دي، أنا أعرف نص الناس اللي أنت كاتبهم دول.

أجابه (علاء):

- والله يا ريس القصة ببساطة إني قولت العمل بيدور عن الوسط

الأدبي والكتاب والكتابة، ليه نجيب أسماء وهمية ما نخلي الموضوع

أكثر واقعية ونجيب أسماء ناس من الوسط... وبعدين ده هاخلي

العمل رغم غرابة الفكرة أقرب لخيال القارئ.

نهض الشواربي من خلف مكتبه، واتجه إلى المقعد المواجه لـ(علاء)  
وهو يقول:

- بص، الرواية عجباني جدًا ورغم التعقيد الي فيها إلا أنها حاجة  
تفرح بجد.

ها قولي بقى هانمضى العقد أمتى عشان نبدأ شغل.

فرح (علاء) بشدة وهو يرى حلمه يتحقق في كلمات الشواربي...  
حلمه بأن يكون أول أعماله المطبوعة مع تلك الدار الكبيرة، وتذكر  
كيف حارب ليصل إلى ذلك المكتب، الذي يجلس فيه في تلك اللحظة  
وأمام ذلك الراجل... حلم أن يوضع على غلاف كتابه شعار دار الزهرة  
البنفسجية، تلك الدار التي لا تقبل إلا الكبار في عالم الأدب.

تذكر كيف أحبطه الجميع وأخبروه أن وصوله إلى تلك الدار هو  
ضرب من الجنون.

تذكر كلماتهم تلك، وأراد أن يذهب إلى كل شخص فيهم ويجلبهم  
إلى هنا ليكون حاضر وصاحب الزهرة البنفسجية بنفسه يعرض عليه  
توقيع العقد، أفاق من ذكرياته على صوت الشواربي يقول:

- إيه يا (علاء) روحت فين يا ابني؟؟ هانمضى العقد دلوقتي؟؟

انتبه (علاء) لكلماته وأجابه:

- أنا معاك يا ريس.. تحت أمركم.. بس أنا في حاجة عايز أقولها  
لحضرتك.

نظر إليه الشواربي باهتمام و(علاء) يكمل:

- أوصلوا للشباب يا ريس، لازم الطريق ليكم يبقى سهل، في شباب كثير موهوبين وأقلام قوية أووي، بس للأسف بتموت وسط دور السبوبة اللي بيستغلوا حلمهم؛ عشان يجمعوا فلوس.

شباب كثير أووي بيدور على ربع فرصة مع دار محترمة، بس للأسف لما مش يلاقوا طريق صعب فيبطلوا يدوروا.

نظر إليه الشواربي بصمت وهو يكمل قائلاً:

- الكتاب الكبار اللي كل الناس بتجري وراهم لو نشروا في دار نشر تحت السلم هايبيعوا.. إنما الشباب الصغير يعمل إيه؟؟؟ يا إما بيتنصب عليهم من دور السبوبة، يا إما بيضيع مجهودهم بسبب إن الدار جديدة والدعاية قليلة وتوزيعها على قده، مع إنها بتكون دور محترمة.

قال الشواربي:

- يمكن يكون معاك حق يا (علاء)... بس أنت قاعد قدامى أهو، معنى كده إن في طريق... وأنا اللي عايز يوصل لحاجة بيوصل لها.

قاطعته (علاء):

- سامحني يا أستاذنا على المقاطعة بس أنت متعرفش أنا عملت إيه عشان أوصل لحضرتك.... أنا تقريباً كنت بحارب... أنا عارف إن الدار لازم تكسب بس في الأساس ليكم رسالة.

## ابتسم الشواربي قائلاً:

- احنا بنعمل مسابقة سنوية للشباب، وبيطلع من عندنا كل سنة  
كاتب أو اثنين جداد،

بس أنا عارف إن معاك حق.. وعارف الي بيحصل في سوق النشر..  
بس ده عشان يتصلح لازم الكل يقف مش احنا بس يا (علاء).. احنا  
بنحاول على قد ما نقدر.

ابتسم (علاء) قائلاً:

- يا ريس أنا قصدي حاجة واحدة بس أوصلوا للشباب الي بيكتب  
يا ريس... المكسب معاهم... وهما الي جاينين... هما المستقبل.

ابتسم الشواربي ونهض من أمام (علاء) عائداً خلف مكتبه، وفتح  
أحد الأدراج ليخرج منه أوراقاً ويدفع بها إلى (علاء) قائلاً:

- واديني بوصل لأول شاب أهو... امضي على عقد روايتك الجديدة  
يا فنان...

انتهت

تخاريف ساخرة

بقلم رامي فخري

٢٠١٨/٧/٩



